

8.43. A. 5

101

Went





8-43-A-5

Assistentia Germanica.
IACOBI LOBBETII
LEODIENSIS
ESOCIETATEIESV,
DE
FORTITVDINE
ET CONSTANTIA
CHRISTIANA
LIBRI TRES.

AD REVERENDVM ADMODVM
IN CHRISTO PATREM
MVTI VM VITELLESVM
SOCIETATIS IESV
Præpositum Generalem; ipso conditæ
SOCIETATIS

ANNO SÆCVLARI.

M. DC. XL.



{ * * }

LEODII,

Ex Officina IOANNIS OVWERX, Suxæ Celsitud.
Typog. jurati è regione Palatij.

THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT BRITAIN
AND IRELAND
VOLUME 10
PART 1
1880
LONDON
PUBLISHED BY THE
INSTITUTE
11, BEDFORD SQUARE, W.C.

ADMODVM
REVERENDO PATRI
IN CHRISTO
PATRI MV TIO
VITELLES
SOCIETATIS IESV
PRÆPOSITO
GENERALI.

ANNO SÆCVLARI,

VOTVM SÆCVLARE.



Egit olim, & quidē studiosè, ac fortiter Adm.
R. P. Iacobus Lainius,
vt Generalatum, quem
annuente Societate vniuersa susce-
perat, eadē approbante aliquando
deponeret. Habitum eâ dere, Pri-
morum Patrum Concilium, atque
ex more ad suffragia itum. P. Bo-
badilla,

EPISTOLA

badilla, ut facili, & amœno erat ingenio, pro sua in eum beneuolentia: ac præsertim pro studio curaq; fouendæ, atque augendæ Societatis, his suffragium suum verbis inscripsit.

Histor.
Societ.
P. 2. l. 5.
p. 122.

Quod ad Generalatum spectat, sententia mea hæc est; ut quemadmodum Constitutiones iubent, perpetuus ad vitam sit; inq; Tua Reuerentia ita sit stabilis, ut in annos dureret centum. Siq; post mortem ad vitam remigrares, meum suffragium est, ut munus hoc tibi reddatur, & usque ad supremum generalis iudicii diem prorogetur.

Hæc ille calamo notauit, atque ut ijs fides maior esset, sua etiam manu signauit.

Scio & in scholis, & in pulpitis agitari potuisse quæstionē. Si vitæ,
cui

DEDICATORIA

cui antea cessisset, redditus is fuisset, an etiam & officio? scio, inquam id à plerisq; ex iure negandum, scio tamen etiam ab omnibus ex singulari quodam in eum affectu fuisse concedendum. Et sanè concederemus illud ipsum omnes, Adm. R. P. V. si nobis primùm à morte eriperetur, ac deinde vitæ redonaretur. Verum, nè in eas quæstiones abeamus, sed potius demus aliud, quod extra litem, & controuersiam sit; illudque à Deo Rege sæculorum vno precemur ore, animoque, vt vitam (quâ ad commune Societatis bonum fruimur) Adm. R. P. V. faciat esse diuturnam, nec eam (si modo cæli leges patiantur) rescindi velit nisi quam tardissimè, & si placet, post sæculū etiam alterum. Primum enim (quæ fuit amabilis

EPISTOLA

Ep. Ro-
mæ da-
ta. An.
1639.
15. No-
uemb.

Dei prouidentia) iam vidit: & si in
eo quod hætenus gessit munere,
centum annos non recensuerit: at
saltem Societatem suæ curæ con-
creditam ad centesimum perduxit,
& quidem adeo valentem, ac ve-
getam, vt iactare possit voces haud
multum absimiles ijs quas olim
Caleb apud Iosue.

Iosue c.
14. v. 11.

*Hodie centum annorum sum sic
valens, vt eo valebam tempore,
quando ad explorandum missa sum:
illius in me temporis fortitudo vsq;
hodie perseverat tã ad bellandum,
quam ad gradiendum,*

Minima Societas I E S V apud
Imperatorem suum I E S V M hæc
ingenuè profiteri potest. *Hodie
centum sum annorum sic valens vt
valebam eo tempore, quo primum
enata, exploratum abij qua parte,
qui,*

DEDICATORIA.

quibusſue vijs vtramque ſolis domum tuo ſubiugarem imperio : *illius in me temporis fortitudo* *uſq̃* *hodie perſeuerat* : illius, inquam, temporis, quo Ignatium habuit Italia, Xauerium India, & Iaponia, Lainium Gallia, Rodericium Luſitania, Fabrú Hiſpania, Iaium Germania, Paſchaſium, & Salinero-nem Hibernia; Codurium Velitrę, Bobadillam Inſula Ænaria; omnes omnino tanquam exploratores expeditos *tam ad bellandum* contra Diuini Nominis hoſtes acerrimos, *quam ad gradiendum* ad vltimos vtriuſque orbis fines.

Decem
Primi
Patres
toto fe-
re orbe
ſparſi.

Et hi quidem ſunt Societatis noſtrę Duces, ac Progenitores, quorum fortitudo vſque hodie in filijs, Poſteriſque perſeuerat. Et hoc tuo inprimis (ô ſupreme Rex ſæculo-
rum

EPISTOLA

rum) beneficio; tua deinde gratia, Virgo Mater, & fauore vestro superi omnes: ac denique secundum illos, labore, studioque tuo *Admodum Reuerende Pater*. Te enim illi Societatis IESV Præpositum Generalem voluere, vt ei talis esses, qualis ex Diui Gregorij voto Animarum Rector: *Mater pietate, Pater disciplinâ*. Verum ne longius, sentio enim tacitè moneri me, vt parcam verbis, laudibusque tuis: & verò parcam, tuaque iubente modestia conticescam. Audebotamen libellum hunc meum DE FORTITVDINE, CONSTANTIAQUE CHRISTIANA, tuo nomini inscribere. Erit ille syncerus animi mei testis, & licet rudis sit, atque impolitus, permixtus tamen cumulo aliorum operum, & locum,

&

Pastor.
tal, c. 7.

DEDICATORIA.

& gratiam inueniet: simulque (vt
ibi desinam vnde cœpi) deferet in
Vrbem Authoris sui votum simile
ei, quod olim fuit P. Bobadillæ: *In
Tua Reuerentia Generalatus ita sit
stabilis, vt in annos duret centum:*
neq; vnquam in terris desinat, nisi
vt in cœlis duret in sæcula, ipsam-
que, quanta, quanta est, æternita-
tem.


Leodio 6. Iulij,

ANNO M. DC. XL.

*Admodum R. P. V. seruus in
Christo, & filiorum minimus,*

IACOBVS LOBBETIVS.

LECTORI
BENEVOLO.

 *St mihi de Fortitudine , Constantiaq³ Christiana brevis dissertationio , in qua ne me damnes, Amice Lector, quasi actū agam. Scio Viros magnos, Scriptoresq³ illustres in id fere argumenti genus incubuisse. Lipsius à Doctis ingenij monumentis orbi notissimus, duos Libros inscripsit de Constantia in malis publicis. Theophilus Rainaudus è Societate Iesu calamū longius duxit , atq³ etiam*

LECTORI BENEVOLO.

*etiam de privatis malis multa
fusè, doctèq; in Posteris emisit;
ut & alij, quos in praesentia
taceo. Quid igitur ab illis re-
liquum, inquiet unus aliquis?
omnino permultum. Est enim
eius generis argumentum il-
lud, in quo ut copiosè dixeris,
supererit tamen quod efferas
copiosius. Et verò ab illis ali-
quid novi edere me credo;
quamvis de materia nō nova.
Nam etsi Authores illos, a-
liosq; legissem ipse studiosius,
ex iis tamen omnino pauca, ex
Collectaneis meis quampluri-
ma eam in rem congressi; tibi-
que*

LECTORI BENEVOLO.

*que reddenda putavi, beneuo-
le Lector, ut in malis, quæ nos
velimus, nolimus impetunt, a-
liqua habeas, si non tollendo;
at saltem leniendo doloris sen-
su. Quod si assequor, & meo,
& tuo etiam calculo rem uti-
lem fecero.*

LIBER





IACOBI LOBBETH
LEODIENSIS
E SOCIETATE IESV
DE
FORTITVDINE,
ET
CONSTANTIA
CHRISTIANA,
LIBRI TRES.

EX ijs malis quæ nos circumstant ac premunt: quædā nobis insita sunt, & quodammodo congenita; vt morbi, sitis, fames, aliaque prope innumera, quæ consequitur mors ipsa brevis æui meta: quædam deforis appellant, & nos pul-
sant

A

sant

sant aliena potius maleuolentia ,
quam vitio nostro : quædam deni-
que non quemq; priuatum modo
inuoluunt, ac turbât; sed Ciuitates,
Respublicas , & Regna quatiant,
suisque veluti sedibus dimouent.

Ne porro hic etiam sapientis ani-
mum de sua constantia , & firma
quasi statione depellant, opere pre-
tium facturum me putavi; si de ijs
tres Libros scriberem, futuros ami-
co Lectori vel remedio, vel solatio.

Primus complectetur ea mala,
quæ naturæ quodammodo sunt ,
ac necessitatis. Alter quæ aliorum
inuidia , culpave nobis inferuntur.
Postremus denique quæ ad publi-
cas attinent calamitates; quibus ad-
demus pauca de actu fortitudinis,
qui in aggressionem consistit.



P R O O E M I V M.

CAPVT I.

Quid sit, & quod duplex

Fortitudo?

Fortis esse, & dici potest vnus
 aliquis, vel à robore corporis,
 vique lacertorum; vel ab habitu Eth. 2.
 qui animæ infidet, eamque dispo- Eth. 3.
 nit ad ardua quæq; ac terribilia aut
 fuscipienda, aut sustinenda; vel de-
 nique à potentiâ ad operandum:
 hæc fere vni Deo propria, ac sin-
 gularis; nec enim à corpore, & ner-
 uosâ artuum compage fortis audi-
 re potest, cum sit illius expers: nec
 à qualitate menti diuinę insitâ: eam
 enim non patitur actus omnino
 purissimus, cui etiam nihil difficile
 sit, & arduum: superest ergo vt ab

4 DE FORTITVDINE

infinitâ potentiâ, & agendi virtute fortis appelletur Deus: at homo, qui neruis compingitur, & hæret ossibus, ab illis quoque fortis nuncupari potest: sed ea fortitudo cum animantibus illi communis: hæc autem, quæ inheret animo, illi propria, ac singularis: & de hac mihi in præsentia est disceptatio; & vero ea in scholis dubiâ, & ancipiti doctorum inter se pugnâ pridem est ventilata.

Q. 123.

ar. 2.

D. Thomas purioris philosophiæ ocellus, fortitudinis nomen, remque ipsam aliter, atque aliter usurpare solet.

Primum pro firmitate animi in bono honesto; & sic non vna, singularisq; est virtus, sed omni quodammodo virtuti seruit, eiusq; custos est fidissima, ne à bono honesto

sto vllis incommodis, aut periculis
auelli se, aut dimoueri patiatur.

Ea sententia prius placuit Am-
brosio ; ita enim suauis eloquentiâ
discurrit.


*In duobus generibus fortitudo spe-
ctatur animi. Primo, ut externa
corporis pro minimis habeat; & qua-
si superflua despicienda magis, quàm* Lib. 1.
de offic.
c. 35.
*expetenda ducat. Secundo, ut ea,
quæ summa sunt, omnesque res, in
quibus honestas, & illud πρέπον cer-
nitur; præclarâ animi intentione vs-
que ad effectum persequatur.*

Pressius ab alijs accipitur forti-
tudo, ut ea sit firmitas animi in su-
stinendis, & repellendis ijs, in qui-
bus difficillimum est animum re-
gere, & statum rationis retinere.
Vbi enim peculiaris quædam est
difficultas in retinendo rationis præ-

8 DE FORTITVDINE

morem, audaciamque moderando: vel eâ tantum consideratione, quia ita fieri decens, ac necessum est ab homine, qui ratione præditus sit, aut philosophiæ præceptis imbutus, aut illustri familiâ, clarisque maioribus prognatus.

Altera supernaturalis est, & fidem, affectumque naturâ superiorem præsupponit, & prudentiâ eiusdem ordinis, vt regulâ vtitur. Hæc qualemcumque malorum incumbentium molem excipit, ac tolerat, vel eo tantum, quod agere, & pati fortia, sit Christianum.



CAPVT II.

Quæ sint partes fortitudinis?

Fortitudo nō vna, simplexque qualitas, sed velut urbana quedam humanæ mētis est vestis, quæ
suis

fuis constat partibus : eæ quatuor
ab Auguftino recensentur.

Fortitudo, inquit, *est confiderata* Lib. 83.
q. 31.
periculorum susceptio, & *laborum*
perpeſſio: eius partes, *magnificentia*,
fidentia, *patientia*, *perſeuerantia*.
Dicuntur illæ partes ex ipſius forti-
tudinis officijs, quæ in duobus po-
tiſſimùm ſita; in *aggrediendo*, & in
ſuſtinendo: ad quorū ſingula etiam
alia duo requiruntur.

Primùm alacritas, & quædam
animi promptitudo ad periculum
vltro quaſi, & ſpontaneè ſuſcipien-
dum; & hanc præſtat *fidentia*: qui
enim de ſuperando imminenti pe-
riculo ſpem, ac fiduciam hauſerit,
altèque admiferit, is facilis, ac pro-
nus periculum tentabit atq; induet.

Alterum eſt *ſtrenuitas* in execu-
tione: & hanc tribuit *magnificen-*

A 5 *tia*,

ria, quæ, teste Augustino, est rerum magnarum, & excelsarum cum animi ampla quadam, & splendida propositio, cogitatio, & administratio.

Ab his duabus virtutibus, quæ fortitudini vel pedissequæ, vel comites, vel, si mauis, filiæ sunt, paræque matris non exigua; præsidium affertur, vis, & robur ad audendum, & aggrediendum.

Alterum Fortitudinis munus est grauiâ, ac difficilia pati, ac sustinere, & huic officio seruiunt binę virtutes velut illius administræ: hinc scilicet *patientia*, quæ tristitiam, doloremque compescit, animumque continet, ne hisce passionibus euictus, à recto, & decoro desciscat: inde vero *perseuerantia*, ne diuturnitate malorū quasi succumbens, & fatiscens bene cœpta abrumpat, & desinat.

Macrobius in somnio Scipionis, supra explicatis fortitudinis partibus, tres alias adducit, scilicet *magnanimitatem, securitatem, & constantiam*, quas tamen bonâ illius veniâ etiam alijs subijciemus, dicemusque ijs ipsis facilè comprehendi; addemus tamen, tum lucis gratiâ, tum ad formandos mores, conditiones omnino viginti, quas Aristoteles in viro magno requirit. Lib. 4.
Eth.

Prima. *Dignum se honore existimare*: spectato scilicet officio, quod in Republicâ gerit, aut Dei ter opter max: donis, quibus alijs eminet.

Secunda. *Modicè honoribus etiâ magnis, & à bonis viris oblatis delectari*: à vulgo, & ob res parvas delatos contemnere.


Tertia. *In prosperis, & aduersis moderatum se præbere.*

Quarta.

LECTORI BENEVOLO.

que reddenda putavi, beneuole Lector, ut in malis, quæ nos velimus, nolimus impetunt, aliqua habeas, si non tollendo; at saltem leniendo doloris sensu. Quod si assequor, & meo, & tuo etiam calculo rem utilem fecero.

LIBER





IACOBI LOBBETHII
LEODIENSIS
E SOCIETATE IESV
DE
FORTITVDINE,
ET
CONSTANTIA
CHRISTIANA,
LIBRI TRES.



Xijs malis quæ nos circumstant ac premunt: quædā nobis insita sunt, & quodammodo congenita; vt morbi, sitis, fames, aliaque prope innumera, quæ consequitur mors ipsa brevis æui meta: quædam de foris appellunt, & nos pul-

A sanc

fant aliena potiùs maleuolentia ,
 quam vitio nostro : quædam deni-
 que non quemq; priuatum modo
 inuoluunt, ac turbât; sed Ciuitates,
 Respublicas , & Regna quatiant,
 suisque veluti sedibus dimouent.

Ne porro hic etiam sapientis ani-
 mum de sua constantia , & firma
 quasi statione depellant, opere pre-
 tium facturum me putauî; si de ijs
 tres Libros scriberem, futuros ami-
 co Lectori vel remedio, vel solatio.

Primus complectetur ea mala,
 quæ naturæ quodammodo sunt,
 ac necessitatis. Alter quæ aliorum
 inuidia, culpave nobis inferuntur.
 Postremus denique quæ ad publi-
 cas attinent calamitates; quibus ad-
 demus pauca de actu fortitudinis,
 qui in aggressionem consistit.



P R O O E M I V M.

CAPVT I.

Quid sit, & quotuplex

Fortitudo?

Fortis esse, & dici potest vnus
 aliquis, vel à robore corporis,
 vique lacertorum; vel ab habitu Eth. 2.
 qui animæ infidet, eamque dispo- Eth. 3.
 nit ad ardua quæq; ac terribilia aut
 fuscipienda, aut sustinenda; vel de-
 nique à potentiâ ad operandum:
 hæc fere vni Deo propria, ac sin-
 gularis; nec enim à corpore, & ner-
 uosâ artuum compage fortis audi-
 re potest, cum sit illius expers: nec
 à qualitate menti diuinę insitâ: eam
 enim non patitur actus omnino
 purissimus, cui etiam nihil difficile
 sit, & arduum: superest ergo vt ab

A 2

infi-

4 DE FORTITVDINE

infinîtâ potentiâ, & agendi virtute fortis appelletur Deus: at homo, qui neruis compingitur, & hæret ossibus, ab illis quoque fortis nuncupari potest: sed ea fortitudo cum animantibus illi communis: hæc autem, quæ inheret animo, illi propria, ac singularis: & de hac mihi in præsentîâ est disceptatio; & vero ea in scholis dubiâ, & ancipiti doctorum inter se pugnâ pridem est ventilata.

Q. 123. D. Thomas purioris philosophiæ ocellus, fortitudinis nomen, remque ipsam aliter, atque aliter usurpare solet.
 or. 2.

Primùm pro firmitate animi in bono honesto; & sic non vna, singularisq; est virtus, sed omni quodammodo virtuti seruit, eiusq; custos est fidissima, ne à bono honesto

sto

sto vllis incommodis, aut periculis
auelli se, aut dimoueri patiatur.

Ea sententia prius placuit Am-
brosio ; ita enim suauis eloquentiâ
discurrit.

*In duobus generibus fortitudo spe-
tatur animi. Primo, ut externa
corporis pro minimis habeat, & qua-
si superflua despicienda magis, quàm* Lib. 1.
de offi.
c. 35.
*expetenda ducat. Secundo, ut ea,
quæ summa sunt, omnesque res, in
quibus honestas, & illud $\pi\rho\epsilon\pi\omicron\nu$ cer-
nitur; præclarâ animi intentione vs-
que ad effectum persequatur.*

Pressius ab alijs accipitur forti-
tudo, ut ea sit firmitas animi in su-
stinendis, & repellendis ijs, in qui-
bus difficillimum est animum re-
gere, & statum rationis retinere.
Vbi enim peculiaris quædam est
difficultas in retinendo rationis præ-

scripto, ac dictamine, ibi necesse est, nos peculiari virtute dirigi: ea autem est fortitudo, & constantia quædam Christiana, quæ præsidio esse solet tum in variâ, & ancipiti fortunæ aleâ, aduersisq; casibus, quibus agitur, iactaturq; hæc vita. mortalis, tum in ipsâ mortis imagine, ac periculis: in his enim sua est, eaq; maxima difficultas, vt quis decorè, & ex rationis normâ, & intrinsecus, & extrinsecus se gerat, appellente fluctu quodam, æstuq; multarum, & ingentiû passionum.


Nimirum vbi in hominem incurrunt, eumq; petunt tot pericula, & veluti quædam fatiscentis ac labantis fortunæ, vitæq; ipsius ruinæ; vel excitatur ingens timor, ad mali odium, fugamq; quem difficillimû est ita coercere, vt non
per-

perturbet, & ad aliquid indecori compellat; vel insurgit motus audaciæ, impetusque ad impendentis mali repulsam: qui etiam moderandus est, ne temerè in periculum eat, seseque præcipitet: vel vtraque affectio, alternantibus animi motibus, & veluti inter se confligentibus, exoritur, & tum vtramque simul ad rationis leges, ac placita reuocare, & ex ijs temperare oportet: quod officium est, & opportunus labor fortitudinis: quæ non vnius in omnibus ordinis esse solet. Vna quippe naturalis est, qualis esse potest sine fide, & veri Numinis, ac religionis professione, qualisque fuit, in antiquis illis Heroibus; & hæc mortis pericula, fortunæ inclinationes, vitæ incommoda, atque aduersitates sustinet, ti-

8 DE FORTITVDINE

morem, audaciamque moderando: vel eâ tantum consideratione, quia ita fieri decens, ac necessum est ab homine, qui ratione præditus sit, aut philosophiæ præceptis imbutus, aut illustri familiâ, clarisque maioribus prognatus.

Altera supernaturalis est, & fidem, affectumque naturâ superiorem præsupponit, & prudentiâ eiusdem ordinis, vt regulâ vtitur. Hæc qualemcumque malorum incumbentium molem excipit, ac tolerat, vel eo tantum, quod agere, & pati fortia, sit Christianum.



CAPVT II.

Quæ sint partes fortitudinis?

Fortitudo nō vna, simplexque qualitas, sed velut urbana quedam humanæ mētis est vestis, quæ
suis

suis constat partibus : ex quatuor
ab Augustino recensentur.

Fortitudo, inquit, est considerata Lib. 83.
periculorum susceptio, & laborum 9. 31.
perpesio: eius partes, magnificentia,
fidentia, *patientia*, *perseuerantia*.

Dicuntur illæ partes ex ipsius forti-
tudinis officijs, quæ in duobus po-
tissimùm sita; in *aggrediendo*, & in
sustinendo: ad quorû singula etiam
alia duo requiruntur.

Primùm alacritas, & quædam
animi promptitudo ad periculum
vltro quasi, & spontaneè suscipien-
dum; & hanc præstat *fidentia*: qui
enim de superando imminenti pe-
riculo spem, ac fiduciam hauserit,
altèque admiserit, is facilis, ac pro-
nus periculum tentabit atq; induet.

Alterum est *strenuitas* in execu-
tione: & hanc tribuit *magnificen-*

A 5

ria,

tia, quæ, teste Augustino, est rerum magnarum, & excelsarum cum animi ampla quadam, & splendida propositione, cogitatio, & administratio.

Ab his duabus virtutibus, quæ fortitudini vel pedissequæ, vel comites, vel, si mauis, filiæ sunt, paræque matris non exigua; præsidium affertur, vis, & robur ad audendum, & aggrediendum.

Alterum Fortitudinis munus est grauias, ac difficilia pati, ac sustinere, & huic officio seruiunt binæ virtutes velut illius administræ: hinc scilicet *patientia*, quæ tristitiam, doloremque compescit, animumque continet, ne hisce passionibus euictus, à recto, & decoro desciscat: inde vero *perseuerantia*, ne diuturnitate malorum quasi succumbens, & fatiscens bene cœpta abrumpat, & desinat.

Macrobius in somnio Scipionis, supra explicatis fortitudinis partibus, tres alias adducit, scilicet *magnanimitatem, securitatem, & constantiam*, quas tamen bonâ illius veniâ etiam alijs subijciemus, dicemusque ijs ipsis facilè comprehendi; addemus tamen, tum lucis gratiâ, tum ad formandos mores, conditiones omnino viginti, quas Aristoteles in viro magno requirit. Lib. 4.
Eth.

Prima. *Dignum se honore existimare*: spectato scilicet officio, quod in Republicâ gerit, aut Dei ter opter max: donis, quibus alijs eminent.

Secunda. *Modicè honoribus etiâ magnis, & à bonis viris oblatis delectari: à vulgo, & ob res parvas delatos contemnere*.

Tertia. *In prosperis, & aduersis moderatum se præbere*.

Quarta.

Quarta. Non offerre se casibus parvorum periculorum, nec amare pericula, eo quod parvas res magni faciat; magnis tamen se exponere, & tunc vitæ non parcere.

Quinta. Acceptum beneficium maiore beneficio cōpensare, & quodammodo obruere.

Sexta. Neminem, aut vix quemquā rogare, ne scilicet à quoquam pendeas, aut ei quidquam debeas, aut debere te fatearis.

Septima. Libenter alteri operam dare, atque inservire; vt omnes tibi obstricti sint, tu vero aut paucis, aut omnino nemini.

Octaua. Cum viris principibus, atq; opulentis, præstare se magnum, & excelsum: ne scilicet eorum auctoritate opprimi te patiaris: aut inani, abiectâque assentatione plus æquo

æquo indulgisse videaris. Contra vero cū mediocribus, & infimis modestum, ac moderatum se exhibere; æmulatione quadam supremæ illius, ac diuinæ mentis, quæ humilia respicit, & alta à longè cognoscit.

Nona. Non se locis, aut functionibus honoratioribus ingerere: hoc enim ambientis est, & immoderati, nō magni animi argumentum.

Decima. Cunctari, & quietem agere, nisi res magna sit proposita; neque enim vis ingens, & robur arduum excelsæ mentis sese explicat, vbi angustus industriæ, laborique aperitur campus, nisi fortè, vt aperiat magis, & vt pauca faciat, sed magna.

Vndecima. Apertè odisse, ac apertè amare, quæ scilicet odio, vel amore digna iudicaris: apertè, inquam,

quam, *quia timentis est, & seruilis animi, fronte occultare sententiam;* sibi autem fidentis, liberique sensum, affectumque quisquis is est, prodere, & manifestare.

Duodecima. *Apertè omnia dicere, & agere,* (intra tamē prudentiæ modestiæque limites, & cancellos) amat enim orationis libertatem, suam quisquis amarit; & quod intra præcellæ mentis adita, intimosq; consiliorum recessus rectè conceperit; liberè parit, & in lucem, apertumque qua voce, qua actione effundit.

Decima tertia. *Vti dissimulatione in vulgus,* cuius scilicet laudes, calculumque nec amat, nec querit; vix enim in magnis subscellijs probatur, quod vulgus probarit.

Decima quarta. *Non posse alterius*

terius nutu vivere, nisi amici: seruilis enim est animi alterius nutum obseruare, & ex eo vivere, suaque omnia regere, ac moderari; nisi fortè is sit amicus in paucis; qualis etiam Religiosus est superior; qui non tam officio, quàm amore præsidet, non tantum distat dignitate, quantum accedit caritate.

Decima quinta. Non facile admirari, quia nihil ei magnum est, inquit Philosophus, què enim in humanis rebus magnum aliquid æstimet, qui eas omnes infra se iam posuerit, & quasi ad pedes abiecerit?

Decima sexta. Non meminisse iniuriarum; Viri enim magnanimi non est memorem esse præsertim iniuriarum, & malorum: sed ea potius pro nibilo putare, inquit Aristoteles;

stoteles; Ex quo ad mores conficio viles esse animas, quæ priuatas iniurias persequuntur; qui enim viles non sint, quorum status, & dignitas vno verbulo concutitur, & labefactatur; nec nisi eo vindicato stare potest, aut reparari: secus omnino apud generosos se res habet: statum illi suum, ac dignitatē, extra fortunę aleam, extra teli iactum repositā ducunt; nec se à quoquam, nisi à se ipsis lædi posse putant.

Decima septima. *Non cupidè loqui de hominibus; quia neque ut laudetur sollicitus est, nec ut alijs vituperentur, nec aliorum laudator est, nec maledicus, ne in inimicos quidem, nisi acceptā contumeliā; tum enim eam modestè diluere, etiam magni est animi; maioris pati, & contemnere. Leo, quippe, ad latratu-*

*tus canum vix respicit, nedum iu-
bas excutit, & commouet.*

Decima octaua. *In rebus quæ
necessario perferenda, vel quæ exi-
guæ sunt, non esse queribundum, aut
supplicem, quia est animi nimium re-
bus humanis addicti.*

Decima nona. *Malle possidere
res honestas, quam fructuosas; hoc e-
nim magis proprium est hominis se-
lpto contenti, & qui suâ virtute, ceu
veste se inuoluit, nō ascititijs pha-
leris obtegit.*

Vigesima. *Habere motum tar-
dum, vocem grauem, orationem sta-
bilem, ac sedatam: quia festinare
nō solet; qui paucis rebus studet, nec
vehementer contendere, cui nihil
magnum esse videtur.*

Et ea sunt Philosophiæ pronun-
tiata, quæ posteris inscripsit Ari-

B

stoteles,

stoteles, ex naturæ genio, Lycæi placitis, & rationis præscripto, à quibus descendo ad actus fortitudinis, qui alij sunt, atque alij: vt alia atque alia est certantium palæstra.



LIBER PRIMVS.

*De Actibus Fortitudinis, qui in
sustinendo positi sunt.*


IN duobus potissimùm sese ex-
rit, atque explicat virtus fortitu-
dinis: in agendo, & patiendo: in
vtrius magis, adhuc est sub Iudi-
ce, lis enim illa validis hinc & inde
nititur rationū firmamentis: nec in
alterutram partem facile inclinat
victoria: sed hæret; dubio quasi, &
ancipiti marte: in quo si quid pos-
set meus calculus: propenderem,
vt patienti potius palma cederet,
quam

quam agenti: sed quia hæc disceptatio non est mei fori, neque admodum cōducit ad mores: eâ prætermisâ: descendam ad actus fortitudinis, qui in sustinendo consistunt: ij præsidio sunt, & solatio, aduersus omnia graua, & honesta, siue pericula ea sint, siue mala quæ in vitam incurrunt, atq; inuolant: cuiusmodi sunt morbi, vincula, exilium, mors, fortunarû euersiones, amicorû casus, & eorum (quos nobis natura, sanguisq; iunxit) ruinæ, & fata: aliæque his affines in rebus humanis vicissitudines, atq; lapsus, quos pati, ac tolerare virilis est, & infracti animi, atque à Christianâ fortitudine probè cōmuniti.

Is olim fuit D. Chrysostomus, qui hæc candidè, & verè de seipso.

Quidquid terroris habet mundus

contemno : quidquid delectabile habet, rideo : diuitias non cupio, paupertatem non horreo, mortem non timeo, vt neque hanc, neque morbos illius prodromos, neque cætera mala plus æquo reformides, de singulis mihi suus erit disceptandi locus.



CAPVT I.

De morbi molestiis æquanimiter tolerandis.

INter cætera, quæ nos pulsant, & affligunt, mala, quædam domi sunt, & nobis quodammodo congenita, quædam deforis adueniunt, & in nos incurfant, vel hominum maleuolentiâ, vel quandoq; amabili Dei prouidentiâ, quæ mortales in hac vitâ vt pilas habet.

Primi

Primi generis sunt morbi, & corporis ægritudines, morsque ipsa.

Secundi illatæ extrinsecus iniuriæ, quæ vel famam, vel fortunas, vel corpus ipsum impetunt: aduersus hæc omnia nobis paratur bellum, & palma si vincimus: non tamen sine labore, sudore, sanguine: ut enim aureè Chrysostomus.

O Christiane, delicatus es miles, si putas sine pugna te posse vincere, sine certamine triumphare. Fortiter dimica, atrociter in prælio concerta, considera pactum, conditionem attende, militiam nosce. Pactum quod spondidisti, conditionem ad quam accessisti, militiam cui nomen dedisti. Hoc enim pacto quos miraris, omnes pugnaverunt; hac conditione vniuersi vicerunt; hac militiâ triumpharunt.

§. I.

*Quid sit morbus? & quæ illius
causæ?*

Gnostici morbos aiebant esse
dæmones, & proinde incan-
tationes, seu carmen quoddam ex-
cogitauerāt ad eos ex humanis cor-
poribus eijciendos.

Insanus hic error est, & hæreti-
corum commentum à fide, à natu-
ra, à medicorum placitis prorsus a-
lienum: docent illi morbum aliud
nihil esse quam prauam aliquam
corporis affectionē; quæ fere cum
ipsa vita trahitur. Vt enim D. Au-
gustinus: *Quis non egrotat in hac
vita? quis non longum languorem
trahit? nasci in hoc corpore morta-
li, incipere egrotare est. Sic ab ipsa
natiuitate insita quædā corpōri no-
stro*

stro labes, & inualetudinis scaturigo, à qua tot effunduntur morborum examina, vt in vno oculo centum & duodecim contrarias affectiones Galenus notarit, & Plinius non dubitauerit asserere morborum trecenta esse genera in humana vita, hoc est, vt interpretantur alij, prope innumerabilia, quorum omnium origines hic paucis inquiremus.

In In-
trod.
Lib. 26.
c. 1.

Vt malo cuipiam medelam facias, aut si minus possis, æquo saltem constantique animo feras, interest quàm plurimùm illius causas iam ante peruidisse. Ea ratio mihi suadet vt primùm aperiã morbi fontes, tum ad remedia delabar.

Suarez à calamo, doctisq̃ue ingenij monumentis orbi notus; morbos omnes ex vnâ aliquâ harum

causarum oriri docuit : vel ex parentum vitio , prauâque completionē , quæ etiam in foetum emanat. Vel ex quadam intemperie, & humorum inter se dissidentiū pugnâ : vel ex aëris iniurijs , cœlique inclementioris influentiâ : vel denique ex ipso peccato, quod prima radix malorum omnium.

Prima illa, & innoxia hominis ætas , morbum ne de nomine quidem nouerat, nesciebat quid febris, quid calculus, quid podagra, aut chiragra, quid aqua intercus esset : multoque minus quid à febre algerē, aut ardere ; quid calculo ceu equuleo torqueri ; quid aqua intercute distendi, quid à podagrâ, & chiragrâ lentam alluuiem, duramque tyrannidem pati. Hęc inquam non viderat prima orbis ætas, nec
 sensc-

fenserat Adam in suo illo innocen-
 tiæ statu, qui utinam & posteris &
 illi fuisset diuturnus; sed irrita ca-
 dunt vota, nec nobis erit, qui prius
 à peccato ad hæc mala damnati,
 quàm nati, nec illi etiam fuit. Si e-
 nim S. Ephrem credimus, creatus
 Adam horâ nonâ matutinâ: & sce-
 leris reus sub tertiam pomeridia-
 nam, adeoque etiam morbis ob-
 noxius. Vel si mauis age, dic cum
 Tostato conditum die Veneris sub *In Gene-
sim.*
 Solis ortum, Sabbato peccasse sub
 occasum. Vel si arridet magis cum
 Pererio, Torniello, Saliano, iudica
 & pronuntia in Paradiso, sedeque
 voluptatis dies vidisse octo, nō am-
 plius: Certè ut ut sentias, & loqua-
 ris, ad propositum meum parum
 interest: manebit ea lis sub Iudice,
 & veritas in occulto; at hoc in a-
 B 5 perto

perto erit; statim atque peccauit sui
 sceleris pœnam sensisse, & in cor-
 pus quasi in hospitium morbos om-
 nes admisisse, eorumque vitium in
 postero transmississe, non transmis-
 surus vnquam si scelus abfuiſſet.
 Erat enim constans, & intemerata
 valetudo, datum à superis veluti
 innocentiae priuilegium: pro cuius
 Lib. 2. fide etiam appello illud quod Ruf-
 c. 17.
 l. 8. c. finus in vitis Patrum, Palladius, a-
 71. liique de Abbate Isidoro, eiusque
 monachis prodiderunt.

Erat magnus ille Præsul, erant
 & Monachi, parentis optimi emu-
 latores filij, eâ vitæ, morumque in-
 nocentiâ, cui aliquid supra vulgus,
 statamque naturæ legem concedi
 potuit; & vero re etiam ipsâ con-
 cessum est. Fuit autem illud eius-
 modi, vt nunquam ægrotarent: sed
 vitam

vitam ducerent etiam in feros annos nullis vnquam morbi contagij vitiatam : cui priuilegio additum & alterum ; vt cum immineret vltima dies , & sanctioris æui meta , ea pateret illico , & diuinâ reuelatione nosceretur. Tum Religiosi viri impendentis fati memores, quàm optimè dispēfare reliqua perituræ vitæ momenta , atque ad beatam æternitatem facilem aditum parare ; nec tam abripi violentâ morte , quam suavi sopore terris subduci, & cœlo reddi.

Et hæc paucis à me dicta sunt, vt euincerem illud, ab animi noxâ, in ipsum quoque corpus morbi vitium trahi. Vt non immerito pronuntiarit olim Democritus, si corpus animum in ius vocaret , haudquaquam futurum vt ille muneris
male

male administrati crimen effugeret; cum enim in corpore, velut in præsidio, collocatus sit, hostem, id est peccatum omni conatu, vique arcere debuit: & tamen (ô malum) illud ipsum patentibus atque explicatis valuis admisit, malus omnino sui corporis custos, ac præses; & hinc laxatur infesta morborum agmina, quæ vbi illud inuaserunt, etiam sceleratæ menti pro pœnâ sunt: non ita tamẽ, quin aliquando & sæpius pro medicinâ: ita scilicet disponente suaui Numinis prouidentia. Vt postea fusius explicabitur.

§. 2.

Quæ in morbo afflictioni esse soleant?

Quæ etiam præsidio?

DIuus Chrysostomus facundâ mente, & ore, vt solet, aureo, patientiam, quæ in morbiaculeis, ac doloribus exhibetur, in summis reponit: sic enim epistolâ quartâ ad Olympiadem.

Nihil est, inquit, Olympias, quod ad laudem, & gloriam adipiscendam cum patientiâ in doloribus perferendis comparari possit. Nam ea virtutum regina, & coronarum apex est. Ac ne illud sine testimonio & exëplo fuisse videatur, Iobum (quem adamantinam animam, & turrin patientie vocat) in arenam educit, quasi pugilê fortissimum, & cum omnibus iniurijs luctatorem.

rem. Ac primo quidem cum fortunarum iacturâ, & bonorum clade: deinde cum acerbo suorum facto, quos, vt ait, ex vtroque sexu omnes subitâ & immaturâ ætate, & violentâ morte malus genius ita oppressit, vt in ipso mortis modo, ac ratione extemporaneum tumultum inuenirent. Et tamen *cum tantam in agris, domi in pecudibus, in liberis tempestatem excitatam, fluctusque fluctibus continuo succedentes, & continuos scopulos, & profundam caliginem, & intolerandum naufragium conspiceret, nec mœrore premebatur, nec ea quæ acciderant, pænè sentiebat. At posteaquâ morbo & vulneribus deditus est, tum vero & mortem exoptabat, & in luctu, ac lamentis versabatur. Ex quo intelligas licet, quemadmodum hoc omnibus*

bus

bus rebus aduersis grauius sit, ac summum patientiæ genus. Atque hoc ne peruersus quidem demon ignorabat. Ac proinde cum omnibus illis rebus tentatis pugilem tranquillum, & à perturbatione immunem perspiceret, ad hoc certamen tanquam omnium maximum se contulit. Cætera videlicet tolerabilia esse ducens, etiamsi fortunas, etiamsi liberos, etiamsi quicquam aliud amittat. At eam demum mortiferam esse plagam cum quissam in corpore dolores excipit.

Vbi porro illos sedatâ mente, infractoque animo excipere visus est Iobus, tum demum & à cœpto destitit malus hostis, & sese victum orco reddidit, victori terram, cœlumq; reliquit velut illustrem patientiæ scenam, theatrumque fortitudinis;

rudinis; de quâ dum mihi mouetur quæstio, in eâ paucis excutendum erit, quæ in morbo afflictioni esse soleant, ac deinde quæ præsidio.

Tria, inquit Plinius, in omni morbo grauiasunt. Metus mortis, dolor corporis, intermissio voluptatum; adde & officiorum ad quæ nos vel natura finxit, vel ipsa vitæ ratio vocauit. Contra hæc omnia sua viro forti sunt auxilia, & primum quidem aduersus insurgentem mortis

Seneca
ep. 101.

metum excutienda vitæ cupido est, discendumque nihil interesse quando patiari, quod quandoque patendum est. Quàm bene viuas referre, non quam diu, sæpe autem in hoc esse bene: ne diu.

Sopitâ autem, & penitus edomitâ illâ vitæ cupidine, enascetur & ipse mortis contemptus, de quo disertè ille ipse Seneca.

*Non tantum morbi, sed totius
vitæ remedium est contemnere mor-
tem. Multorum mortē distulit mor-
bus, & salutis illis fuit videri perire.
Morieris, non quia egrotas, sed quia* Ep. 78.
*vixis. Ista te res & sanatum manet.
Cum conualueris non mortem, sed
valetudinem effugies: quod si illam
effugere non possis, quid adeo te
ipse torques, atque excrucias. Pro-
fecto degener est anima quæ sepul-
ta latet in corpore, & tamen cor-
pus amat: non secus quàm quæ hu-
miscipunt, lustra sua belluæ. Sed
audio reclamas, & mihi ingeminas
illud, à morbo huic corpusculo es-
se malè.*

Sed amabo te, mi lector. Quid Epictetus C.
est habere malè? appropinquare dis- 10.
*solutioni, quâ anima separatur à
corpore. Sed quid res ista habet pe-
riculi?*

tudinis; de quâ dum mihi mouetur quæstio, in eâ paucis excutendum erit, quæ in morbo afflictioni esse soleant, ac deinde quæ præsidio.

Tria, inquit Plinius, in omni morbo grauiasunt. Metus mortis, dolor corporis, intermissio voluptatum; adde & officiorum ad quæ nos vel natura finxit, vel ipsa vitæ ratio vocauit. Contra hæc omnia sua viro forti sunt auxilia, & primum quidem aduersus insurgentem mortis

Seneca
ep. 101.

metum excutienda vitæ cupido est, discendumque nihil interesse quando patiari, quod quandoque patendum est. Quàm bene viuas referre, non quam diu, sæpe autem in hoc esse bene: ne diu.

Sopitâ autem, & penitus edomitâ illâ vitæ cupidine, enascetur & ipse mortis contemptus, de quo disertè ille ipse Seneca.

*Non tantum morbi, sed totius
vitæ remedium est contemnere mor-
tem. Multorum mortē distulit mor-
bus, & saluti illis fuit videri perire.
Morieris, non quia egrotas, sed quia* Ep. 78.
*vinis. Ista te res & sanatum manet.
Cum conualueris non mortem, sed
valetudinem effugies: quod si illam
effugere non possis, quid adeo te
ipse torques, atque excrucias. Pro-
fecto degener est anima quæ sepul-
ta latet in corpore, & tamen cor-
pus amat: non secus quàm quæ hu-
miserpunt, lustra sua belluæ. Sed
audio reclamas, & mihi ingeminas
illud, à morbo huic corpusculo ef-
fe malè.*

Sed amabo te, mi lector. Quid Epictet-
est habere malè? appropinquare dis- tus c.
solutioni, quâ anima separatur à 10.
corpore. Sed quid res ista habet pe-
riculi?

riculi ? si nunc non appropinques, paulo postea accedendum erit. An te mortuo scilicet mundus euertetur ?

Sed ecce iterum obstrepis : magnos cruciatus habet morbus : sed hos tol-

Sen.ep.
78. *rabiles interualla faciunt : nam summi doloris intensio inuenit finem. Nemo potest valde dolere, & diu. Hoc nempe solatiū vasti doloris est, quod necesse est desinas illum sentire, si nimis senseris. Vir magnus ac prudens animum deducit à corpore, & multum cū meliore & diuinâ parte versatur, cum hac querulâ, & fragili quantum necesse est. Leuis dolor est si nihil illi opinio adiecerit. Contra si exhortari te cœperis, ac dicere nihil est, aut certè exiguum est. Duremus, iam desinet. Lenem illum dum putas, facies. Plerumque enim ad opinionem dolemus, & tam miser est quisque quàm credit.*

Verum demus etiam illud immanem esse doloris sensum: sitamen in eo suus est æger: toto contra illum pugnet animo, vincetur si cesserit, vincet si se contra suum dolorem intenderit. Quemadmodum perniciosior est hostis fugientibus, sic omne incommodum magis instat cendenti, & auerso. Sed graue est. Quid? nos ad hoc fortes sumus ut leuia portemus? cogita quid honestè, quid fortiter feceris, bonas partes tecum ipse tracta, memoriam in ea quæ maximè miratus es, sparge: tunc tibi fortissimus quisque, & victor doloris occurrat. Ille qui dum varices exsecandas præberet, legere librum perseuerauit. Ille qui non desijt ridere, cum ob hoc ipsum irati tortores omnia instrumenta crudelitatis experirentur. Non vincetur.

dolor ratione, qui victus est risu?
 Vincetur certè, si modo is es, qui
 esse debes; sed & aliud à morbo
 malum est, videlicet intermissio
 voluptatum, & ea malus est no-
 dus, cui quærendus etiam cuneus
 omnino malus.

Duo sunt genera voluptatum,
 corpus aliæ, animum aliæ bene af-
 ficiunt: neque has, neque illas mor-
 bus tollit: vt enim ille ipse Plinius,
 quo authore hic vtor. *Corporales*
voluptates morbus inhibet, non tol-
lit. Imo si verum æstimes, incitat.
Magis iuuat bibere sitientem, gra-
tior est esurienti cibus. Quidquid ex
abstinentiâ contingit, gratius exci-
pitur. Illas vero animi voluptates,
quæ maiores, certioresque sunt, nemo
medicus agro negat. Has quisquis se-
quitur, & bene intelligit, omnia sen-
sum

suum blandimenta contemnit. Verum non ita forsitan illud, quod ultimo loco posui, tanquã à morbo malum: erat illud intermissio eorum muniorum, ad quæ nos vel natura formavit, vel impulit fortuna, vel nostra voluntas induxit.

Da mihi è multis vnum aliquem in paucis ad studia facilem, ac primum, da eum, cui tota vita litibus teritur; da alium, si voles, qui inter arma, & tubarum clangorem innutritus vitam fere exegit martio pulvere non indecorè sordidam: & huic, & illi importunæ morbi molestiæ, & vis acerba: quid enim, is qui in omni vitâ litteris assedit, an non dānabit infœlix illud otium, quo & à studijs malè feriari iubetur, & in molli ansere desidiosus cubare? quid alius, cui Martem spirat

rat animus, qui cursu capitur, & pugnâ, qui æstus tolerat, ac soles, nunquid inertes, atque inglorios claudit esse dies illos, quibus non tam sibi, quàm morbo vacat, non tam cum hoste pugnat, quam cum ingenti morborum cateruâ, & modo calculo, modo podagræ & chiragræ litē mouet, & sibi stomachum. Certè & medicos omnes procul esse, & morbos volet, quisquis ab ijs sibi eripi senserit iucundissimam illam animi exercitationem, quæ vel in sago, vel in rogâ quæritur. Non volet tamen, si attendat etiam in morbis suas esse animæ delicias, & honestissimas exercitationes; sunt eæ virtutes prope omnes, quibus scholas aperit ipse morbus. Plinium audi etiam de hoc argumento disserentem.

Corpus

*Corpus tuum valetudo tenet, non
animum, si animus tibi in usu esse
solet, suadebis, docebis, disces, quæ-
res, recordaberis. Quid porro? nihil
agere te credis, si temperans ager-
is? Est, mihi crede, virtuti etiam
in lectulo locus. Non tantum arma
& acies dant argumenta alacris a-
nimi, indomitique terroribus. Et
in vestimentis vir fortis apparet.
Habes quod agas, bene luctare cum
morbo. Si nihil te coegerit, si nihil
exorauerit, insigne prodis exemplum.
O quam magna erat gloriæ mate-
ria, si spectaremur ægri; ipse te spe-
cta, ipse te lauda. Laudabis autem,
si te ita morbus à consuetis officijs
abducat, vt. tamen à pulcherrima-
rum virtutum exercitijs non ab-
ducat.*

§. 3.

*Qui fructus è morbo corporis; ad
animum emanare soleant?*

SI morbi vim æstimare velis ex
sensu deprauatæ naturæ, pœ-
nam esse dices: si è suauis Dei proui-
dentiâ, ac miseratione, remedium
ac medicinam esse fateberis.

Pf. 21. *Intelligat homo, inquit Augu-
stinus, medicum esse Deum, & tri-
bulationem, atque etiam morbum,
medicamentum esse ad salutem; non
pœnam ad damnationem. Sub me-
dicamento positus ureris, secaris,
clamas, non audit medicus ad vo-
luntatem, sed audit ad sanitatem.*

L. 2. ep. 9. *Quod ipsum ore melleo dedu-
cit Ambrosius epistolâ ad Bellicû
ægrum, in quâ iactat illud scriptu-
ræ, Deique ad Hebræos oraculum.*

Percu-

Percutiam, & sanabo. Percussit, in- *Dent. c.*
32. v. 39.
quit, infirmitate, & sanauit fide.

Nimirum dum Bellico iaceret ægrum corpus, sese crexit animus, & ad altiora fidei mysteria, solemnemque professionem euexit.

Simile quoddam supremi Numinis à morbo beneficiuin etiam ipsi agnouere pagani, quos inter Plinius doctè, vt solet, ac facundè.

Nuper, inquit, me cuiusdam amici languor admonuit, optimos nos esse dum infirmi sumus. Quem enim in- *L. 7. cp.*
26.
firmum aut auaritia, aut libido sollicitat? non amoribus seruit, non appetit honores, & quantulumcumque vt relicturus, satis habet. Tunc Deos, tunc hominem esse se meminit; inuidet nemini; neminem miratur; neminem despicit; ac ne sermonibus quidem malignis aut attendit, aut

C S

alitur.

alitur. Balnea imaginatur, aut fontes, hac summa curarum, summa votorum, mollem in posterum, pinguemque, si contingat euadere, hoc est innoxiam beatamque, destinat vitam. Possum ergo quod pluribus verbis, pluribus etiam voluminibus Philosophi docere conantur, ipse mihi, tibi que breuiter precipere, ut tales esse sani perseueremus, quales nos futuros profiteamur infirmi.

Nimirum dum ægri sumus, nasci solet magna præteritæ vitæ poenitentia, futuræ præcautio, multa que prouidentia; si morbo benemonenti pareamus, quod olim Sigismundo Imperatori, aperte insinuauit Theodorus Archiepiscopus Colonienſis, cum enim ex eo quæſisset Cæsar, quæ recta esset in cœlum via? subiunxit magnus Præsul.

Si

Si tuam vitam institueris, ut facturū te promisti, dum calculus aut podagra, aut alius morbus grauior te oppressit. Nempe tum temporis saniora ineuntur consilia, quia in ægro corpore sanior est animus, ut enim disertè Saluianus.

Infirmetas carnis vigorem mentis exacuit, ut affectis artubus vires corporum in vires transeant animorum. Non turpibus flammis medullæ estuent, non malè sanam mentem latentia incentiua succendant, non vagi sensus per varia oblectamenta lasciuiant; sed sola exultet anima, læta corpore affecto, quasi aduersario subiugato. Et si enim anima sit hospes, comesque corporis, ab hoc tamen quasi ab hoste sibi malè metuit, maximè vero cum valens, ac vegetum est:

L. 1. de Prouid.
tum

tum enim velut equus indomitus animum tanquam sessorem excussit, non excussurus, si aut fame languens, & tabidum, aut morbo iacens, atque oppressum esset: tum enim animo ceu domino cedit, eiusque admittit imperia; nulla quandoque aliâ vi, nisi ægritudine edomandus, quod eleganti ænigmate doctum poëta voluit. Legitur illud apud Dyphilum, estque de tribus fortissimis, scilicet ferro, fabro, & febre: hos inter olim suasilis, & de fortitudine contentio.

Pro ferro faciebat illud, quod & durum sit & prope indomitum, & quod ipsum cætera frangat, atque edomet.

Pro fabro militabat istud, quod ipse ferrum cudat, versetq; formas in omnes, ideoque ferro fortior audire videatur.

Pro febris vero hæc obiecta ratio,
quod fabrum ferri domitorem, e-
domet ipsa, debilitet, lectulo in-
sternat, penitusque frangat.

Hoc ænigmate poëta lusit, do-
cuitque humanos animos à mor-
bo flecti, vinci que, qui nec occul-
tâ, nec apertâ vi edomari potuerunt.
Infirmitas grauis, inquit Ecclesia-
sticus, *sobriam facit animam*, quam
valetudo prius ebriam fecerat.

Exemplo erit Ezechias, qui va-
lens, Deo ac superis minus gratus;
æger omnino gratior. Exceperat il-
lud ab Isaiâ oraculum. *Dispone do-*
miui tue, quia morieris tu, & non
viues. Ad has voces, & immis-
sam altius iacenti corpusculo mor-
bi luem, excitatus *conuertit faciem*
suam ad parietem, & orauit ad Do-
minum, & fleuit Ezechias fletu ma-
gno.

gno. Firino ac valenti pumice sic-
ciores erant oculi, infirmo humen-
tes, & velut in lacrymarum stagno
natantes; prius obduratus ad moni-
ta, precesque animus, iam cereus, &
flecti facilis: ante in terram pronus,
atque abiectus, modo in cœlum,
ac superos erectus. Quid deinde?
ægotantis preces audiit, & lacry-
mas vidit pacatum Numen, & ad-
iecit ad vitæ dies annos omnino
decem supra quinque. Vtque certa
foret diuino promisso fides, hoc ei
à Domino annexum prodigium.
In horologio parentis Achaz um-
bra solis, imo & ipse sol ad decem
lineas recessit: vt tot filio adderen-
tur lucis, & solis horæ, quot ante
parenti detractæ.

Si Rabbini habenda fides, diei,
quo regi Achaz iusta persolui de-
buerunt,

buerunt, quo funus duci, quo sepeliri Rex impius: sol ipse, orbis oculus, occidere festinans, illi; inquam, diei decem omnino horas detraxit, quas deinde ægrotâti filio reddidit.

Ecce quis à morbo fructus, quis prouentus: non vitæ tantum, & vsuræ huius lucis, sed & virtutis. Ut proinde in ægros plerosque cadat illud, quod in Petri Piscatoris filiam, dictum olim ab optimo parente: *sic expedit ei.*

Iacebat illa graui morbo pressa, cum pater, qui in alios omnes beneficus, in eam durior, atque inclementior, roganti cuipiâ cur filiam à febris non expediret, vel attactu leui, vel si vellet etiam vmbra, respondit. *Sic expedit ei.*

Ita omnino & plurimis etiam expedit, ut vel calculo intrinsecus
tor-

torqueantur, vel torreantur febri,
vel podagræ alluuiem sentiant,
vel alias cuiuspiam morbi mole-
stias, vt in ægro corpore sanus ha-
bitet animus.

Ita factum olim legimus in vitâ
S. Thomæ Cantuariensis, ad eius
sepulcrum, piôsque cineres sese con-
tulerat æger vnus aliquis, & quæ
magni præsulis miseratio, etiam ex-
cusso morbo pristinam valetudi-
nem impetrarat: cum ecce sibi,
suisque iam reddito suboriri cœpit
scrupulus, num sanitas æquè ac
morbus ad salutem ac beatitatem
esset profutura: (hanc enim maxi-
mè spectabat æger, cui animæ sa-
lus, ac vigor longè potior corpore)
dum ergo pungit, & conscientiam
extimulat ea cogitatio, ad sancti
martyris, ac præsulis sepulcrum
reuer-
ti-

reuertitur , sibiq̃ue datum à superis
medicum orat, atque obtestatur, si
forte sanitas corporis minus animo
consentanea, minus proficua beatę
æternitati foret, eam rursus exueret,
& morbum , ceu vestem animę
aptiorem indueret. Vix è corde ,
ceui pietatis , ac religionis officinâ
euaferant pauci gemitus , vix è la-
bellis aliquot vocolę exciderant,
precesq̃ue ; cum in corpus velut in
diuerforium præproperâ festinatio-
ne desertum morbus redijt, futurus
diuturnior hospes. Nimirum ægro
illi data erat sanitas aliquâ superum
indulgentiâ , & morbus deinde
maiore gratiâ redditus.

Solent enim beatę illę mentes,
quibus in oculis Deus, in amoribus
est beatitas, animo non corpori, æ-
ternitati non tempori seruire, & il-

D

lud

lud concedere, quod in altissimâ illâ, diuinâque mente, ceu speculo, magis profuturum intuentur. Et quia plerumque plus à morbo boni, ac gratiæ accedit, quàm à sanitate, ideo illum hac meliorē ducunt.

Vitæ

P. P. 2.

p. c.

148.

Quod ipsum etiam in hac mortali vitâ sensit, docuitque S. Romitus, magnus eremi cultor, ac solitudinis. Solebat ille quot annis semel morbo tentari, ducebatque illum in bonis, cum nescio quo fato anno vno liber fuit; & primùm mirari, ac stupere, dein etiam grauer dolere, gemere, queri, quasi à Deo desertus esset, & superum gratiâ vacuus, qui morbo vacuus erat.

Ecce, mi lector, quis magnarum mentium de egritudine sensus, quæ cogitatio, hausta sine dubio, non à corpore, carneaque compage, quæ
semper

semper est querula, quia fluxa, & mortalis; sed ab anima nobiliore hominis parte, quæ stabilis est, atque immortalis.

Ab hac probè doctus ex antiquis Patribus non nemo, discipulum ægrum ita solari solitus. Ne te, fili, morbitædeat, pudeatque: quin potius Deo moderatori gratus esto: si enim tibi ferreus est animus, à morbo, ceu igne, rubiginem exuet: sin vero aureus, ex eo quoque purior euadet.

§. 4.

Præclara quædam singularis in morbo patientiæ exempla.

IN morbo non solum prodest ad alias cogitationes auertere animum, & à dolore discedere: verum etiam cogitare, quid honestè,

quid fortiter fecerint alij, quos olim aduersa probauit valetudo; sic enim ad eorum exemplum sese eriget æger, & si minus pares; at saltem suppare animos induet.

Eâ cogitatione vsus olim Seneca, tum ad corporis ægritudines, tū ad quoduis aliud, seu naturæ, seu fortunæ incommodum depellendum.

Ep. 98. *Dic tibi, inquit, ex istis quæ terribilia videntur, nihil est inuictum; singula vicere iam multi. Ignem Mutius, crucem Regulus, venenum Socrates, exilium Rutilus, mortem ferro adaectam Cato. Et nos vincamus aliquid. Aliquid faciamus, imò & patiamur animosè; sumus inter exempla, quare desicimus? quare desperamus? quidquid fieri potuit, potest.*

Rectè

Rectè sanè, & eleganter: cum enim propè omnia vicerint alij, quidni & nos vincamus aliquid, quidni inter exempla simus; cum etiam inter ea fuerint tenellulę virgines, imbellisq; sexus: nec enim te, mi lector, ad viros ducam, nec ad Iobum vnum aliquem, *quem*, vt Lib. de patientiâ. ait D. Cyprianus, *vulnerum vastitas, & tabescentes, ac defluentes artus, Vermium quoque edax pœna consumpsit.* Nō ei te sistam, alijsq; quos tulere lapsa retro sæcula, sed ad puellulas te vocabo, & in molli, infirmoq; sexu, patientiæ miracula.

Claram tibi in exemplum proponam: & nomine, & re etiam ipsa longè clarissimam.

Eam omnino malè excepere alij, atque alij morbi, ijque grauissimi, etiā totos viginti octo annos,

quos exegit ipsa summâ patientiæ laude, maximè vero cum ad extrema deducta est vitæ confinia, in quibus agitata quàm acerbissimè dies omnino septemdecim vidit sine cibo, potuque: cumque eam à morbo lanienam æquo, vt alias, fortiq̃ue animo ferendam dixisset frater Reginaldus, qui ei à confessionibus erat, adiecit Sancta Virgo: ex quo me, D. Francisco duce, ac patrono, Dei mei obsequijs totam m̃cipaui, nullus morbus grauior accidit, nulla acerbior pœna, nullus patientiæ rigor non suauis.

Sanctę Clarę accedet D. Lyduina, exemplar sanctitatis, & patientiæ prodigium: in eam tanquam in scopum incurrere morbi propè omnes facto veluti cuneo, non tamen fregere, sed erexere potius, vt ægri-

ægritudine, dolore, imò & seipsa
 semper esset superior. Qui eam tri-
 ginta totos annos lecto continen-
 ter affixam, oculis non animo le-
 gisset, aliud vidisset nihil, nisi viuū,
 ac spirans cadauer, in quo tamen a-
 lacer, vegetus, & fortis spirabat ani-
 mus, & vnicaelo, Deoque respira-
 bat, cui enim potius? senserat illa si-
 bi corpus esse pro diuersorio, imò
 si voles, etiam pro carcere, è quo li-
 berior euolaret animus, dissoluto
 iam, & effracto ergastulo corpo-
 ris: & hinc illæ deliciæ, illud gau-
 dium, ille plausus à morbo, ceu af-
 fertore, ac vindice libertatis; ad quā
 accedebat & illud bonum, quod
 ægritudinem sciret esse virtutis pa-
 læstram, & scholam sanctitatis, in
 quā docentur bonæ mentes Chri-
 sto seruatori suo in doloribus, in

Sur. in
eius vi-
râ.

tormentis, in cruce cōsentire: quod
ipsum etiam spectauit aliquando
S. Coletta, quæ à Deo, Iesu suo sum-
mis votis expetiit, vt dolorum eius
aliquando particeps esse videretur.
Votis annuit Saluator optimus, &
exinde famulâ suam quinquaginta
annis morbis grauioribus exercuit;
ad stuporem, & miraculum: imò
etiam ad querelas, gemitus, lachry-
masque sororum: quas eliciebat,
vel vnus ipse ægræ Virginis aspe-
ctus, quibus illa subridenti similis.
Quorū, aiebat, hæ lacrymæ, ô
sorores meæ? quod patior vobis
graue, animo certè meo leuissimū,
& vt graue foret corpori: eo tamen
fit leuius, quod in eo sentiam ami-
cam Dei manum, quam excutere,
crudele & impium foret, exoscula-
ri autem suaue, amabile, pium. Hęc
illa

illa nō verbis tantum, sed re etiam ipsâ; cum occasio tulit, est testata: si enim exigeret Numinis gloria, cultusque etiam afflicto corpusculo non exire, sed efferri domo se patiebatur, & dicenti sibi, periculum adire, ne in viâ moreretur. *Parum est*, inquit illa, *Domine, an foris moriamur, modo in Domino*. In eius manibus tutò excidet anima, si è corpore exciderit.

Et hæ sunt voces, hæc oracula, sanctarum mentium, quæ eas carnis afflictiones non è sensibus, sed ex diuinis rationibus metiuntur.

§. 5.

Opportuna in morbo considerationes.

Dixit olim Neroni Demetrius, *mortem tu mihi minitaris, natura tibi*. Tua voluntas aut
Epictetus l. 1.
apud
Arrian.
c. 25.

D s

potius

58 . DE FORTITVDINE

potius insolens tyrannis & libido
quædam sæuendi, ferrum, & ignes
ostentat, mortemque per atrocita
supplicia sub oculos ponit: at teip-
sum, ô tyrâne, eedem manent, imò
grauiores fati leges, & hæ quidem
non homuncionis alicuius volun-
tate; sed necessitate, sed naturâ: à
quâ discedere vt velis quàm maxi-
mè, non potes.

Quod ille de morte iactauit,
hoc ego de morbis, qui ad illam
ducunt; imponuntur illi, non no-
strâ, non alterius cuiuspiam depra-
uatâ voluntate; sed insita quadam
naturæ necessitate: cum enim cor-
pus hoc mortale conflatum sit è
quatuor humoribus, quorum sem-
per inter se pugna, luctaue, neces-
sum est illud ab his pati, concuti,
torqueri: quod si necessum est, a-
mabo

mabo te, quisquis es æger, cur contra necessitatem depugnare vis, cur effugere, quod effugit nemo: Si natura tibi id imponit oneris, quid eam auersaris, ac damnas: si ad hoc natus es, ut aliquando infirmus esses, ut ab ægritudine exsuccus, & aridus; quid semper ab ætate, à valetudine viridis, ac vegetus esse vis: Cogita tibi in hac vitâ mortali, idē vſu venire, quod aristis.

Aristæ quam ob causam nascuntur? nonne ut inarescant? Ideo autem arescunt, ut videlicet demetantur nunquam? at dira imprecatio hæc est aristarum, ut demetantur nunquam. Sic statuendum in hominibus quoque, detestationem esse si quis optet non aliquando æger esse, non aliquando mori: cum simile id sit voto, quo ut non matureſcant ſegetes,

Epic-
tus l. 2.
c. 6.

tes, nec vt demetantur, quisspiam optet. Sicuti ergo si aristis suus esset sensus, sua mens, & intelligentia, optarent illæ suo tempore inarescere, ac deinde meti, quia eas ad hoc natura formauit, cui obsequi volupte est: ita viro sapienti, & conditionis suæ probè conscio, nō graue, non acerbum, non durum, & execrabile, sed potius leue, iucundum, & amabile videri debet à febris æstu, ceu sole inarescere, colla;q; fato submittere, & mortis faucem equanimiter pati: eo maximè quod ideo exarescit, ac dissoluitur corpus, vt aliquando reuirescat in sæcula, imò & in æternitatem. Hoc igitur primùm aduerte, & apud te tacitis cogitationibus expēde cum à morbo lecto affixus es: cogita deinde & alterum, & vinctum tibi propone

proponere vnum aliquē: is dum carceris sui putrescere paulatim muros videt, & ruinam minari, stat tantisper, exitumque ē vinculis expectat, ac libertatem. Idem tibi euenit cum æger es: vides ipse, sentisque tabescere, soluique corporis ergastulum, bene habet: ne geme, ne querere, ne morbum incusa, ne damna, sed exulta, & ad propositā libertatem aspira: imò & hoc quoque apud te meditare. Hanc pellem, hæc ossa, has carnes respectu animæ, nihil aliud esse, quam diei vnus penulam, aut pannos tenues, quos vbi ab ægritudine, à vulnere, aut alio quopiam corpusculi vitio, videris defluxisse: erecta in te stet anima, nec aliud quàm tempus expectet, quo miserrimas has deponat exuias: utq; has abijciat etiam lubens,

lubens, volensque: perpende & illud; hunc mundum quantus est, tibi pro scenâ esse, è qua spectes pōpam ludorum huius æui mortalis, recedasque cum ita libitum fuerit ei, qui te in scenam vocauit, atque admisit.

Epicte-
tus.

Egredere igitur, ac discede, ut gratus, ut verecundus. Da locū alijs; alio nasci oportet, quemadmodū & tu fuisti natus, posterisque concedendus est locus: conceditur autem per morbos variosque casus, à quibus è mundi proscenio subducimur, futuri spectatores Dei in totâ quantum protenditur æternitate.

Sed audio, iniicies illud, nimis cito, & præproperè subducimur ægritudinis vitio; & hinc malum, hinc dolor, cui medelam afferet D. Antoninus; qui te in scriptis suis
etiam-

etiamnum spirans sic alloquitur.

*Heus tu, cuius fuisti, in hac magnâ
Urbe, quid attinet utrum quinquen-
nio? etenim quod secundum leges, id
omnibus est æquû. Quid ergo graue
si te Urbe emittit Dominus? non id
facit iniustus iudex, sed potiùs natu-
ra, quæ te introduxit, perindè, ac si
Prætor, histrionem emittat è thea-
tro, in quod eum introduxerit.*

Lib. 12.
n. 29.

*Quod si is dicat se non quinque;
sed tres modo actus recitasse, rectè
dicet: at in viâ tres actus fabulam
implent: Et si non implerent ab vr-
gentis morbi importunitate, quid
interest, si is te euocat, qui fabulæ
author est, ac moderator.*

*Discede igitur æquo animo, nam
is qui te dimittit Deus, propiti-
us tibi est, & in eo quod te dimittit,
spectandum imprimis illud, te-
cum*

cum agi vt cum fructibus solet, ex
ijs qui præcoces sunt, nisi citò excu-
tiantur, computrescunt, neque ijs
iniuria fit si decutiantur, imò fieret,
nisi decuterentur. *Oliua maturita-*
D. An.
sen. l. 4.
n. 39.
tem consecuta, si decidat, arborem,
quæ ipsam tulit, ac genuit, collaudat,
Et gratias agit. Et tu pariter lauda,
& grates age: si enim importuno
morbo, & vt videtur præcoce fato,
abeundum est: scito quod è vitâ
velut arbore deijcieris: terræ, ceu
communi matri redderis, ne diu-
tius arbori, id est vitæ adhærens, à
vitijs, & voluptatibus compu-
trefcas.

CA-



CAPVT II.

De morte.

Dicitur olim Maria Salome,
 prudens Matrona, à Christo
 generis nostri Seruatore quesiuiffe. Clemēs Alex. l. 3. stromat.
Quamdiu vigebit mors? Cui Do-
minus. Quoadusque vos mulieres
parietis. Diuinum sanè, sapiensque
dictum.

Nihil enim iam nascentis pro-
 prium est, quam vt intereat; &
 parentis, atque parientis vterus
 foetum suum, non ad vitæ vsuram
 magis, quam ad mortis expecta-
 tionem effundit. Id dum animo
 spectat Tertullianus, ita de immi- l. de a-
nima c. 50.
 nentis fati debito christianè philo-
 sophatur. *Hoc stipulata est Dei vox,*
hoc sponndit omne quod nascitur.

E

Quod

cum agi vt cum fructibus solet, ex
ijs qui præcoces sunt, nisi citò excu-
tiantur, computrescunt, neque ijs
iniuria fit si decutiantur, imò fieret,
nisi decuterentur. *Oliua maturita-*
D. An.
son. l. 4.
n. 39.
tem consecuta, si decidat, arborem,
quæ ipsam tulit, ac genuit, collaudat,
¶ gratias agit. Et tu pariter lauda,
& grates age: si enim importuno
morbo, & vt videtur præcoce fato,
abeundum est: scito quod è vitâ
velut arbore deijcieris: terræ, ceu
communi matri redderis, ne diu-
tius arbori, id est vitæ adhærens, à
vitijs, & voluptatibus compu-
trescas.

CA-



CAPVT II.

De morte.

Dicitur olim Maria Salome,
 prudens Matrona, à Christo
 generis nostri Seruatore quesuisse.
Quamdiu vigeat mors? Cui Do-
 minus. *Quoadusque vos mulieres*
parietis. Diuinum sanè, sapiensque
 dictum.

Clemēs

Alex.

l. 3.

stromata

Nihil enim iam nascentis pro-
 prium est, quam vt intereat; &
 parentis, atque parientis vterus
 foetum suum, non ad vitæ vsuram
 magis, quam ad mortis expecta-
 tionem effundit. Id dum animo
 spectat Tertullianus, ita de immi-
 nentis fati debito christianè philo-
 sophatur. *Hoc stipulata est Dei vox,*
hoc spondit omne quod nascitur.

l. de a-
nima c.
50.

E

Quod

ibidem.

Quod si sponpondit illud, & adco-
quidem, vt etiam *publicâ totius ge-
neris humani sententiâ, mors natu-
ræ debitum sit*, videndum nobis e-
rit, vt quod necessitati velimus no-
limus, est concedendum, faciamus
esse virtutis; vtque faciamus, pauca
tibi sub oculos ponemus, amice Le-
ctor, ea æqui, bonique consules, &
de tuo, si ita videbitur, symbolum
addes.

§. I.

*Mors ineuitabili Naturæ lege, ac ne-
cessitate imposita: æquo constanti-
que animo excepta actus est fortitu-
dinis.*

DE morte variij varia censuere.
Tertullianus pro innatâ ma-
gnæ mentis solertiâ, styloque acu-
tiore, mortem esse dixit. *Vltimam
questio-*

quæstionum omnium. Digna sanè
tanto viro sententia.

Existimauit nimirum vitā hanc
mōrtalem scholam esse , in quā
multū exerceantur, imo torquean-
tur hominum ingenia , in quā a-
liæ atque aliæ proponi soleant , at-
que agitari quæstiones ; quas inter,
omnium vltima, & difficillima est
de morte, cuius nodum soluere ne
vnus è toto genere nostro potest ,
nempe plusquam herculeus est il-
le nodus, arctissimum, atque indis-
solubile vinculum, quod qui dissi-
parit, næ ille orbis erit dominus,
atque vniuersi.

Midam ferunt curru nodis qui-
busdam inexplicabilibus connexo
vectari solitum, de hoc in templo
reposito proditus erat apud Phry-
gas rumor , vt qui vinculum illius

soluisset, cum Asiæ imperaturum ;
 explicuit Alexander, & totius Asiæ
 imperium tenuit. At mortis no-
 dum dissoluere, atque explicare
 non potuit, ideoque ipse & Asiæ,
 & orbi, & fato cessit : & vero ce-
 dent omnes quos aut terra feret,
 aut sol aspiciet. quia *mors questio-*
num omnium ultima est, & difficil-
lima. Imo si Philosophos, ipsum-
 que audiamus Aristotelem, *om-*
nium terribilium terribilissimum est
mors : diceres ex eorum sensu om-
 nia seu fortunæ tela, seu vitæ vulne-
 ra, inania quædam esse puerorum
 terculamenta ; præ terrore, hor-
 roreque designatæ à naturâ mortis,
 extremæque necessitatis.

Etich. 3.
c. 6.

Verum ut ea sit, & habeatur
 mors, pusillo, fractoque homini ;
 at non ita viro forti, & magnan-
 mo :

mo: alit ille intimisq̃ue penetrabilibus claudit ingens animæ præsidium, scutum inexpugnabile, & aduersus fati tela, duræq̃ue necessitatis incurfus clypeum adamantinum, & impenetrabilem: virtutem inquam fortitudinis, quæ ut cœtera mala excipiat, ac toleret: ita & inuisam mortis faciem, æquo placidoq̃ue vultu aspicere doceat, atque contemnere: imo etiam, quod ames ac mireris, appetere, atque impensius ambire. Nimirum animo forti, verèq̃ue Christiano, vita peregrinatio est, mors ad patriam via; vita somnus, mors vigilia; vita carcer, mors facilis ad libertatem aditus; vita morbus, & insania, mors medicus, vita mare, mors portus.

Bonos inter & malos hoc inter-

70 DE FORTITVDINE

vita pe-
regrina-
tio.

est, quod his terra patria videatur,
& sit, illis autem mundus exilium,
& cælum patria. Testes erant ge-
mini fratres, quos fouerunt primæ
nascentis mundi cunæ; Cain, &
Abel, de quibus illud Augustini.
Abel primus mundi peregrinus,
sed cæli ciuis; Cain primus mundi
ciuis, & exul cæli; ideoque hic vitæ
tenax, & mortis fugiens; ille vitæ
ferè prodigus, & mortis amans:
hoc scilicet à bono parente Adamo
hauserat, & probè retinebat: vitam
esse peregrinationē, quā per ineui-
tabilis fati vias ad cælum, ceu pa-
triam tenderemus: quod etiam a-
gnouerunt, & aaltè in nimum ad-
miserunt Heroës inclyti qui alijs
id ipsum pro documento vitæ be-
ne, fortiterque instituendæ esse vo-
luerunt.

Vltio-

Virorum fortissimus Iacob, vt
 qui cum Deo luctari ausus, & for-
 tis esse etiam aduersus supremum
 Numen; inclinata iam ætate, roga-
 tus à Pharaone? *Quot sunt dies an-
 norum vitæ tuæ?* respondit.

Dies peregrinationis meæ centū, Gen. 47.
& triginta annorum sunt, parui, & mali. 47. 7. 8.

Merito longæuos vitæ dies ap-
 pellat dies peregrinationis, quia vt
 ait Augustinus: *omnis qui ad super-
 nam pertinet ciuitatem, peregrinus
 est mundi; & dum temporali uti-
 tur vitâ in patriâ viuit alienâ:*
 viuit, inquam, dies paruos, id est
 paucos, in vitam enim eâ lege na-
 scimur, vt parum in eâ commora-
 ti protinus exeamus, illudq; Dau-
 dis ad Ethai hic vsurpare liceat. *He-
 ri venisti, & hodie compelleris no-*

biscum egredi. Ita vt inquit D. Nanzianzenus, à tumulto tumultum petimus, id est ab vtero matris, ad sepulcrum, & communis omnium parentis, hoc est terræ gremium tendimus; quia vt pulchrè Seneca: *Quotidie demitur aliqua pars vitæ, & tum quoq; cum crescimus vitæ decrescit: hunc quæ agimus diem cum morte diuidimus: mox vt in vitam ingredimur, statim aliâ portâ exire incipimus.*

Ep. 59.

Audite hæc Tantali, qui huius vitæ annos sititis maximè diuturnos: peregrinos vos scitote non incolas, & quidem brevis, & moleste viæ peregrinos.

Hæc certè audit, sentitque vir fortis, ideoque duò declinat mala, eaque grauissima, vitæ vnum, mortis alterum.

Vitæ

Vitæ est illud quod tristiti-
nâ deplorat D. Gregorius dum ait.

Vitam hanc viam esse ad calum.

Viatores autem multos. Viæ amœ- Lib. 21.
nitæ sic pasci, et magis eos diu Moral.
pergere, quàm citius peruenire de- cap. 24.

lectet.

Mortis autem est istud: horror
quidam, & agonia reluctantis ani-
mæ, atque indignantis tam cito
exeundû esse, qui error est, vitium-
que deprauatæ mentis, à quâ lon-
gius abest excelsus animus ipsâ
morte superior. Censet enim ille,
sibi que persuadet vitam esse som-^{Vita}
num, mortem autem vigiliam, à ^{somnus.}
qua redditur luci nunquam peri-
turæ, diei qui occasum nesciat, æuo
fœliciori, quod finem non inue-
niet. Et hinc animo sua quies, &
summa in extremâ fati lineâ tran-
quillitas.

Vbi concubiâ, profundaq; nocte oculos clausit, atque oppressit sopor, & velut superinfusa nube obruit, ac fefellit varijs somniorum imaginibus; iucundum est, & volupe orto iam sole somnum excutere, & vigili sensu, ac mente detegere fallaces illos sopitæ mentis typos, spes vanas, ludicra commenta, noctisq; vnius deliria. Sic erit viro forti longè gratissimum à vitæ mortalis somno, ac letargo, restitui vigiliæ longissimæ æternitatis, & hoc quidem mortis beneficio, sine quo immortalis animus corpori, ceu molli plumæ instratus iaceret, atq; insepultus, somnoque grauiore oppressus.

Vita
carcer.

Vita est carcer, & quidē arctissimus, atque molestissimus: talis audiit D. Gregorio Nysseno viro in paucis

paucis magnanimo; oratione quã de dormientibus inscripsit.

Quis, nisi stultus sit & mentis inops non credet eos miseros esse, & aduersæ sortis mancipia, qui carcere clausi tenentur: fœlices autem, & albæ gallinæ filios, qui eo liberantur, atque emittuntur, illos risu, hos lacrymis, si quis prosequatur, nã ridendus ipse, atque à sapientibus explodendus.

Ratio est in promptu, carcere quippe detenti suas misérias incolunt; eo liberi, è suis calamitatibus euolant.

Non aliter qui viuunt, suum ipsi secum trahunt ergastulũ, suo carcere includuntur; qui obeunt, eo eximuntur, & cum molestâ, graui-
que coporis sarcinâ, carcerem suum exuunt; ideoque hoc vno fœlices, ac fortunati.

Vita

morbus.

Vita morbus est, imò, morborum omnium colluies: quæ & corpus, & animum obsident, obruunt, perdunt: *mors ultimus morborum medicus*, ita enim eam appellauit Sophocles; qui censuit multis malis, & morbi molestijs à morte finem imponi, quibus nec Galeni, nec Hippocratis schola modum afferre potuit: quis autem nō gaudeat, si è corpore velut morborū diuersorio euocetur animus, vt longum, vt æternum sanus sit?

Vita

mare.

Vita procellosum est mare, mors fida statio. Quis inter aduersos, & tumultuantes vitæ fluctus non perhorrescat? quis in ipsius mortis litore, portuq; constitutus non gaudeat, sibiq; gratuletur? quod decumanos illos fluctus, vitæque syrtes, ac scopulos, tot naufragijs infames

mes superarit; aliorum certè, casus,
& pericula securus ille spectabit, &
ex æternitate velut speculâ despi-
ciet, gaudebitque à morte tantum
sibi obuenisse securitatis.

Hæc aliaque meditatur elatus
animus, sibi que in extremâ illâ lu-
ctâ ab ijs præsidium facit, turrinque;
fortissimam, è quâ mille clypei
pendeant, & omnis armatura for-
tium: quidni armaturâ appellem
eas cogitationes, quæ hominem
muniunt, atque obuallant, ne aut
timori, aut formidini, aut mortis
iaculis, aliquo modo penetrabilis,
& peruius esse videatur.

Certè D. Cyprianus & ipse He-
ros inclytus, inde sibi, alijsque ani-
mos fecit, & solatium addidit, la-
crymasque; pusillis mentibus deter-
sit. *Nō sunt, inquit, lugendi fra-*
tres

Serm.
5. de
morta-
litate

*tres nostri de sæculo liberati; cum
sciamus non eos amitti, sed præmit-
ti; ut proficiscentes, & nauigantes
desiderari eos debere, non plangi.*

Proficiscentes ait, & nauigantes,
hac mortali vitâ, ceu labili nauigio
vecti in portum æternitatis,

Eâdem cogitatione vsus olim
Seneca; eodem planè remedio ad-
uersus querulos, & à morte plus æ-
quo sibi metuentes.

Ep.
100.

Iniquum est, inquit, queri de
eo: vni accidit, & omnibus restat.
Eo igitur æquiore animo esse de-
bemus, quod quos amissimus, se-
quimur.

Respice celeritatem rapidissimi
temporis, cogita breuitatem spatij
huius, per quod citatissimi curri-
mus. Obserua comitatum generis
humani eodem tendentis, mini-
mis

mis interuallis distinctum, etiam ubi maxima videntur. Quid autem dementius, quam cum idem tibi metiendum sit, flere eum qui antecessit? quisquis autem queritur aliquem mortuum esse, queritur hominem fuisse, omnes eadem conditio deuinxit; cui nasci contingit, mori restat, interuallis distinguimur, exitu æquamur hoc, quod inter primum diem, & vltimum iacet, varium est.

Hæc ubi de communi lege, fatalique necessitate pronunciauit Seneca: tum illud ad extremum conficit. *In procinctu ergo animus stet, & id quod necesse est, nunquam timeat, quod vero incertum est, semper expectet.* Vt autem expectet, & volens etiam, ac lubens reddat; ostendit auræ huius, ac vitæ vsum à Deo

Deo, naturæ parente, atque autho-
re cōcessum, sine cuiusquam iniuriâ
repetendum. Eorum, inquit, quæ
hic habemus, vsus fructus noster
est, cuius tempora illi, arbiter mu-
neris sui temperat, nos oportet ea
sine querelâ reddere creditori. Pes-
simi debitoris est creditori facere
conuitium: sæpe admonendus est
animus, vt tanquam recessura, imo
vt recedentia amet, quæ à Deo hic
nobis data sunt. His affinia repetit;
& inculcat libro de remedijs for-
tunæ.

Morieris, inquires mihi, ita ho-
minis natura est, non pœna, mo-
rieris. Hac conditione intraui vt
exirem, morieris, gentium ius est,
reddere quod acceperis mutuati.
Morieris, peregrinatio est vita, cum
multum de ambulaueris, redeun-
dum

dum est. Morieris, existimabam te aliquid dicere noui, ad hoc veni, hoc ago, huc me singuli dies adducunt. Quid habeo quod indigner? stultum est timere quod vitare non possis, istud non effugit qui distulit; morieris, nec primus ego, neque vltimus. Antecesserunt me multi, sequentur omnes. Morieris, hic est humanæ vitæ finis, quo transit orbis, & ego transibo. Morieris, quid graue est, quod semel? morieris, æs alienum, non meum, vitam meâ esse noui. Hoc equidẽ cum eo creditore contraxi; de quo ego queri non possum.

Et hæc quidem cogitationes ad mortis dolorẽ vel temperandum, vel etiam penitus extinguendum, hauriuntur ex ipso nature gremio, fragiliq̃ue, ac luteâ hominũ com-

page: aliam viro verè forti, ac Christiano exhibet Tertullianus, nervosa vt solet eloquentiâ; ea deducitur è cæli legibus, & pactis, è Numinis indulgentiâ; quæ sparsos cineres, ossa arida, & exsucca, animæ, vitæque aliquando restituet; vnde non exiguum arduis, mentibus affulget præsidium. Cum, inquit, constet de resurrectione mortuorum, vacat dolor mortis, vacat & impatientia doloris. Cur enim doleas, si perijisse non credis? cur impatienter feras subductû, interim quem credis reuersurum? profectio est, quam putas mortem, non est lugendus qui antecedit, sed plane desiderandus. Id quoq; desiderium patientiâ temperandum. Cur enim immoderatè feras abijisse quem mox subsequeris? cæterum impatientia in huiusmodi,

&

Lib. de
patien-
tia c. 9.

ſpei noſtræ malè ominatur, ſi-
dem præuaricatur. Et Chriſtum la-
dimus, cum euocatos quoſq; ab illo,
quaſi miſerandos non equanimiter
accipimus.

§. 2.

*Mors in Iuuetute alacriter obita actus
eſt fortitudinis.*

D. Antonino teſte, ac ſcripto-
re Adrianus Imperator, cum
è Philoſopho quodam, cui nomen
Secundus, quæſuiſſet, quid eſſet
homo? hoc ab eo reſponſum ac-
cepit.

S. P.
Hiſt.
tit. 7. c.
4. §. 1.

Homo eſt mancipium mortis,
hoſpes loci, viator tranſiens, & a-
ceruus niuis.

Hæc audi, & è ſapientiæ lyceo
oracula excipe quiſquis es homo,
& ne vietum, ac detritum Philoſo-

phi vnus pallium contemne : sæpe sub vili lacernâ, sordidoque pallio latet sapiens animus: ex eo audis.

Primùm quod sis mancipium mortis, illius seruituti, duroque imperio iam inde ab vtero, primâque luce addictus, nasceris enim non tam viuere, quàm mori certus: cœtera breuioris æui mala declinare potes, pauperiem, esuriem, sitim, solis æstus, aquilonis imbres, & frigora vel fallere, vel effugere; mortistela, nec vt velis, potes; adeo illius es mancipium.

Hospes etiam es, cui pro diuersorio orbis ipse, quantus est: ex eo excedendum, & quidẽ cum mors volet, & statuent fata: nudus exhibis, vt venisti nudus. Viator es, & quidem transiens, quia pedem, id est vitæ cursum sistere, aut certâ statione

ne figere non potes, vrgent enim,
& instant fata, mors vetat, & pro-
hibet; ideo etiam ex hoc illius es
mancipium.

Aceruus es niuis; & vt illa ad
primos lucis radios, & solis huius
ortum soluitur, & colliquescit to-
ta, elementoque suo redditur: sic
terræ reddêris, è terrâ malè com-
pactus, & in cineres ibis, etiam ab
vnius febriculæ tantum æstu, adeo
etiam ex hoc capite, mortis manci-
pium es; quod si esses adulta iam, &
ingrauescente ætate, & in extremo
tantum senio, cum aniles rugæ
frontem arant, atque exasperant,
cum impluunt capiti niues, cum
curua in terram senectus ad com-
munem matrem se ipsam inclina-
re videtur; tolerandum illud foret:
at aliæ mortis leges, & inexorabilis

fati necessitas, quæ non tantum fortitur insignes, & imos; sed etiam præcipiti manu, atq; immitti falce, primùm enascentes flosculos demetit, solo insternit, conterit, fœdat, calcât.

De arbore, à cuius fructu peccauit Adam, sua inter antiquos pugna, & opinionum dissensio.

C. 19.
de para-
diso.

Moses Barcepha vitem fuisse credit, ex suo genio magis, quàm ex veritate. Pomum alij, & melius.

Nonnulli (vt Theodoretus, & Procopius) ficum fuisse autumant: quod statim ab esu vetiti fructus, vbi se nudum aspexit Adam, erubescere cœpit, & pudore suffundi, utque pudorem tegeret, nudaque velaret membra, folia ficus in vestem aptauit, atq; composuit; quæ
opinio

opinio si vero proxima est, ficus prima testis fuit humanæ miseriæ, nudumq; ac mortale corpus, quod ipsa fecerat, contexit. Et hæc forte ratio cur apud authores ficus funesta, ac funerea fuerit. Horatius ap- ^{O le.}
^{16.} pellat, *pullam ficum*; & apud Romanos, Designatores, quorum erat funerum ritus, lugubresque signare modos, inuitabantur signo ficus, arboris funereæ, quod ficus mortis; ac funeris symbolum esset.

Ex eodem fonte, rituque venerandæ Antiquitatis, manauit illud emblemata excusum in monetis Imperatorum Romanorum: visebantur duo sepulchra, vnum decrepiti senis, alterum comptuli adolescentis: in medio assurgebat ficus, & tam hoc, quàm illud fatali tegebat umbrâ, quod scilicet, & senum, &

38 DE FORTITVDINE

iuuenum mors fatumque inuitabile à fide defluxisset. Ita

Horat. *Mista senum, ac iuuenum densatur funera, nullum*

Sæua caput Proserpina fugit.

Sæua, inquam, sed tum præcipue, cum ætatem fato immaturam, & veluti præcoces adolescentiæ fructus, aut cæca manu legit, aut nimium præcipiti falce metit. Hoc enim ut inopinatum, ita durum quàm maximè accidere solet, Illud quippe à natura cuique comparatum est, ut amet, ac velit dies antiquos, serosque soles, ac lunas; nec hoc orbe excedat, nisi plenus dierum.

Testiserit Rex Ezechias, cuius hoc votum, hæ preces, & mixtæ lacrymis querelæ: Ego dixi: in dimidio dierum meorum vadam ad portas inferi.

Isaia.
38.

Prophetæ oraculo audierat sibi
è viuis abeundum, & quidem *in di-*
midio dierum, & hinc regiæ lacry-
mæ, profundique gemitus; adeo
difficile, & arduum est, etiam in
mediâ ætate mori, quanto diffici-
llus in primâ? & inde opus animi
robore, insignique fortitudine,
quam vtassequaris, Beneuole Le-
ctor, nonnulla subijciam, quæ fa-
titelum si non excutiant, & fran-
gant: at certè retundant quàm plu-
rimùm.

Hoc in genere primum occur-
rit illud Menandri. *Dilectus Diis in*
iuventute moritur. Illud nempe si-
bi persuasit Antiquitas, eos omnes
qui superis curæ essent, & amor,
citius è terris educi, cæloque dona-
ri; tum ne diutius obijcerentur ijs
malis, quibus hæc mortalis aura

inſtitatur; tum vt quàm ocuſſimè
beatitatem illam, ad quam à natu-
rà formati eſſent, aſſequerentur.

Lib. de
remed.
fort.

Vnum iam ante peruidit, & at-
tigit Seneca. Vbi enim varia à mor-
te ſibi obiecit, adiicit & illud. *Iu-
uenis, inquires, morieris? fortasſe ali-
cui malo ſubducatur: quod ſi nulli ali-
certè vel ſenectuti: Iuuenis moriè-
ris? non refert, quot annos habeam,
ſed quot acceperim: ſi plus viuere
non poſſim, hæc eſt ſenectus mea. Ma-
ximum ſolacium eſt cogitare id ſibi
accidiſſe, quot ante ſe paſſi ſint, om-
neſq; paſſuri; & ideo mihi videtur
rerum natura, quod grauiffimum
fecit, commune feciſſe, vt acerbita-
tem facti conſolaretur equalitas.
Hoc Senecæ, hoc Philoſopho ſo-
lacium eſt, quod à morte, quæ iuue-
ni obtingit, ſubducatur alicui ma-
lo,*

lo, quod fera inuexisset ætas, tristif-
 que senectus intulisset: quod ipsum
 dicit Sapiens factum amabili Nu-
 minis prouidentiâ. *Placens Deo fa-* Sap. 4.
v. 10. 11.
ctus est dilectus, & uiuens inter
peccatores translatus est, raptus est
ne malitia mutaret intellectum e-
ius, aut ne fictio deciperet animam
illius.

Vbi Iuuenem aliquem in pri-
 mulo pubescētis ætatulæ flore suc-
 cidi vides, ac flaccescere; crederes
 aduerso cælo, & inimicis fati id
 accidere, crederes rapi tempore nō
 suo, casu factum existimares, & cæ-
 co quodam impete deerrantis na-
 turæ: at non sic est: emoritur desti-
 nato superum consilio, certâ, & a-
 micâ Numinis prouidentiâ, cui il-
 lud est curæ, *ne moriatur iustus tē-* Eccl. 7.
pore non suo.

Quem-

Quemadmodum enim Poëta pro arbitrio alios in scenâ diutius detinet, longamque fabulam exhibere permittit, alios ostendit tantû, nec vel vno verbulo auditos reuocat : ita in huius vniuersi theatro, vitæque mortalis fabulâ illum vario munere, & actione Deus in scenâ emittit. *Ostendent terris hunc tantum fata, neq; ultra esse sinent.*

Virg. l.
6. Æ-
neid.

Quid facias ? acquiescendum est diuinę voluntati, quę rationum instar omnium, quanquã & illi sua causa, etiã pusillo homini accommodata, quã ore, calamoq; sapientis expressit. *Raptus est, inquit, ne malitia mutaret intellectû eius, aut ne fictio deciperet animam illius.*

Naturæ parens, & author Deus, qui nos vt pilas habet, hoc vitæ ludo cedere cogit, ne malè cedat, ne in-

inſœliciter iactetur aſea, ne periculis, quæ altâ mente præuidet, incauti reſeruemur; ſiue in ijs priuata, ſiue publica vertatur ſalus.

Ita Deus Iofiam Iſraelis amores, ac delicias abſtulit, ne regni excidium videret, & imminentem populo ſeruitutem.

4. Reg.
c. 22.
v. 10.

Ita Auguſtinum, ſerâ licet, canâque ſenectâ mortalibus oris ſubduxit Deus, ne ſponſam ſibi longè cariffimâ, id eſt Hipponſem Eccleſiam, à Wandalis obſeſſam, ab iſdem captam, ſpoliatâ, violatam intueri cogeretur.

Ita Alphonſus cognomento Catholicus Galleciæ Rex, nutantis Eccleſiæ columen & Saracenorum glorioſus domitor, terris viuere deſijt, & cœlo cœpit, ne auerſam fortunæ faciẽm aſpiceret. In eius obitu

Baron.
anno
Christ.
757.

tu his vocibus totus æther resonasse dicitur. *Ecce quomodo tollitur iustus à facie iniquitatis, & erit in pace memoria eius.*

Et hæc prima ratio, publica calamitas, in quam veniret iustus; si vita iret in feros annos, grauemque senectam.

Altera priuatum attendit bonum, & cuiusque salutem, quæ Deo est in primis curis: Ex æternitate velut altissimâ quadâ speculâ despicit, nō tantum rerum humanarum motus, ac vicissitudines, à quibus.

Irus & est hodie, qui modo Croesus erat.

Verum etiam humanæ mentis inconstantiam, à cuius vitio, labeque cras impius, & superis inuisus erit, qui hodie iustus audit, & superum

Et hic est amabilis diuinæ pro-
uidentiae ludus: quem suspexit, &
altiore vt alias animo, styloq; com-
mendauit Nazianzenus: vt osten-
deret vitæ bonum nō esse positum
in eius spatio, sed in vfu. Quid in- Orat.
10.
quiebat, lucri facimus, quanto-
cumq; illo, quod adiicitur spa-
tio, nisi vt plura mala partim vi-
deamus, partim patiamur, partim
fortassis etiam faciamus; ac tandem
nihilominus tributum naturæ de-
bitum pendamus? aut quid ma-
gnopere

gnopere sapienci deperit, si momentaneæ huic vitæ aliquot momenta decerpseris? Certè nihilo minoris æstimat sapiens, qui vitam à virtutis studio metitur, non ex solis, lunæque cursu.

Est vita circulus quem in arenâ ducimus, maiorem, an minorem in eâ scribas, ad spatium eius pertinet, non ad perfectionem. Maneat ille diutius, obducatur iste, & in puluerem solvatur cui impressus est, circuli naturæ, ac perfectioni nihil interest. Ita nec vitæ, siue ei longiorem, siue breuiorem circulum designaris; *ætas* quippe *senectutis* est *vita immaculata*, nec enim ea dicenda senectus, quæ mensibus, annis, & sæculo si voles aduolat: sed illa potius quæ virtute, quæ rebus bene gestis comparatur. Non quamdiu

Sap. c.

4. v. 9.

quamdiu, sed quàm bene viuitur, curandum. Et sanè curant in primis superi, Deusque; & hinc plerumque vitæ metam contrahunt, aut diducunt.

Pro hac veritate sponforem habeo Dauidem, à quo & Salomon hausit melioris sapientiæ placita, ita canit ille de impijs.

*Priusquam intelligerent spinæ ps. 57.
vestræ rhamnum, sicut viuentes, sic v. 10.
in irâ absorbet eos.*

Verborum hæc inuolucra videntur, quæ sic euoluit Paraphrastes. *Priusquam impij teneri durescant, dum adhuc sunt sicut herba, tempestate, & turbine destrues eos.*

Vt validus turbo, sæuaque ventorum procella in furculos, tenerasque plantas violentior irruit, quam in truncos, & annosas quercus, ac

G cedros:

cedros: sic in impios mors amplius
 sæuit, & stragem edit miserabilio-
 rem, & quidem dum adhuc ab æ-
 tate molles, teneri, & flecti, frangi-
 quæ faciles: dum adhuc sunt sicut
 herba, fragili quæ culmo succres-
 cunt, tum eos valido mortis turbi-
 ne, ac tempestate ferit, sternit, de-
 struit, antequam ab annis, & senio
 malis suis indurescant; & hoc diui-
 næ miserationis beneficium est;
 quæ non patitur eos aurâ diu frui,
 & terris sustineri, qui & cœlis inui-
 si, & mundo onerosi sunt.

Sic impij in primo quasi æui sui
 limine metam aspiciunt, & dam-
 nandâ inuoluuntur æternitate. Iu-
 sti vero in verno quasi flore deme-
 tuntur, ne postmodum malignâ
 vitiorum aurâ afflati emarcescant,
 ac decidant. Ita secum actum esse
 gaudet,

gaudet, amatque sponsa. Flores, inquit, apparuerunt in terrâ, & tempus ^{Cant. 2.} ^{v. 12.} putationis aduenit. Sunt illi Iuuentutis flosculi, qui dum apparere, atque erumpere gestiunt, subito amputantur; bene habet, quod amicâ, id est diuinâ manu.

§. 3.

Mortem propinquorum tolerare fortiter excelsi est animi.

CHrysoftomus, os illud aureû, è quo tot emanant oracula, quot verba; Parentum in filios caritatem, & pronam illam in sanguine iunctos propensionem, appellare solebat: *quandam Naturæ* ^{Hom. 28. ad pop.} *tyrannidem*, quam fere vix exuas, vix abijcias, nisi cum vitam ipse deposueris.

Vis illius tyrannidis, & natiuæ

seruitutis potissimum eminet, cum parēti filium, amicum amico subduxeris; quod à morte fieri solet; tum enim vel maximè hominem inuadit, implicat, & captum tenet impotens amor; atque in varias passionēs agit, potenti tyrannide, æstuque seu iræ, seu doloris, seu etiā tristitiæ; eę quippe affectiones partito quasi in animam imperio dominantur, eumque habent sub iugo, suâque seruitute; à quâ sese indemnem, ac liberum seruare viri fortis est, & ipsi Naturę imperantis.

Puillus animus, quæ credit esse Naturæ iura dissimulare non potest, ait enim, vincit pietas, ius sanguinis compellit, & quasi iniectâ amoris manu captiuum trahit vinculis caritatis: imo quod ipse etiam lugeas, ac damnes, extorquet lacrymas

mas, fufpirijs exhaurit penetralia,
 & in miferabiles effundit eiulatus,
 ac muliebria lamenta: quæ naturæ,
 fanguinisq; tributum appellat cui-
 ratus animus, damnat autem, ac de-
 testatur, quisquis virum effe fe fen-
 ferit. Is enim æquus rerum huma-
 narû æftimator, ac iudex, à fe auelli
 non iniquè patitur, quem fua vo-
 cant, atque auellunt fata.

• Is olim fuit Anaxagoras illuftris
 in pallio Philofophus, cui cum in
 amicorum coronâ, nunciata fuiffet
 mors filij, eaque fubita, ac repenti-
 na; nihil commotus adiecit illud
 Lyceo dignum, ac pofteris.

Noueram me genuiffe mortalem.

Is fuit & Pericles, in fignis in to-
 gâ, facundus linguâ, à quâ dum al-
 tius tonat, Olympius dictus: audiit
 ille fibi vno in prælio duos periiffe

filios: quid inde? non abiit in gemitus, nō effluxit in lacrymas, non vestem mutauit, non pullo indutus est habitu, non cinere aspersus caput; non nudo pede euerit humum: indecora sunt ista, & à forti, disertoq; oratore mirum quantum aliena: hoc affine, & proprium: coronâ insignitus est, candido amictu de more patrio ornatus, ex eodemq; vestigio pulpitu ascēdit, si alias, tum vero maximè facundus orator, qui Atheniensibus ad bellum calcar addidit, & martios spiritus iniecit.

Eiusdem animi fuit Xenophon, & ipse ab oratoriâ arte nominatus; is cum intellexisset filium in acie dimicantem occidisse: addidit illud parente dignum, & oratore. *Malle se habere filium strenuum, quam longævum.*

Idem in purpurâ, sceproque
sensit Rex Antigonus; cui cum in
bello gloriosâ morte occubuisset
filius, elato animo extulit illud.

*Serius, ô fili, tam gloriosam mor-
tem obiisti.* Hæc è profanis, ipsâq;
Antiquitatis fide excerpere volui,
& verò diu ante excerpfit D. Hie-
ronymus, vt sibi, Heliodoro, alijsq;
solatium afferret in morte Nepo-
tiani; de quo ita ad Heliodorum
scribit.

Nepotianus, meus, tuus, noster, In Epi-
taf. Ne-
potiani.
imò Christi, & quia Christi, idcirco
plus noster, reliquit senes desiderij
sui iaculo vulneratos, & intolera-
bili dolore confectos. Quem hære-
dem putauimus, funus tenemus. Cui
iam meum desudabit ingenium? cui
litterulæ placere gestient? stupet a-
nimus, manus tremit, caligant oculi,

lingua balbutit. Quidquid dixero, quia ille non audit, mutum videtur. Stylus ipse quasi dissentiens, & cerâ subtristior vel rubigine, vel situ obducitur.

Hęc ubi indulsit amor; tum ex se ipse quærit.

Quid igitur faciam? iungam tecum lacrymas? sed Apostolus prohibet, Christianorum mortuos, dormientes vocans. Quid igitur: later, & gaudeam, quia raptus est ne malitia mentem eius mutaret, quia placuerat Deo anima illius? sed inuito, & repugnant per genas lacrymæ fluunt, & inter præcepta virtutum, resurrectionisq; spem credulam mentem desiderij fragit affectus. O mors, quæ fratres diuidis; & amore sociatos crudelis, ac dura dissocias.

Vbi hoc orationis telum in mortem

tem intorsit, tum ad se ipse quodammodo redit, à quo doloris impete tantisper abreptus.

Quid agimus, inquit, anima? quo nos vertimus? quid primum assumimus? quid tacemus? excideruntne tibi præcepta Rhetorum? & occupata luctu, oppressa lacrymis, præpedita singultibus dicendi ordinem non tenes. Vbi illud ab infantiâ studium litterarum, & Anaxagoræ, ac Telamonis semper laudata sententia. Sciebam me genuisse mortalem.

Tum proponit innumera virorum fortium exempla. *Maximos, Catones, Gallos, Pisones, Brutos, Scauolas, Metellos, Scauros, Martios, Crassos, Marcellos, quorum non minor in luctu, quàm in bellis virtus fuit.*

Ac ne in istis stylum figere videatur, ait mirum omnino, & insolens fore *si non præstet fides, quod exhibuit infidelitas*; si hæc viros fecit, & reddidit, illa non faciat, ac reddat? Igitur, inquit, *ut ad nostra veniamus, non plangam cum Iacob, & David in lege morientes, sed cum Christo in Euangelio recipiam resurgentes. Iudæorum luctus Christianorum gaudium est. Ad vesperum demorabitur fletus; & ad matutinum letitia. Nox præcessit, dies autem appropinquauit. Vnde & Moyses moriens plangitur. Iesus absque funere & lacrymis in monte sepelitur.*

Vt autem ita sepeliatur, quisquis nobis amicus erit, non auctoritate tantum, sed & ratione pugnat Hieronymus. Et primo quidem

dem argumentum ducit à mortis memoriâ, fatalique necessitate, cui velis, nolis, est cedendum.

Platonis, inquit, sententia est omnem sapientium vitam meditationem esse mortis. Laudant hoc Philosophi, & in cælum usque ferunt. Quod si hæc illi, debemus & nos animo præmeditari, quid aliquando futuri simus, & quod velimus, nolumus, longius abesse non potest. Nam etsi nongentos excederemus annos, ut ante diluvium vivebat humanum genus, & Mathusalem nobis tempora donarentur: tamen nihil esset præterita longitudo, quæ esse defisset. Etenim inter eum qui decem vixit annos, & eum qui mille, postquam idem vitæ finis aduenerit, & irrecusabilis mortis necessitas: transactum omne tantundem est, nisi quod

quod senex, magis onustus peccatorum fasce proficiscitur.

Illud solatium est, & leuamen aliquod doloris, si tibi propinquus excedat, necdum maturus æui, annisue grauis: hoc autem quacumque efferatur ætate, seu impubes ea fuerat, seu etiam senilis, atque effœta; quod ille quem sua rapiunt fata, *desiderandus sit tibi quasi absens, non quasi mortuus, ut illum expectare, non amisisse videaris.*

Sed & alius consolandi modus, is D. Hyeronymo est quod, *ubiq̃, luctus, ubique gemitus, & plurima mortis imago, Romanus, inquit, imo & totus, orbis ruit, & tamen ceruix nostra erecta non flectitur. Flecteretur sanè si possemus in talè ascendere speculam, è quâ uniuersam terram sub nostris pedibus cer-neremus.*

Ex eâ tibi ostenderem, inquitidem author, totius orbis ruinas, gentes gentibus, & regnis regna collisa, alios torqueri, alios necari, alios absorberi fluctibus, alios ad servitutem trahi, hîc nuptias, ibi planctum, illos nasci, istos mori.

Hæc est rerum omnium vicissitudo, hic orbis occasus, & ruina; ad quam viæ mille, mille ducunt aditus, & in communi illa strage te ipse, tuosq; amicos exitio immunes, ac liberos esse voles? & si forte ex ijs vnum aliquem fors vltima inuoluerit; amissum planges, ac deplorabis? non facies enimvero, non facies, maximè si consideres, vitam ipsam quam ducimus, mortē potius esse dicendam quàm vitam: vt enim iterum vtar mutuatâ D. Hieronymi eloquentiâ. Sentisne

tisne, obsecro te, quando infans, quando puer, quādo iuuenis, quando robustæ ætatis, quando senex factus sis? quotidie morimur, quotidie commutamur, & tamen æternos nos esse credimus? *Hoc ipsum, inquit, quod dicto, quod relego, quod emendo, de vitâ meâ tollitur. Quot puncta notarij, tot meorum damna sunt temporum. Scribimus, atque rescribimus, transeunt maria, epistole, & scindente sulcum carinâ, per singulos fluctus ætatis nostræ momenta minuuntur.*

Quod si ineuitabili naturæ lege, ita tu ipse, ita quidquid est hominum commutatur, minuitur, tollitur, amicum aliquem vitam hanc in melius commutasse lugebis? dolebis minutum esse aliquid exigui temporis, & additum esse immen-

immensum aliquod pondus æternitatis? patieris iniquius sublatum esse & mortuum, quem ex christiana lege scis esse resurrecturum? fuit certè, fuit olim mors in luctu, cum scilicet pœna fuit: at modo in gaudijs esse debet, ac delicijs, cum glorię famulatur, ac beatitati, quod aureâ fandi copiâ ad mortaliū solatium expreßit Chrysologus.

Mors, inquit, quando ab Euâ prouisa est, tunc lamentandi materia fuit; nunc vero facta est virtutis occasio; quia tunc ad pœnam peccantis data est, nunc permissa est resuscitantis ad gloriam: tunc tartarus inuenit hominem, nunc amittit.

Serm.
63. de
Lazaro.

Quod si virtuti, si meliori vitæ, si resurrectioni mors seruit, quid amabo, in morte vides esse deplorandum? certè omnino nihil, si æquus

quus vitæ, ac mortis censor esse voles.

Sed, inquires, ea sunt amicitie, iura eę leges amoris; quę in amici funere, gemitus, & lacrymas exigunt, atq; extorquēt: fateor ita esse apud eos, quibus humilior, atque abiectior est animus: at nō sic apud Heroas, & fortes: ij suorum etiam amicissimorum funera siccis oculis, & obfirmato aduersus dolores animo aspiciunt.

Testis erit D. Bernardus, quā verbo, quā exemplo; illum audiamus, videamusque in funere fratris sui Gerardi longē carissimi.

Serm.
26. in
Cant.

Feci, inquit, vim animo, & dissimulaui vsque huc, ne affectus quidem vincere videretur. Plorantibus aliis, ego siccis oculis secutus sum inuisum funus: siccis oculis steti ad tumu-

tumulum, quousque cuncta peracta sunt exequiarum solennia. Inductus Sacerdotalibus solitas in eum orationes proprio ore compleri; terram meis manibus ex more ieci super dilecti corpus, terram mox futurum. Qui me intuebantur flebant, & mirabantur, quod non flerem ipse, cum non illum quidem, sed me potius, qui illū amissem, omnes miserarentur.

Hæc ubi de se ipse dixit, & scripsit Bernardus, tum aculeatâ oratione pungit, ac vellicat eos, qui secus faciunt: qui sese immoderato luctu macerant.

Videmus, inquit, mortuos quotidie plangere mortuos suos: fletum multum, & fructum nullum; non culpamus affectum, sed causam. Plorantur damna gloriæ carnis, vitæ præsentis incommo-

H
da,

da, sed plorandi, qui ita plorant.

Hæc est censura D. Bernardi, à quâ etsi recedere non velim; nolim tamen adeo seuerus esse censor, & iudex, vt excludi posse credam omnem doloris sensum: sed tantum eius immoderantiâ culpo, & damno; optoque in primis dictum illud, & vsurpatum D. Cyrilli erga charos nostros vita functos: quibus *ex toto nec compati, nec mœrere ferinum est, & durum: horum vero exuberantia muliebre.* Memini Iobum mortaliū fortissimum auditâ filiorum morte indoluisse: *scidit enim vestimenta sua, & tonso capite corruens in terram adorauit.*

Iob. 2.
v. 20.

Vestem ex lugentium more, rituq; dum scidit, hominem se probauit, & parentem commendauit: dum autem tonso vertice corruit in

in terram, Numenque supremum
adorauit, eius seruum sese ostendit;
ad omnes nutus paratum, atque
obsequentem: & tam inter aduer-
sa, quam inter prospera gratum: ita
nimirum ut aureè Chrysostomus.

Naturæ condolentis sensus o- In cate-
nâ,
stendendus erat; animi quoque phi-
losophia minimè occultanda; eodem
tempore decuit, & naturæ viscera,
& philosophiæ præstatiā indicari.

Quod Iobo viro principi, ac
fortissimo concessum indulgente
naturâ, conuiuente Chrysostomo,
hoc cuique licitum velim: neque
enim ut doctè Origenes: *victoriâ*
quis idcirco potitur, quia non pati- In cate-
nâ græ-
câ.
tur, sed ideo quia cum patitur, ani-
mo perfert inuictō.

§. 4.

*Mors gratiâ amicorum excepta fortem
animum probat.*

cam. 8.
v. 6.

Magna omnino vis amoris, quam vt in lucem, apertumque efferret sapiens, cum ipsâ morte componendam esse duxit.

Fortis est, inquit, vt mors dilectio.

Orbem hunc aspectabilem animo subiecit sapiens, & oculo intelligentiæ obiuit illud omne, quod cælum tegit, aut celat, & ex ijs inuenit omnino nihil, cum quo opportunius, veriusque, quam cum ipsâ morte compararet. Nimirum mors longè fortissima, robur eius inexpugnabile, inexorabilis genius, ineuitabilis necessitas: cui obistere nullus omnium possit mortalium. *Æqua, scilicet, lege sortitur*
in-

infignes, & imos, & sic leonem, vt agnum iugulat; sic elephantem, vt culicem sternit; sic Crœsum, vt Irum terrâ tegit, atque obruit. Et in his elucet, atque eminet mortis fortitudo; sed multo maior amoris, qui ipsâ morte fortior est, atque superior: quis enim neget morte fortio- rem eum esse, cui mors ipsa cō- temptui, imò cui in votis, ac deli- cijs. Et ea certè est amanti, qui vi- tam, quâ nihil carius, amor cedit, mortem obit, quâ nihil difficilius, aut horribilius.

Et inde factum autumo, vt adeo in terris rara sit amicitia. Vix omni- bus sæculis, ait Cicero, tria, aut qua- tuor numerantur amicorum paria. Lib. de amicitia. Plutarchus Theseū, & Pyri- thoum recenset: Achillem, & Patroclum; Orestem, & Piladem; Damonem,

IIIS DE FORTITVDINE

& Pythiam ; Epaminondam , & Pelopidam. Totidem fere paria ex Romanâ historiâ adiungi possunt, vix plura. C. Gracchus cum Pomponio , C. Lælius cum Scipione , T. Voluminius cum M. Lucullo : & hi fere tantum nominati : adeo rara auis in terris amicus verus ; is nimirum qui amici causâ , bonoq; nec mori timet , nec amat viuere , nisi & vita , & mors amico profit.

Celebre par amicorum Pilades , & Orestes , de quibus illud iactarunt antiqui , semel tantum in vitâ contendisse , nec amplius : eaque contentio omnis in hoc posita , vter pro altero moreretur. De cœteris nulla vnquam lis fuit , nulla dissensio , aut disceptatio : vna de morte pugna , in qua vicit amor morte fortior , ac potētior : ad hunc quondam

dam allusit vates , & ingeniosus
Ouidij labor.

*Ire iubet Pilades charum mori-
turus Orestem ,*

*Is negat : inq̃ vicem pugnat v-
terque mori.*

Exitit hoc unum quod non cōue- 2. de
Pont. 3.
nerat illis ,

*Cætera pars concors, & finē lite
fuit.*

Videtur eadem olim fuisse con-
tentio inter fratres Iosephi, cum ex
illius voto, ac imperio quæsitum
quis ex ijs futurus esset obses, quis
carcere tenendus, quis obijciendus
periculo, ac seruituti, atque etiam si
opus esset, ipsi morti? Cum enim
fratrum animū, amoreſq; blan-
dos seuero vultu tegens Ioseph, di-
xisset. *Frater vester unus ligetur* Gen. c. 4.
v. 19.
in carcere, vos abite Hac datâ op-

tionē, non expectato fratrum responso, Simeonem ipse suo arbitrio, ac volūtate vinculis designauit, cœteris abire iussis. Cur ita? *quia, ut inquit Abulensis, non videbatur fraterno amori conuenire, ut ipsi de se ipsis determinarent, unum magis, quàm alium vinculandum: sed magis quilibet eorum se pro aliis offerre deberet.*

Habes inter charos, & fratres pro seruitute nobile amantiū certamen, accipe pro morte; *Fortis, enim, ut mors dilectio.*

Vt multæ in purpurâ sunt illecebræ, multus honos; ita & frequētes insidiæ, atque immania pericula, quibus obuia patet aula, & regium caput: *feriunt enim altos fulmina montes, non humiles casas.* Ac ne multis in argumento per se no-

to præcludere videar; è regibus vnū
 tibi dabit Anglia, cumque Stepha-
 num nomine. Illi sicarius vnus ali-
 quis stricto ferro occurrerat, & cer-
 tē in pectus immiserat: hiabat a-
 pertum ac patens vulnus, sangui-
 nemq; largē fundebat; qui vbi ar-
 te medica sisti cœpit, atque aresce-
 re; ecce tibi grande malum aliud;
 nudati ensis acies pestilenti vene-
 no imbuta toxicum nutriebat; &
 in viscera, carnemque spargebat la-
 tens, ac fatale virus: cui tollendo
 impar Galenus, impar & Hip-
 pocrates, omnisque medicorum
 schola.

Quidquid in illâ industriæ, ar-
 tisue fuit, id explicatum omne cu-
 rando vulneri, sed artis molimina,
 vimque omnem eludebat dolor,
 & tacitè visceribus inspiratum ma-

H 5

lum.

Iose-
 phus
 Speran-
 za pun-
 cto
 CXLIII

lum. Quid igitur? an ferro, an toxico, an fato concedat regis caput? Ingeniosa necessitas, id cuiuspiam medico suggessit remedij: si quis vitæ, sanguinisque sui prodigus os vulneri admoueret, apprimeret, & cōcretam ex eo saniem exfugeret: ille Regi pro medico, pro medicinâ: sibi autem exitio. Hæc splendide depromuntur, hæc iactantur in aula, in proceres eunt, imò & in caulas, ac famulorum greges.

Quid deinde? varius super eâ re sermo, magna que iudiciorum, atque animorum pugna: sensus alius, atque alius, dum hic præsens esse censeret remedium, hic eludit, atque explodit: ex omnibus tamen nemo vnus fuit, qui periculum faceret, qui daret illud regi alias perituro, qui suâ morte domini sui vitam æstima-

æstimaret, atque emeret: amare regem omnes, sed se ipsi magis: velle regi benè, sed sibi quàm optimè. Ea nimirum sunt aulicorum ingenia, nata regi seruire, si tamen prius sibi; neque vero id obsequij sibi, suæque sanitati deposcebat Rex pius, nouerat enim ita sibi indulgere, vt tamē subditis parceret, neq; cuiusquam periculo, mortæque, discrimen suum, vitamque redimi censēbat oportere.

Dum hæc vltro, citroque commentant, & per famulantium ora feruntur: audiit Regina, & tacuit, altèque sua consilia pressit; prudentis est, quod cito factum voles, tacere, manu enim sæpius opus, non linguâ: quanquam hic, & linguæ, & manus vsus aliquis. Igitur noctis intempestæ silentio, adultisquetenebris,

nebris, regio de cubili se proripiens
 Regina; coniugis longe carissimi
 conclaue subit, lento, & laqueo pe-
 de, furtiuoque gradu, lectulo pro-
 prior facta: à dolore sopitum, &
 quasi sensus expertem maritum de-
 prehendit; molliq̃ue, ac tenellâ ma-
 nu, admota plagæ vincula contre-
 ctat, sensimq̃ue dissoluit, tum libe-
 ro, patientiq̃; vulneri os admouet,
 labia diducit, linguam exurit, &
 manantem ex eo saniem haurit, at-
 que epotat. Non sic à cursu, æstuûc
 solis exarescens venator aliquis, ad
 opportunos fontiû ductus, & leue
 murmurantis aquæ riuulos aduo-
 lat, largèq̃ue bibit, vt sitim extin-
 guat: atque defluentem è tabido
 pectore saniem absumpsit Regina,
 vnàq̃ue etiam (quod in eâ ames, ac
 mireris) & ipsam mortem.

Hoc

Hoc inuictæ Heroinæ facinus,
hoc prope scelus amoris, sibi vitam
eripuissè, marito reddidissè : adeo
hic etiam : *Fortis ut mors dilectio.*

§. 5.

*Eadem veritas declaratur heroicâ filij
in parentem pietate.*

Vulgatum illud Philosophi.
Deo, parentibus, ac præce-
ptoribus pares reddere nunquam
possumus.

Deo quidem, cui ut omnia de-
beamus, ita animum quam maxi-
mè, potissimam hominis partem,
& quasi delibatam ex altissimâ illâ,
diuinâque mente portionem.

Parentibus vero, à quibus quod
spiritui affine, & coniunctum est
accipimus, corpus inquam morta-
le, quo immortalis vehitur, & cir-
cumducitur animus.

Denique præceptoribus, à quibus etsi non ducamus *esse*, vt loquuntur Philosophi: at certè haurimus *bene esse*, dum suis illi præceptionibus nos imbuunt, & ad omnem humanitatem erudiunt.

Ex illo seu naturæ, seu rationis debito, fit vt si quando eorum agatur causa, in eâ se totum vel vno gratitudinis nomine impêdere debeat tum parenti filius, tum præptori discipulus: non ita tamen vt solius naturæ censeatur esse molimen illud: sed & virtutis actus, isque aliquando nobilissimus: qualis is esset qui Dei, aut Religionis causa vitam eriperet; cui suppar alius, qui etiam parenti spiritum donaret.

Eo in genere exemplum illustre vidit, stupuitque Hispania. **In-**
testina

testina diffidia , belliq; motus Castellæ Regem Toletum acciuerat; tum ut tumultus componeret, tum ut inde hostem, qui subitâ inuâsione irruperat, expelleret. Vbi porro foeliciter expulit; ira in ciues versa, è nobilitate nonnulli cæsi, è plebe duo & viginti. In eo numero aurificis filius octodecim annos natus: iuuat illius diei, cædisq; meminisse. Inter eos quos orta seditio crimine inuoluerat, erat Aurifex; vir grandæuus, & octoginta annis maior, ei cū alijs dicta dies vltima, decretumq; capitis supplicium, quod vbi impendere vidit filius, adolescens decem & octo annos natus, qua miseratione, qua pietate in parentem sese Regi illico stitit, & vltro supplicio obtulit. Hic arrecti Aulicorum omnium animi,

&

Denique præceptoribus, à quibus etsi non ducamus *esse*, vt loquuntur Philosophi: at certè haurimus *bene esse*, dum suis illi præceptionibus nos imbuunt, & ad omnem humanitatem erudiunt.

Ex illo seu naturæ, seu rationis debito, fit vt si quando eorum agatur causa, in cā se totum vel vno gratitudinis nomine impēdere debeat tum parenti filius, tum præptori discipulus: non ita tamen vt solius naturæ censeatur esse molimen illud: sed & virtutis actus, isque aliquando nobilissimus: qualis is esset qui Dei, aut Religionis causa vitam eriperet; cui suppar alius, qui etiam parenti spiritum donaret.

Eo in genere exemplum illustre vidit, stupuitque Hispania. In-
testina

testina diffidia , belliq; motus Castellæ Regem Toletum acciuerat; tum vt tumultus componeret, tum vt inde hostem, qui subitâ inuâsione irruerat, expelleret. Vbi porro fœliciter expulit; ira in ciues versa, è nobilitate nonnulli cæsi, è plebe duo & viginti. In eo numero aurificis filius octodecim annos natus: iuuat illius dici, cædisq; meminisse. Inter eos quos orta seditio crimine inuoluerat, erat Aurifex; vir grandæuus, & octoginta annis maior, ei cū alijs dicta dies vltima, decretumq; capitis supplicium, quod vbi impendere vidit filius, adolescens decem & octo annos natus, qua miseratione, qua pietate in parentem sese Regi illico stitit, & vltro supplicio obtulit. Hic arrecti Aulicorum omnium animi,

&

Molina
de reb.
Hisp.
l. 16.

& futuri euentus expectatione suspensi; pars amare, & mirari grandem in abiectâ fortunâ indolem; pars tantæ caritati veniam etiam vltro dandam arbitrari; pars etiam metuere, ne Regis ira in vindictam præceptis in caput innoxium descenderet; Et vero præter expectationem, atque spem descendiit; nam pro veniâ, quam eximia pietas omnium iudicio meruerat, Rege permutationem cõcedente supplicium subiit, & ferro caput amisit. Fœdum populo spectaculum, misericordiæ permixtam crudelitatem. Nomina memoriæ subtrahita de facto factis constat.

Hic ego te, tuosque maîtres appello miserande adolescens: quem ei fato natura seruauit, & vna parentis noxa deuouit: hic inquam,

ex

ex te sciscitari velim, quæ ratio, quæ
vis æuo longiore natum immatu-
râ nece præcidit? an in senem op-
timum, & annis grauem misratio?
an in parentem obseruantia, pie-
tasque? sat scio & hanc, & illam al-
tè tibi insitam fuisse: verum nec
hæc, nec illa animos supplicio, fer-
ro, mortiq; pares fecit; nisi affuisset
germana pietatis soror fortitudo:
ea ex intimis penetralibus in pul-
uerem exciuit; in forum egit; in Iu-
dicis, in Regis oculos, ac sententiã
impulit, vt quod paterno capiti
imminebat supplicium in te ipse
detorqueres, caderesq; ad fortitudi-
dinis aras, nobilissima amoris, ca-
ritatis, pietatis victima, quam ama-
bunt, ac suspicient ætates omnes
longè consequentes. Vt enim ener-

Valer.
Max.
l. 2.

ues animos odisse virtus solet, ita
I fortes

fortes, atque infractos amare, complecti, posterisque omnibus impensè commendare.

§. 6.

Qui iuuandis pestiferâ lue infectis ultro se deuouet, inter Christianos Heroes numerandus.

Lib. de
Mart.
per pestem.

HOC argumentû, vt alia pleraque, doctè, fusè, piè tractauit Theophilus Raynaudus Societatis nostræ Theologus, vir variæ eruditionis: ego ex illo, alijsque pauca delibabo, vt mihi, coeterisque animos faciam, ad tam illustre, sanctumque Christianæ caritatis officium ultro votis omnibus expendendum; multa sunt quæ illud arduum, ac difficile probât. Primum ipsa morbi vis, ac ratio, tum mortis genus miserabile, acerbum, omni-
que

quæ solatio vacuum; tum etiam ij;
 quibuscum in isto munere vitam
 exigas, pauperculi, abiecti, sordidi,
 & ad extremam ferè inopiam, ac
 miseriam prostituti; tum denique
 & ipse funeris honos, quiesque se-
 pulchri, in quo ingloriæ iacent ma-
 gnæ mentis exuviæ, excelsi que ci-
 neres.

Ad primum quod attinet, pesti- ^{Causa}
 lētis mali vis ex eo cœteris morbo- ^{pestis.}
 rum molestijs eminet: quod eius
 causa plerumque in occulto sit, &
 altâ nocte: est enim illud medi-
 corum effatum, pestem exitiosam
 quandoque ex cogitatione, quan-
 doque & sæpius ex maligno quo-
 dam cœli afflatu, & siderum con-
 stitutione oriri: altissima nimirum
 est diuinæ prouidentiae, iustitiæ-
 que ratio, quæ superis illis orbibus

noxias impressiones dedit, quibus eos feriat, qui suâ culpâ Deo, Cœlestibusque inuisi fuerint.

Ex eâ persuasione, quæ apud medicos est recepta, manauit illud vt morbi inopinati, ac latentes dicantur ab ijs *siderationes*, quasi maligni quidam, & exitiales siderum afflatus, quibus remedium ars ipsa non inueniat, vel ex eo solum quod causam ignoret.

Et his obijcitur, quisquis non prece, non pretio, sed solâ Christianæ caritatis lege, ductuque peste laborantibus ministrat, & in ijs, quæ ad animæ forum attinent, noctu, diuq; indefesso labore assistit, & non putabis illud esse altioris animi, & eximiæ cuiusdam fortitudinis? Certè si in aduersas acies irrumpere, si obuium dare ferro caput,

put, si pectus opponere, militatis est roboris: quidni maioris erit infesto quodammodo, iratoq; cælo, ac sideri, sui prodigum, offerre caput, & aduersam illam astrorum lucem pati, grauesq; ac noxias siderum influentias contemnere: Et hoc ideo tantum ne vacuus solatio frater occidat, ne impos consilij, ne sacramentorum præsidij destitutus, ex hac vitæ statione discedat.

Et hæc prima ratio, quæ periculum auget, & opus illud arduum, ac difficile probat; quod mali causa, fonsq; pestiferæ luis, non in corpore, non in humoribus sit (qui aliorum fere morborum sedes sunt, aut receptacula) sed in astrorum, cæliq; impressionibus, damnandâq; sideris vnius face, quam vt velis, declinare non possis.

Esse autem vim illam astrorum,
coelestiumque corporum morta-
libus oris incensam ex eo etiam cō-
ficio, quod D. Ioannes in placido
mentis excessu vidisse se memorat.

Apoc.
c. 8.

*Tertius, inquit, Angelus tubā
cecinit, & cecidit de cœlo stella ma-
gna ardens tanquam facula, & ce-
cidit in tertiam partem fluminum,
& in fontes aquarum, & nomen
stellæ absinthium. Alcazar vertit no-
men stellæ pestis.*

Ecce habes Apostolo iudice, te-
steque noxiam humano generi fa-
culam, stellamque è cœlo in terras
elabi, & in miseranda capitâ vim
suâ exerere, timendaſq; impressio-
nes: verū vt eas horreant, fugiantq;
ceteri; at nec horret, nec fugitis, qui
vitam fraternæ caritati deuouerit,
Deoque, ac superis, quod reliquum
est,

est, cōmittendum esse putauerit: Et illud est Christianæ fortitudinis illustre quoddam argumentum.

Accedit & alterū atrocitas quædam tormētorum, ac cruciatuum, quibuscum pugnant fortiter, vincuntque foeliciter charitatis Martyres; quibus nihilo mitior à morbo, lueque subeunda carnificina, quam fidei Martyribus, ab equuleo, ferro, cruce, flammâque sit expectanda. Mirum enim quàm atrocia symptomata, & quam immanes corporis affectus importet, atque inuchat pestilens ista morbi lues; eos illigatâ suis numeris oratione persecutus est Lucretius, & Morbi pestilētis vis.

Lib. 6.

quodam abreptus Poetico exclamati-

O dira noui facies lethi,
 Grauior letho piger ignauos
 Alligat artus languor, & agro
 Rubor in vultu, maculaq; caput
 Sparsere leues. tum vapor ipsam
 Corporis arcem flammeus torit.
 Multoque genas sanguine tingit.
 Oculique rigent, & sacer ignis
 Pascitur artus, resonant aures,
 Stullatque niger naris adunca
 Cruor, & Venas rumpit hiantes
 Intima creber viscera quassat
 Gemitus stridens iamq; amplexu
 Frigida presso saxa fatigant
 Quos liberior domus elato
 Custode finit, petitis fontes,
 Aliturque sitis latice ingesto.
 Prostrata iacet turba per aras,
 Oratque mori.

Quidni

Quidni enim oret? certe licet mors in se ipsa plurimum habeat doloris, atque horroris: minus tamen in se habet pœnæ, quàm lenta illa tabes, sæuaque pestis, quæ primum insolenti quodam æstu sanguinem vitæ sedem, ac fomitem occupat, atque incendit, deinde totum hominem edaci, cruentâque flammâ depascitur, tum etiam in externas corporis partes elabitur, inficitque infami contagio morbide putredinis: ita nihil ab hoc malo vacuum atque immune: aut enim in cerebrum euasit pestilens aura, & tum ad aurium collique cōfinia delabitur, aut cor vitæ fontem, atque arcem inuasit, & tum sub axillis erumpit, ingenti que tumore malum creat, augetque aut iecur ipsum, officinam & recepta-

culum sanguinis imbuit, & tum in
 inguine sese iactat pestiferum vi-
 rus, & bubonem effert, atq; osten-
 tat, aut etiam carbunculo vtit; aut
 denique occupato toto corpore,
 vitiatoq; sanguine in maculas de-
 generat, & hominem illico sternit,
 ac pessundat.

Ab hac malorum mole, & col-
 luuie quadã morborum omnium
 factũ autumo, vt pestis ipsã morte
 grauior, ac peior audierit; imò vt
 Hebræis sapientibus, pestis dicta sit
Deber, id est mors, ita enim à non-
 nullis exponitur ille locus Osee,

c. 13.
 v. 14.

ero mors tua, ô mors, Hebraicè *de-
 ber*, id est, *pestis*, quæ eo mali venit,
 vt dicatur, & sit veluti mors ipsius
 mortis, puta supplicium morte a-
 cerbius.

Ad illam dolorum immanita-
 tem

tem appellit sapius & ipsa mentis
 emotio miserabilis , à quâ hic è fe-
 nestrâ, aut tecto præceps ruit, & in-
 fœlici casu ceruices elidit ; ille con-
 cito cursu in obuium flumen insi-
 lit , & aquis extinguere febrile in-
 cendium dum inolitur , seipse ijs-
 dem præfocat, atque extinguit : iste
 in ignes inuolat , vt flammâ flam-
 mâ, ignē igne temperet, aut tollat.

Mitto cetera quæ mali illius sen-
 sus apertius edocet , quàm aut ani-
 mus concipere, aut vox eloqui, aut
 calamus exprimere possit.

Ex hac qualicumque adumbra-
 tione pessimi status corporum, to-
 tiusque hominis per pestem æsti-
 mari debet. fortitudo martyrum
 misericordiæ, ita enim eos appella-
 re placuit, qui caritati, ac misericor-
 diæ vitam deuouent, & in eius aris
 occidunt nobiles victimæ.

Certè hominem vnum aliquem
 sano corpore, & animo, propter
 Deum, & proximi commodum
 vltro, imò alacriter in cā dolorum
 immanitatem, & mentis emotio-
 nem miserabilem mittere sese, exi-
 miæ cuiusdam, & heroicæ fortitu-
 dinis specimen videri debet: cui
 potiori iure aptari potest illud D.
 Cypriani ad Christianos, vt ijs ani-
 mos faceret aduersus infestæ luis
 horrorem, ac malum.

L. de
 Morte
 num 24.

*Hoc, inquit, quod solutus in flu-
 xum venter euiscerat quod in fau-
 cium vulnera conceptus medullitus
 ignis exæstuat; quod assiduo vomitu
 intestina quatiuntur; quod oculi
 vi sanguinis inardescunt; quod quo-
 rundā vel pedes, vel aliqua mem-
 brorum partes contagio morbidæ
 putredinis amputantur; quod per
 iactu-*

iacturas, & damna corporum prurumpente languore, vel debilitatur incessus, vel auditus obstruitur, vel cecatur aspectus, ad documentum proficit fidei. Vbi hanc à peste malorum iliadem sub oculos posuit; tum illam infracto spiritu perpeti, quantæ fortitudinis sit, ita ostendit. Contra tot impetus vastationis, & mortis inconcussis animi virtutibus congregi, quanta pectoris magnitudo est? & quanta sublimitas inter ruinas generis humani stare erectum, nec cum eis, quibus spes in Deum nulla est, iacere prostratum?

Sed etiam ex alio capite ducitur insigne Christianæ fortitudinis argumentum, est illud diuulsio à dulci charorum consuetudine; ex quo enim homo caritate faucius
huic

huic sancto operi se addixit , æquè
 per vniuersum ministerij tempus
 refugitur , ac ipse letifer morbus,
 quem iure in alios transfusus ti-
 metur. Itaque adhuc sanus , & in-
 columis horrorem sui, timoremq;
 alijs ingenerat , vt etiam viuentem
 præmori quodammodo suis , & à
 ciuili societate extraneum fieri o-
 porteat, quæ non exigua est patien-
 tiæ , ac fortitudinis materia : quæ e-
 tiam ex eo augetur, quod vt in vitâ
 sic etiam in morte ab omnibus
 auersum, ac quodammodo despe-
 ctum esse sit necesse.

Illud sanè in communi fato leua-
 men esse solet, quod in eo sit , qui
 lumina claudat , qui abiturientem
 spiritum vel sustineat, vel amantis
 ore, extremisque basijs excipiat, qui
 funera luctu condecoret , calenti
 busto

busto lacrymas infundat, & exanimē corpus, mœstosq; cineres quieti reddat, ac maiorum sepulchro. At ijs omnibus solatijs caret ille, qui pesti cedit, ne caritati aliquid decedat: destituitur enim & amicorum lacrymis, & luctu & pompâ funebri, & communi succumbentis naturæ solatio; quod malum quantum sit, quàm graue, acerbum, & cuique mortalium inuisum eleganter describit Seneca; sic enim canit.

Pars nulla regni immunis exitio

vacat,

*Sed omnis ætas pariter, & sexus
ruit;*

*Iuuenesq; senibus iungit, & gnatis
patrem*

*Funesta pestis; una fax talamos
cremat,*

Fletuq;

*Fletuq; acerbo funera, & questu
carent.*

*Fletu, inquit, & questu carent
funera, quod extremum est mise-
riæ, ac calamitatis; quam & mœstâ
næniâ prosequitur etiam Ouidius.*

*Corpora missa neci nullis de more
feruntur*

*Funeribus: neque enim capiebant
funera portæ.*

*Aut inhumata premunt terras,
aut dantur in altos*

*Indotata rogos: & iam reueren-
tia nulla est.*

*Deq; rogis pugnât, alienisque igni-
bus ardent;*

*Qui lacryment desunt, indefle-
tæque vagantur*

*Natorum, matrumque animæ,
iuuenumque, senumque*

*Nec locus in tumulos, nec sufficit
arbor in ignem*

Hæc est Poetæ oratio, suis quidem illigata numeris, at lacrymis, querelisque soluta: soluit autem in eos gemitus vel hoc ipsum quàm maximè, quod cadauera indotata abijciantur in ignes, in rogos, quod ijs nulla sit reuerentia.

Quod si Ouidio cuipiam, viro ad omnem libidinem prostituto, ea visâ est cura corporis, ac sepulchri: longe maior esse potest, ac debet animis à gratiâ coelo iam renatis, quibus corpus opportunum in hoc æuo diuersoriû fuit: Theodori quidem nihil interest humine, an sublime putrescat: at Christiano, ac religioso homini refert quàm maximè. Appello Abrahamæ, Isaaci, Iacobi fidem, & vota, quibus id studium fuit, vt ad Patres suos apponerentur, redderentur eidem

K tumulto

tumulo, & ossa ossibus, cineres cineribus iungerentur.

Ateam quoq; curam, studiumque ponit, quisquis ex caritatis indulgentiâ, peste laborantibus inseruit; eoque nomine sui in paucis, non in vitâ modo (quod altioris animi) sed & à morte contemptor, (quod altissimæ mentis, & heroicæ virtutis argumentum est) atque illustre quoddam martyrij genus) vt in sequenti paragrapho docebimus.

§. 7.

An qui peste laborantibus ex caritate assistit, in eoque officio moritur, inter Ecclesiæ Martyres sit accensendus?

IN hac quæstione ex me nihil statuam, nihil definiâ: eius censura ac iudicium esto penes Ecclesiam, quæ est columna, & firmamentum

mentum veritatis. Tantum nostrę curę, & laboris erit in medium afferre sanctorum Patrum testimonia; tum etiam Ecclesię sensum, tacitamque approbationem, tum denique, si quę pro eo argumento faciāt rationes. Et hæc omnia breui compendio: plura, qui volet, percurrat opus P. Theophili Raynaldi de martyrio per pestem.

Patrum pro affirmante sententiâ auctoritas; & Ecclesię sensus.

Pro hac sententiâ, quę heroas illos, Christi que pugiles Martyrij laureâ condecorat; acriter pugnat. Antiquitas, & scriptorum illustrium auctoritas; è quibus primus in aciem prodit Clemens Alexandrinus, scriptor omnium consensu vt antiquissimus, ita & grauissimus.

K 2 Marty-

Martyres ille partitur in duas classes, eosque Christo propinquos facit; quia ad nos & ipse accessit amoris viâ, pro nobis vitam, & sanguinem ponens: ad eum porro & ipsi accedimus, ac propinqui fimus si aut pro ipso morimur, aut pro fratre, ac proximo: eius hæc sunt verba libro quarto Stromatum, vbi de Martyrij gloriâ disputat.

Si vel pro proximo moriaris, propter caritatem, existimes Seruatorem nostrum esse propinquum: imò & fratrem: addit enim communi illius temporis Christianorum appellatione ita nominandum: quod Christi frater verè esset, cuius etiam in alios caritatem, morte ex caritate obitâ loqueretur.

Quisquis igitur in eam arenam descendis, atque occumbis, hunc
tibi

tibi titulum erige, hoc tumulo Epitaphium inscribe.

Hic iacet N. Christi propinquus ac frater.

Clementi calculum addet S. Dionysius Alexandrinus in epistolâ paschali, cuius hoc fragmentum extat apud Eusebium.

Vbi descripsit immanem à peste ^{L. 7.} ^{C. 17.} cladem quam passus est Romanus orbis; cœlo vindice obfusum per scelus Christianorum sanguinem, tum extollit, ac prædicat flagrantissimam eorum caritatem, qui in iuuandis ægris operam, vitamque profuderant. Hic ex illius ore sensus fuit illius temporis, ac venerandæ antiquitatis. Adeo, inquit, *ut istud mortis genus, quod propter incredibilem pietatem, & robustam fidem suscipiebatur, nihil à martyrij splendore abesse videbatur.*

Hic stylum, oculumque fige,
 mi lector, & in eo caritatis officio
 suspice *incredibilem pietatem ac ro-*
bastam fidem, quæ nihil à martyrio
 fidei causâ suscepto distare visa.
 Certè nisi robusta foret ea fides,
 palmamque gloriæ sub mentis o-
 culos poneret, non adeò vitæ pro-
 digæ, & mortis esset patiens.

In In-
 terpret.
 Hist.
 Eusebij.

Dionysio accedit Ruffinus, &
 ipse grauis author; cuius hoc de
 Christianis illius æui est testimo-
 nium. *Constantissimâ, & ardentis-*
simâ fide, tanquam si martyrij tem-
pus instaret, miserando infirmos, se-
metipsos huiusmodi mortibus infe-
rebant, misericordiæ ex hoc marty-
rium capere præsumentes.

Vestros amo, ac veneror æstus
 illustres animæ, Heroes inclyti, siue
 tuos Franciscæ, siue tuos Xaueri,
 siue

sue etiam tuos, in timido sexu Te-
 resia; ab illo certè etiam ad remo-
 tas, barbarasq; nationes excessistis,
 vt in alieno, ac truculento solo suc-
 crescentem vberius martyrij pal-
 mam inueniretis, quam in patriâ,
 & domi, legere non poteratis; vos
 inquam vel ex eo tantum genero-
 sâ mentis impetu colo, ac suspicio:
 neque vos minus amo, ac demi-
 ror, qui vt in sortem martyrum
 misericordiæ veniretis; in eâ mor-
 borum lanienam lubentes, volen-
 tesq; descendistis: sed ab arenâ,
 campoq; gloriæ vestræ, in quem
 animo iam abij, ad authores, qui
 honori vestro velificantur, reuer-
 tor; & Clementi, ac Ruffino addo
 Augustinũ, cuius authoritas, ac do-
 ctrina cœteris facilè supereminet.

Querit ille, quod sit Ecclesiasti-

ci Pastoris officium, quæ partes in publicâ calamitate, siue ea creetur ex barbarorû incurſu, atq; illuuië, siue etiam à pestilentis morbi vi, atque strage: eadem enim huius atque illius est ratio; & respondet id esse muneris, id officij boni Pastoris, non sese fugâ periculo subducere, etsi possit, cum ita publica necessitas, caritasq; postularit: deinde subdit, quæ eis in cælo reposita laurea; si mortem in eo Christianæ miserationis studio oppetierint.

Epist.
180.

Qui, inquit, patiuntur, quia fratres, qui eis ad Christianam salutem indigebant, deserere noluerunt, sine dubio suas animas pro fratribus ponunt.

Quanti autem apud eum sit anime pro fratribus abiectionis, vel ex eo constat, quod illam etiam ei
mar-

martyrio anteponat, quod subitis,
qui fugiens persecutorem, compre-
henditur, vitamque perdit, ne fi-
dem perdat, atque prostituat.

D. Augustino calculum addet
B. Laurentius Iustinianus, qui D.
Martinum vel ex hoc tantum do-
nat martyrij laureâ, quod noluerit
iratis principibus fugiendo pericu-
lum declinare; quæ sententia si ve-
ro proxima, quidni & illum ornet
palma martyrij, qui à morbo leta-
li, ceu tyranno, non fugit, cum ta-
men etiâ tuta conscientia possit,
vrgeantque quodammodo vel ip-
sæ naturæ leges, & is, qui cuique
insitus est vitæ amor, ac cupiditas,
non fugit inquam; ne quid laban-
ti, atque à lue deficienti fratri deesse
videatur, quod ad animæ salutem
faciat. Sed hætenus Patrum sen-

rentijs pugnatum est satis; etsi enim ab illis magnum in hac materiâ pondus accedat, longè tamen maximum ab authoritate Ecclesiæ, cuius etiam folius nutus, & aliquâ ratione expressus sensus, viro catholico, bonoq; satis ad fidem esse debet: hunc porro tenemus, non tam viuæ vocis oraculo, quàm exemplo firmatum.

Ita enim de SS. Alexandrinis, qui lue contactos iuuerunt, & in co caritatis obsequio diē suum obierunt, habent antiquæ tabulæ, & Romanum Martyrologium Ecclesiæ authoritate probatum: in quo hæc leguntur verba pridie calendas Martij.

*Alexandriæ commemoratio SS.
Presbyterorū, Diaconorum, & aliorum
quàm plurimorum, qui tempore
Vale-*

*Valeriani Imperatoris , cum pestis
 sæuissima grassaretur , morbo labo-
 rantibus ministrantes , lubentissimè
 mortem oppetiere , quos velut mar-
 tyres religiosa piorum fides vene-
 rari consuevit.*

Fuit Alexandria Romanæ Ec-
 clesiæ filia, inter ceteras facile prin-
 cept, sede Patriarchali nobilis, & à
 D. Marco Christi Scribâ, & Histo-
 riographo instituta: à quo indubiè
 primos hausit, & puros, putosque
 Christianæ religionis latices, pla-
 citaque veritatis; inter quæ & illud
 Martyrum albo ascribendos illos,
 qui in cōmuni illâ clade; & obuiâ
 mortis imagine, ipsis fatis superio-
 res euasissent; vitamque in eo cari-
 tatis officio deposuissent; quos in-
 ter ordine, & dignitate primi re-
 censentur presbyteri, qui peste la-
 boran-

156 DE FORTITVDINE
borantibus sacramentum Confessionis administrarunt.

Proximè sequuntur Diaconi, qui ex antiquo Ecclesiæ more, ritu-
que operam suam nauabant porrigendæ populo Eucharistiæ.

Ep. ad
Hiera.
cen.
Epif.

Deinde alij plurimi, quos è populo fuisse docet Dionysius Alexandrinus, & his corporum cura maximè incubuit: partito scilicet onere, ac labore, vt hi corpus, illi animum in extremis morbi angustijs leuarent; & cadauera animâ iam ac spiritu vacua decenter sepelirent.

Et quia illud Christianæ miserationis officiû visum est arduum, pium, sanctum, qui in eo vitâ excessissent communi illius Ecclesiæ sensu, atque approbatione, Sanctos appellare placuit, vtpote iam relatos

tos in album Sanctorum: superum
omnium, Dei que ipsius calculo,
quo Martyres illos misericordiae,
proximos esse voluit martyribus
fidei in fede, thronoque beatitatis.

Ne verò, ut in humanis primum
est, labentibus annis elaberetur ex
hominum animis ea pietas, ac cari-
tas; ne lapsu temporis aliquo mo-
do detereretur: placuit signare diē
vnum, quem ut sacrum haberet,
coleretque Alexandrina Ecclesia,
solemni cōmemoratione SS. Pres-
byterorum, Diaconorū, aliorumq;
plurimorum, *quos velut Marty-
res religiosa piorum fides venera-
retur.*

Quæ autem fuerit illa dies est
in altâ nocte, dubioque: hoc tamē
in luce, certâq; scientiâ Romanam
Ecclesiam ex veteribus scriptis ho-
rum

rum athletarum memoriam haufisse, & in suos fastos transtulisse, cum sacro martyrij titulo ijsdem iam olim Alexandriae ascripto, quæ etiam Romana Ecclesia, quæ Petri sedes est, ac specula veritatis, in suis ipsa tabulis, ratum, fixumque habuit, non habitura, nisi etiam Martyres ipsa probasset, & ab omnibus Christi fidelibus orbe toto sparsis probari voluisset.

§. 8.

*Mors pro religione, pro fide excepta
eximius actus fortitudinis.*

Fortem censuit, fortem amauit Eleazarum Antiquitas: non eò tantum quod audax in hostem irruerit, quod aduersa ferro capita messuerit, sed ob illud vnum vel maximè, quod elephanto, cui insidebat

debat Anthiochus, se ipse suppo-
fuerit, vt liberius in aluum imma-
nis belluę, carneęque molis ense
immitteret, sterneretque vnâ cum
illâ etiam sessorem. *Quanta*, inquit
Ambrosius, *virtus animi, vt mor-
tem non timeret, vt medium pene-
traret agmen, vt molem bestię subi-
ret, quo pleniori feriret ictu, cuius
ruinâ inclusus magis, quam oppres-
sus suo est sepultus triumpho*: Et co-
quoque sepeliuntur Martyres, ex-
celsa cœlo capita, heroes inclyti,
quorum virtus omnis in patiendo
potius est posita, quàm in agendo.

Eos ab illa fortitudine, luceque
sanctitatis modo *cœli gemmas, ac si* D. Basil.
dera triumphantis Ecclesię, modo
militantis robora, fulcra, columnas
appellare solemus. Certè si è voce
noscitur vir, & qui latet animus,
etiam

etiam vt è voce audiatur, martyr oportet : Est enim ea interpretes magnæ mentis , altissimarum cogitationum , & eximiæ fortitudinis, quam etiam luculenta oratione testatam voluere inuicti pugiles , & ij quidem non è virili tantum sexu, ac robore ; sed quod magis etiam ames, ac mireris ex imbelli, timidâ-que mulierum turbâ : quas inter enituit S. Fœlicitas , nominis omne, bono-que fœlix, fœlicior à partâ prolè , datis-que Ecclesiæ Martyribus omnino septem.

Serm.
134.

Ardebat illa, vt aureâ D. Chrysologi vtar eloquentiâ, atque anhelabat vt eos vno die sacros Martyres pareret, quos vix paruulos, per annorum curricula generabat ; Ecce mäter quam vita filiorum fecit anxiam, mors securam. Discurrebat

rebat illa latior inter confossa cadauera, quam inter cunabula chara filiorum: quia internis oculis tot cernebat brauia, quot vulnera; quot tormenta, tot præmia; quot victimas, tot coronas. Hæ illi fecerant animos, & liberam omnino vocem, quâ filijs longe charissimis calcar adderet, ad supplicia, ferum, ignes, cruces, & acerbissimam mortem Dei, ac religionis causa obeundam. Erat nimirum in matre, erat in filijs fortis ut mors dilectio, imo ipsa morte fortior ac superior.

*Cant. c. 8.
v. 6.*

Qui mortem rerum omnium quæ sub cœlo sunt fortissimam esse dixit, næ ille certè verum dixit: quidquid enim aut terra tulit, aut cœlum aspexit indomitum, inuictumque cœteris, illud edomuit,

Fortitudo Martyr. ab amore.

L

vicit-

vicitque mors ipsa : verum vt ea sit vis mortis , maior tamen est amoris , qui in Martyrum animis ardet , atque exæstuat. De eo magnificè D. Chrysologus.

Serm.
40.

Nihil durum, nihil amarum, nihil graue, nihil letale computat verus amor; quod ferrum, quæ vulnere, quæ pœna, quæ mortes amorem valent superare perfectum? amor impenetrabilis est lorica, respuit iacula, gladios excutit, periculis insultat, mortem ridet, si amor est, vincit omnia : neque vincit tantum : verum etiam ipsis supplicijs, mortique crudelissimæ insultat : quod dum è cellâ suâ, sacroque silentio contemplatur Bernardus, manum explicat, stylumq; ducit in laudes, & præconia tam eximie fortitudinis.

Stat,

*Stat, inquit, Martyr tripudians, ^{Serm. 61}
 & triumphans, toto licet lacero cor- ^{in Cant.}
 pore, & rimante latera ferro, non
 modo fortiter, sed alacriter sacrum
 è carne suâ circumspicit ebullire
 cruorem.*

Ac ne credas eam vim, ea tor-
 menta, in Caucasum, in duros sco-
 pulos, in rupem expertem vitæ, ac
 sensus incurrisse, prosequitur S. Do-
 ctor, & causam reddit, fontesq; ape-
 rit, è quibus tantū roboris emanet.

*Nec facit, inquit, hoc stupor; sed
 amor; submittitur enim sensus non
 amittitur; nec deest dolor, sed supe-
 ratur, sed contemnitur.*

Si oculis, & auribus habenda fi-
 des esset, crederes inuictos Christi
 athletas sub equuleo, immani que
 totius corporis lanienâ, queri, ge-
 mere, fatiscere: at ex vero non est

ita ; vt enim melleâ eloquentiâ D. Ambrosius.

Tunc vincit Christianus , cum perdere putatur, & tunc perdit perfidia cū se vicisse gratulatur. Plaudat ergo cū illi insultatur, & surgit cum premitur. Haud similis victrici palmæ , quæ ponderi cedere nescia, eo magis in altum tollitur, quo grauatur amplius.

Ad hoc porro animi robur , excellentiamque fortitudinē edocti Martyres , imò educati à sapientiâ quæ
Pro.c. 9. immolauit filias suas ; vel vt septua-
v. 2. ginta : Sophia iugulauit filios suos.
O bonam matrem, inquit Tertullia-
In scor. nus, opto & ipse in filios eius redigi,
piac. vt ab eâ occidar.
c. 7.

Multum certe interest Patrem inter , & Matrem in filiorum educatione: vt enim doctè animaduertit

tit Seneca: *Aliter patres, aliter matres filiis indulgent: illi excitari iubent liberos ad studia obeunda maturè, feriatis quoq; diebus non patiuntur esse otiosos, & sudorem illis, & interdum lacrymas excutiunt: matres fouere in sinu, continere in umbrâ volunt, nunquam flere, nunquam tristari, nunquam laborare.*

Lib. de
prouid.
c. 6.

In humanis illud est discrimen patrem inter, & matrem, ex huius, illiusque genio: at non sic in diuinis; sit Martyri sapientia mater, sit Christus pater, & hic, & illa cum paternè, hoc est seuerè, educat; nec patitur in glorium domesticâ sub umbrâ latere, aut molli cubare in anfore: sed in campum, in solem euocat, & duris laboribus exercet, imò vinculis onerat, & è squallore, tenebrisque putidi carceris, in are-

nam educit, in quâ modo cû igne,
modo cum ferro, modo cum be-
stijs certet, vt olim Ignatius: cuius
eæ voces æterna memoria dignæ.

S. Igna-
tius E-
pist ad
Rom.
apud
Hier.de
scriptor.
Eccles.

*Vtinam fruam bestias, quæ mihi
sunt preparatæ: quas & oro mihi
veloces esse ad interitum, & ad sup-
plicia, & allici ad comedendum me,
ne, sicut & aliorum Martyrum, non
audeant corpus attingere. Quod si
venire noluerint, ego vim faciam,
ego me urgebo, vt deuorer.*

Hæc vbi extulit alto spiritu; tum
ad suos blandè stylum conuertens
exclamat: Ignoscite mihi filioli: quid
mihi profit, ego scio. Ac ne videatur
ea dixisse sine graui causâ, ardore
quodam, æstuq; concitatæ mentis
subiungit:

*Nunc incipio esse Christi disci-
pulus, nihil de his, quæ videntur, de-
siderans*

fiderans, ut Iesum Christum inueniam. Ignis, crux, bestia, confractio ossium, membrorum diuisio, & totius corporis contritio, & tota tormenta Diaboli in me veniant: tantum Christo fruar.

Ecce dignas celo voces, & amantia verba; à quibus ad rem ipsam, & extrema supplicia itum est. Vbi primum è caueâ educti Leones, vbi excussæ iubæ, auditique immanes rugitus, qui alium ab Ignatio teruissent, atq; exanimassent, mirum quantum animarunt: ita ad bestias, ad lanienam, ad mortem abiit, adiciens illud pro lemmate.

Frumentum Christi sum, dentibus bestiarum molar, ut panis mundus inueniar.

Ac ne credas excelsum illud ingentis animi robur; in viros tan-

tum cecidisse, martiumque genus:
 è virgineo, imbellique sexu vnam
 è multis producam: Erit illa puel-
 la terdenis; sexu, ætate, naturâ supe-
 rior. Agnes erit inter virgines, mar-
 tyreſque facile princeps: de qua
 magnificè Ambrosius.

De Vir-
 gin. l. i.

*Non sic, inquit, ad thalamum
 nupta properaret, ut ad supplicij
 locum, leta successu, gradu festina
 virgo processit. Flere omnes, ipsa si-
 ne fletu. Mirari plerique, quod tam
 facile vitæ suæ prodiga, quam non-
 dum hauserat, iam quasi perfuncta
 donaret. Stupere vniuersi, quod iam
 diuinitatis testis existeret, quæ ad-
 huc arbitra sui per ætatem esse non
 posset. Quanto terrore egit carni-
 fex ut timeretur, quantis blandi-
 tijs ut suaderet, quantorum vota,
 ut sibi ad nuptias proueniret? At
 illa,*

illa: & hæc sponsi iniuria est, inquit, expectare placituram. Qui me sibi prior elegit, accipiet: quid percussor moraris? pereat corpus, quod amari potest oculis, quibus nolo. Stetit, oravit, cervicem inflexit. Cerne- res trepidare carnificem, tremere percussoris dexterã, pallere ora alieno timentis periculo, cum puella non timeret suo. Qui enim timeret illa; quæ in Christi scholâ probè docta: duce, ac magistrâ Dei sapientiâ.

Si de profanâ sapientiâ ausus est pronũtiare Seneca. Philosophia circumdãda est. inexpugnabilis murus, quem fortuna nullis machinis laces- Epist. 82.
situm non transit. In insuperabili loco stat animus, qui externa deseruit, & arce se sua vendicat. Infra illum omne telum cadit.

Si

Si hæc, inquam, de sua Philoſophiâ dixit ille: quid de cœleſti, diuinâque ſapientiâ proferemus? ab illâ ſtat martyris animus in inſuperabili loco, & humanis omnibus altior fortitudine, ceu *arce ſe ſuâ vendicat*, & ita quidem vt *infra illum cadat omne telum*: quomodo enim non caderet infra illum, qui ſupra, imo extra terram eſt, humanosque caſus, vimque tyrannorum.

Audi quid de martyribus etiam in carcere, vinculisque, protulerit olim Tertullianus. Ita ad illos oratione plenâ maiestatis. *Habet tenebras carcer, ſed vos lumen eſtis; habet vincula, ſed vos Deo ſoluti eſtis: triſte illic ſpirat, ſed vos odor eſtis ſuauitatis: Index ſpectatur, ſed vos eſtis de iudicibus iudicaturi: cōtriſtetur*

Lib. ad
martyr.
c. 2.

stetur illic qui fructum sæculi suspirat : Christianus etiam extra carcerem sæculo renuntiavit , in carcere etiam carceri : nihil interest ubi sitis in sæculo , qui extra sæculū estis.

Ecce quo rapit impetus animi, quo virtus ardua: si corpus spectes, & hunc quem spiramus aerem, in sæculo sunt Martyres; at si mentem ipsam, piosque voluntatis æstus, extra sæculum sunt; & hinc eximia vis, ac fortitudo superior huic sæculo, ijsque omnibus quæ in in eo terrori, ac poenæ esse possunt.

Plura, eaque illustria SS. Patrum testimonia producere possem, quibus eximia Martyrum constantia probari posset: sed quia ea in omnium oculis, & luce est: stylum sistam, tibi que, si modo possim, beneuole lector, addam animos, ut
exem.

exemplo Heroum illorum, quos
cælum amat, & terra suspicit, etiam
aliquid audere discas, & pati : ita
verbo, ita re etiam ipsâ docuere in-
uicti Christi pugiles, ita S. Ignatius
ad quem redeo, teque euoco, vt il-
lum etiamnum in scriptis suis spi-
rantem, ac loquentem audias. Sic
ille tibi, sic omnibus olim in terris,
sic modo de cælis.

*Firmiter dum caderis, quasi in-
cus stato; generosi est athlete cædi, &
vincere; maximè vero propter Deū
nobis omnia patienda sunt, vt ipse
nos patiatur.*

§. 9.

Præclara incitamenta patientiæ, ac fortitudinis ex Tertulliano desumpta.

Tertullianus ad martyres librum inscripsit, stylumque duxit. altius, vel ut ijs animos faceret, vel ut inuictam eorum constantiam deprædicaret: & quidem,

Primum ex eo quod Spiritus Sanctus cum eis introeat in carcerem, qui ex vero *Diaboli domus est, & in quâ familiam suam continet.*

Eo porro perueniunt martyres, ut illum etiam *in domo suâ conculcent:* iam enim foris congressi conculcarant fide muniti, & concordia armati, quâ enim potius? pax quippe Christiana bellum est illi; in quod ubi concesserunt Christi pugiles,

giles, omniaq; generosi animi impedimenta vsque ad limen carceris deduxerūt, exinde segregati sunt ab ipso mundo; multoque magis à sæculo, eiusque rebus.

Et hinc sese erigit Martyrū constantia; sed inde etiam magis, quod extra carcerem sæculo renuntiarint, in carcere autem etiam ipsi carceri. Hinc illę Tertulliani voces, illud de Martyribus encomium.

Nihil interest ubi sitis in sæculo, qui extra sæculum estis.

Ex eo vero quod extra sæculum sint, primum fit, vt auferatur carceris nomen, & potius secessus vocetur, etsi enim corpus includatur, etsi caro detineatur, omnia tamen eorum spiritui patent, quia totum hominem animus circumfert, & quo vult, transfert. Fit deinde & al-
terum

terum quod etiamsi in equuleo, & catastâ distendi videantur, etiamsi lento igne torreri, atque vstulari, gemereque sub immensâ tormentorum mole, non gemunt tamen: quia vt magnificè ille ipse Tertulianus, quo authore hic vtor. *Nihil cruis sentit in neruo, quum animus in cælo est.*

Quidni autē in cælo sit bonum agonem subiturus, *in quo Agonethetes Deus viuus est, Xystarches Spiritus sanctus, corona eternitatis brauium, Angelicæ substantiæ politia in celis, gloria in sæcula sæculorum*: ad quam priusquam peruenirent Epistates Christus Iesus eos Spiritu vnxit, ad illud scamna produxit, & instar Athletarum ad strictiore disciplinam segregauit; quia scilicet *virtus duritiâ extruitur, molliæ vero destruitur.*

Ad eam porro duritiam quâ surgit, ac construitur virtus, formantur Martyres non carne, sed spiritu, illa enim infirma, hic firmus est.

Timet caro gladium grauem, & crucem excellam, & rabiem bestiarum, & summam ignium penam, & omne carnificis ingenium in tormentis. Sed spiritus contraponit sibi, & carni, acerba licet ista, à multistamen æquo animo excepta, imo & vltro appetita famæ, & gloriæ causa; & quidem illius, quæ tenues vanescit in auras, & mortalis vitæ stadio clauditur: quo in genere produci potest Lucretia, quæ vim stupri passâ, cultrum sibi adigit, vt gloriam castitati suæ pareret.

Asdrubalis vxor, quæ iam ardente Carthagine cum maritum, suum supplicem Scipionis videret,

vna

vnà cum filiis suis in incendium patriæ deuolauit.

Meretrix illa Atheniensis, quæ conscia coniurationis cū propterea torqueretur à tyranno, & non prodidit coniuratos, & nouissimè linguam suam resectam in faciem tyranni expuit, vt nihil agere se scirent tormenta, etsi vltra perseuerarent.

Produci potest & illa solemnitas apud Lacedæmonios longè maxima, quæ flagellatio dicitur. In cante ante aram nobiles quique adolescentes flagellis affliguntur astantibus parentibus, & propinquis, & vti perseuerent adhortantibus. *Ornamentum enim, & gloria deputabitur, maiore quidem titulo, si anima potius cesserit plagis, quàm corpus:*

Produci deniq; potest (ne omnes

M

con,

Ad eam porro duritiam quā surgit, ac construitur virtus, formantur Martyres non carne, sed spiritu, illa enim infirma, hic firmus est. Timet caro gladium grauem, & crucem excellam, & rabiem bestiarum, & summam ignium penam, & omne carnificis ingenium in tormentis. Sed spiritus contraponit sibi, & carni, acerba licet ista, à multistamen æquo animo excepta, imo & vltro appetita famæ, & gloriæ causa; & quidem illius, quæ tenues vanescit in auras, & mortalis vitæ studio clauditur: quo in genere produci potest Lucretia, quæ vim stupri passa, cultrum sibi adigit, vt gloriam castitati suæ pareret.

Asdrubalis vxor, quæ iam ardente Carthagine cum maritum, suum supplicem Scipionis videret,

vnà

vnà cum filijs suis in incendium patriæ deuolauit.

Meretrix illa Atheniensis, quæ conscia coniurationis cū propterea torqueretur à tyranno, & non prodidit coniuratos, & nouissimè linguam suam resectam in faciem tyranni expuit, vt nihil agere se scirent tormenta, etsi vltra perseuerarent.

Produci potest & illa solemnitas apud Lacedæmonios longè maxima, quæ flagellatio dicitur. In eâ ante aram nobiles quique adolescentes flagellis affliguntur astantibus parentibus, & propinquis, & vti perseuerent adhortantibus. *Ornamentum enim, & gloria deputabitur, maiore quidem titulo, si anima potius cesserit plagis, quàm corpus:*

Produci deniq; potest (ne omnes

M

con-

confecter, quod longum esset) Mutius qui manum suam dexteram in arâ cremavit, vt hoc factum eius fama haberet.

Quod si tantum terrenæ gloriæ licuit de corporis, & animi vigore, vt gladium, ignem, crucem, aliaq; tormenta contemnerent, mortales sub præmio laudis humanæ: quid licebit ad consecutionē gloriæ cælestis, ac diuinæ? *Si tanti Vitream, quanti veram margaritam? quis pro vero non tantum habeat erogare, quantum alij pro falso?*

Certè hæc vna cogitatio, & patientis cæli, ceu mercedis aspectus, Martyribus animos addidit, ad audendum, ad patiendum quidlibet.

Atque etiam nobis addere debet, ne in supremo Iudicij die, cum orbis cum orbe componetur, &
cum

cum Gentili etiã Christianus, merito cõfundamur. *Si reformidauerimus pati pro Veritate in salutem, quæ alij affectauerunt pro vanitate in perditionem.*

§. 10.

*Effusa Martyrum etiam in tormentis
latitia, atque exultatio.*

PRO copius inuictus Christi pugil Mutio illo longè superior thus manu accipere, illudq; subiectis prunis ardētibus sustinere iussus, vt si fortè dolore victus dextrã inuertisset iniectis in ignem suffitibus, Dijs litasse videretur. Ea tyranni vis, ac dolus fuit, quem probè elusit vir sanctus, manum quippe immotam lento igne aduri passus, ne qua maledicentiæ daretur occasio: ac ne vox, ne animus deesse videretur,

M 2

deretur, interea dum arderet, stillaretq; manus, accinebat illud Dauidis. *Tenuisti manum dexteram meam, & in voluntate tua deduxisti me, & cum gloria suscepisti me.*

Has inter voces, sacrumq; cantum, fortè Procopio ex oculis lacrymula decidit, & molli lapsu genas irrigauit, quam vt vidit Præses, ratus euiçti iam animi, & doloribus cedentis indicium esse, non sine scommate petulantius illud ipsum obijcere cœpit: cui gloriosus Christi Martyr, etiam in tormentis ludere doctus, *nec mirum est*, inquit, *etiam lutum cum igni admouetur, sudat*; quasi diceret: corpus hoc mortale quod circumfero, mihi pro luto, quod cum aqueo humore compactum sit, quid adeo mirum est si paululum exsudat, stillatque?

ita

ita liberali, pioque loco hominis
 petulantiam coercuit, docuitq; la-
 crymas sudorem esse, non moeren-
 tis animæ (vt nonnulli voluere) sed
 quandoque, & sæpius à gaudio ex-
 ultantis.

Hil. 10.
 de Tri-
 nit.

Testes appello, voloque Marty-
 res, qui ex illo impete, sacroq; æstu
 gestientis animæ, ad supplicia, ad
 ignes, ad cruces, ad mille mortes
 ultro deuolarunt, & in ijs mirum
 quantum exultarunt.

Fœlicianus acceptâ iam capitali
 sententiâ adiecit illud. *O quam iu-
 cundos dies annuncias octoginta iam
 annis expectatos.*

Nestor Pergæ Episcopus, non
 minus à genere, quam à virtute no-
 bilis, cum in equuleo etiam ad spe-
 ctantium horrorem, lacrymasque
 torqueretur; non lamentabili voce,

sed amœnâ, sed hilari, & gaudia
iam, cœlestesque delicias spirante,
dixit. *Benedicam Dominum in omni
tempore, semper laus eius in ore meo.*

Cumque ei Præses specie aliquâ
commiserationis ingeminaret sæ-
pius illud, vt sese tormentis exime-
ret, obiecit istud dignum cedro.

*Cum Christo semper fui, & sum,
& ero.*

Ac ne sola vocibus illis esset fi-
des, è cruce pendens ad subiectam
turbam verba faciebat, fidei plena,
atque caritatis.

Eiusdem animi fuit Eusebius,
qui cum nervis distraheretur, igne
torreretur, plumbatis cederetur, ex-
cisâ linguâ, trepidantibus ad mira-
culum tortoribus, orabat.

*Gloria tibi Domine Iesu Christe,
qui me dignatus es seruis tuis ad glo-
riam adiungere.*

Nimirum inuictis illis Heroibus
 pati, morique, & gloriæ fuit, & vo-
 luptati.

Ita S. Victor, non nomine tan-
 tum, sed & re etiam ipsâ victor te-
 statum voluit, cum enim à tortore,
 qui nervos equulco laxarat, etiam
 secretis naturæ partibus feruens o-
 leum infunderetur: quasi affuso hu-
 more, suaviqûe lymphâ ad tyran-
 num iactavit illud. *O quam suave
 est hoc, sicut aqua sitibundo.*

Si quæras vnde illa suauitas, il-
 lud in æstu refrigerium etiam con-
 tra naturæ vim, ac tormentorum?
 probè intelliges fluxisse ab animo,
 qui eo loci, ac temporis, omnibus
 lætitijs incessēbat, à quibus etiam
 Petrus, qui Diocletiano à cubiculis,
 ac secretis fuit, in igne, medijsqûe
 flammis, quasi in rosis expiravit. Ac

ne putes eos altioris animę spiritus
in viros tantũ cecidisse, martiumq̃;
genus : multas videbis è fœmineo,
molliq̃ue sexu, quæ etiam vltro in
ignes, ac rogos insilierunt breuioris
æui, vitæq̃; prodigæ, & ad beatam,
nunquamq̃ue finiendam æternita-
tem aspirantes.

Et hæc præclara magnarum mien-
tium facinora loquitur omnis ætas,
à quibus etiam ad eos venio, qui-
bus lætitiæ, vocisq̃ue exultabundæ
finē ne mors ipsa quidem attulit,
à quâ tamen altum silere solēt om-
nia. Atque vt vetera taceam, ad ea
de labor quæ quia recentioris sunt
memoriæ lectori beneuolo acci-
dent gratiora.

In Orientali Indiâ, quæ hac no-
strâ ætate plurimos Ecclesiæ Mar-
tyres parit, sub annum Christi mil-
lesimum

lesimum sexcentessimū vigesimum
octauum terris viuere desijt & cœ-
lo cœpit inclytus è Societate Iesu
Martyr, P. Rochus Gonzales.

Excoluerat ille summâ cum opi-
nionē sanctitatis, & labore sanc-
magno barbaras illas nationes, à
quibus tandem totis ceruicibus fer-
rum hausit, & vitam amisit: sed
quod in eo mireris resecto iam ca-
pite per ipsum cor eloqui audi-
tus, & clarâ, expeditâque voce abire
in Dei sui laudes: truncum erat cor-
pus, ab eoque reuulsum caput il-
lud quod fuerat officina altissima-
rum de Deo cogitationum; muta,
atque emortua conticescebat lin-
gua; at cor ipsum minimè mu-
tum, & silens: sed sonorum, & fa-
cundum excessit in Creatoris sui
laudes, & ignes amoris, quos olim

M s

con-

conceperat, etiam post fata emisit. Adeo liberalis & effusa Martyrum lætitia, vt etiam post fata spiret in exanimi corpore; cui affine est & illud, quod memorat P. Marcellus Mastrilli, in suâ illa Indica peregrinatione, quam S. Xauerij nutu foeliciter suscepit, atque ex eiusdem auxilio peregit foelicius: tandemq; etiam foelicissimè conclusit: fuso Christi causa sanguine.

Refert ille duos è Societate Iesu in Iaponia Martyres, non in supplicijs modo, quæ fuerant atrocissima, sed etiam post mortem hætenus inaudita, & stupenda lætitiæ argumenta edidisse.

Martyrio affecti diuersis in locis, discreti quidem corpore, non tamen animo: longè enim ante prædixerant tortoribus se eadem pariter

ter horâ , è vitâ Dei causâ migraturos: prædictioni respondit euentus, non sine alio , & quidem mirabili prodigio, cum enim corpora ad sepulturam eundem in locum comportarentur, ad mutuam præsentiam sese salutarunt , & collocuta sunt, perinde ac si viua fuissent, non sine stupore astantium, & amabili cæli prodigio.

Si ex me scisciteris , quæ fuerint illa Martyrum colloquia? quæ voces? quæ gratulatio? audies eam fuisse de gloriâ, ac beatitate, quâ modo fruebantur in cælis fœlices animæ, de tormentorum breuitate, pretioque generosæ mortis, à quâ sibi adiutum fecissent in æternitatem. Iactabant nimirum illud quod in vitâ Paulus Gentium Apostolus.

Non sunt condignæ passionēs hu- 1. Rom.
8. v. 18.

1115

Serm. 2.
de Feste
SS. om-
nium.

ius temporis ad futuram gloriam, quæ reuelabitur in nobis. Si quotidie, inquiebat Augustinus, oporteret nos tormenta perferre, si gehennam ipsam paruo tempore tolerare, ut Christum videre digni essemus venientem in gloriâ, & Sanctorum eius numero sociari, nonne erat dignû pati omne quod triste est, ut tanti boni, tantæq; gloriæ participes haberemur?

In arenam euocat Augustinus, *omne quod triste est*: seu illud esse voles paupertatis angustias, & sordes, seu aceruum cumules iniuriarum, seu corpusculi huius afflictiones, morbos, vulnera, ferrum, ignes, catastas, cruces, mortemque ipsam per extrema supplicia exigendam: illud, inquam, omne heroicâ mente proritat, deuocatque ut
cum

eum co certet, qui gloriæ, ac beatitudinis fuerit candidatus, audetq; polliceri, vt hic omnibus illis superior euadat: adeo potentes sunt stimuli gloriæ, ac beatæ æternitatis, quam animo dum legit D. Franciscus, percitus æstu quodam voluptatis, exclamat.

*Tanta est gloria quam expecto,
ut omnis me pœna delectet, omnis
morbus, humiliatio omnis, persecutio
omnis, mortificatio omnis.*

Delectet, inquit Franciscus, quia animo, cui terra est in postremis, & cælum in primis curis, volupe est pro hoc adipiscendo quidlibet & agere, & pati.

Hinc ea vota, & piæ querelæ S. Gordiani Centurionis, fortissimi Martyris, qui dū omni propè suppliciorum genere cruciaretur, aiebat

bat nihilominus. *Damno se affici, quod nō sapius mori pro Christo posset.* Nimirum ei satis non erat vel vna vita, spiritusque, plures optasset vt eos Dei sui causâ profunderet, & hoc quidem excitatus vel vna spe cœlestis gloriæ; quâ etiam olim vsus est opportunè Pusices Medicus vt Ananiam senectâ debilem, & ad obiecta tormenta trepidantem animaret, hac vsus oratione. *O senex paulisper oculos claudere, & æterna vide.* Claude, inquam, oculos terræ, & huic vniuerso aspectabili; & cælis aperi, illique gloriæ, quam nec oculus vidit, nec auris audiuit, nec in cor hominis ascendit: vbi illi præmio, ac laureæ, mentis, atque intelligentiæ oculos recluseris, in equuleos, in catastas, in cruces, in rogos, in mortes ibis: hoc vno beatus,

1. Cor.
#. 9.

tus, quod cælo teste, Deo iudice, ac remuneratore patiaris.

§. II.

*Qui filium , Ciuum suorum libertati
immolat : nã ille fortis.*

NEque mei consilij , neque huius exigui operis est , vel antiqua commemorare, vel vnum veluti in fasciculum cogere ea fortitudinis exempla, quæ omnis prope spectauit ætas , sed è multis vnum producere, quod quia recentioris est memoriæ , Lectori beneuolo gratius accidet.

Aluit Hispania deuotum patriæ pectus , Regique suo in paucis fidum : is Alfonsus fuit , Cartheiæ Dux fortissimus. Eum olim obsederant Mauri , & iam sæpius qua pollicitationibus , qua minis , qua
etiam

etiam armis, & impete facto ad deditionem sollicitarant. Ille Hispanæ fidei, animique tenax, omnes deditionis leges respuere, fugere, auersari. Interea filius, qui ei erat vnicus, dum forte imprudens, & incautus elabitur, hostiumque agros pererrat, in eorum manus incidit. Hic exultare Mauri, iamque de Cartheiâ actum credere: captium adolescentem bellico plausu, ac clamore circum moenia ducunt, patri ostentant, minanturque nisi urbem dedat acturos se nati in viscera ferrum. Quid hic agat infœlix parens? si urbem hosti tradat, in patriam impius, in Regem erit iniurius; si neget, in filium crudelis videri poterit; maluit tamen in filium durior, quam in Regem minus fidus videri. Itaque patrem exuit,

exuit, & ducem induit, toruoque
lumine Mauros despectans.

Mene, inquit, deterrere putatis.

*Venales animæ, & Dominos mu-
tare paratæ?*

*Si me fecisset proles centena pa-
rentem.*

*Staret, & hostili natorum turba
sub ictu;*

*Nil me præterea recti de trami-
te flectant,*

*Exarmentæ ducem lacrymæ,
mortesq; meorum.*

*Hæc dicens subito vaginâ libe-
rat ensen,*

*Elatoq; minax: rabies si tanta
cruoris,*

*Ferrum, ait, accipite: & fer-
rum de mœnibus altis*

*Proiecit pater, inde suos, & te-
sta reuiscit*

N Securus

*Securus potuitq; paratæ accumbere
mensæ.*

Hæc Alfonsi constantia primo
Mauros attonitos habuit , ac dein
irâ, ac furore præcipites in miseri a-
dolescentis vulnera, & cædem egit.

It cœlo barbarorum clamor, &
ciuium è mœnibus comploratio.

*Et ferrû in Venas pueri nil tale
merentis*

*Et frustra palmas ad mœnia no-
ta leuantis*

*Immergunt , donumq; patris in
viscera condunt.*

Interea

*Euocat Alfonsum fragor, atq; in
mœnia currit,*

*Et nati aspiciens letho languen-
tia membra,*

*Quanquam animo redit vsque
parens, tamen exuit illum*

Dux

*Dux melior, ciuesq̃ obiurgans,
hoc erat inquit,*

*Quod veluti captâ complor au-
stis in urbe,*

*Vosq̃, puerq̃ meus casu pendetis
ab uno?*

*Illum ego nutribam patriæ, iam
reddidi & urbi.*

*Hæc reor infestum placabit vi-
ctima Numen.*

*Dixit, & extemplo ad conuiuia
nota recurrit.*

*O ingens anima, ô fato insupera-
bile pectus*

Vicisti patria, vicisti, & omnes
seu blandientis naturæ illecebras,
seu ferocientis hostis impetus supe-
rasti. Ita nimirum æquum est, vt
se patrem nesciat, quisquis ducem
esse nouerit; nec naturæ, natisque
pareat, quisquis Regi, patrięque pa-
rere didicerit.

§. 12.

De Civili morte , siue exilio æquanimiter tolerando.

DE hoc argumêto multi multa ex naturâ , ratione , historijs , omnique penu eruditionis , ego meo more pauca , & quidem primum quid sit exilium , tum quæ in eo graua esse videantur , aduersum quæ depugnare debet fortis , & generosus animus.

De Cō-
fol. ad
Heluiā
c. 6.

Exilium , inquit Seneca , *Loci commutatio est* , quæ id affert acerbis , quod quisquis est exul , carere debet Patriâ , quod incommodi genus , vt qua licet , eleuet , ac minuat ; liquido ostendit , è mortalibus plerosque non tam necessitate , quam voluntate , sua carere Patria , adeoque etiam exulare.

Aspice,

Aspice, inquit, hanc frequentiam, cui vix vrbis immensa tecta sufficiunt. Maxima pars illius turbæ Patriâ caret. Ex municipijs, & Colonijs suis, ex toto denique orbe terrarum confluxerunt. Alios abducit ambitio, alios necessitas officij publici, alios imposita legatio, alios luxuria opulentû, & opportunum vitij locum quærens, alios liberalium studiorum cupiditas, alios spectacula. Quosdam traxit amicitia, quosdam industria, latam ostendendæ virtuti nacta materiam; quidam venalem formam attulerunt, quidam venalẽ eloquentiam. Nullum non hominum genus cõcurrit in vrbem & virtutibus, & vitij magna pretia ponentẽ. Hæc ubi produxit Philosophus, tum illud ad extremum conficit, nullum

esse exilium in quo non aliquis animi causâ moretur, addamus & virtutis, quæ quandoque & sæpius ab ipsâ necessitate ingens sumit incrementum, pluraque dat sui vel documenta, vel exempla in exilio, quam in patriâ. At inquires tria in illo videri possunt grauissima.

Primum est, quod exul cogatur extra patriâ viuere. Alterum, quod inde consequens est, patrijs honoribus carere. Tertiū denique, quod etiam necessarijs destitui.

Prima ratio homini, cui bene sedet animus, inanis est, & vacua, nam omne solum viro forti patriâ, ideoque rectè Socrates mundanus dici, & esse volebat, & certè valet, quisquis se ipse spectabit, & mirabitur, vt enim Seneca, quo in hoc opere liberalius vtor. Magna, inquit,

inquit, & generosa res est humanus animus. Nullos sibi poni, nisi communes, & cum Deo terminos patitur.

Primum, humilem non accipit Ep. 112.
Patriâ, Ephesum, aut Alexandriam, aut si quod est etiamnum frequentius incolis, latius tectis solum. Illi patria est quodcunque supernè, vniuersa, circuitu suo cingit. Hoc omne conuexum intra quod iacent maria cum terris, intra quod aër humanis diuina secernens, etiam coniungit, intra quod disposita tot Numina in actus suos excubant; christianè dixisset illud omne viro forti patria, intra quod Numen in eius actus excubat, vt deinde ab exilio, meliore, id est cœlesti patriâ, donet; & quia hanc attendit, ad hanc suspirat, & totis animi viribus

anhelat generosus Christi Athleta,
ideo exilium ne de nomine quidē
nosse se fateri volet.

Vadem habeo Basilium Mag-
num, qui D. Gregorij Nazianzeni
ore, linguaq; Valenti Præfecto exi-
lium minanti sic loquitur.

Orat.
20. nū.
24.

*Exilium haud cognosco, qui nul-
lo loco circumscriptus sum, ac neque
hanc terrā, quam nunc incolo, meam
habeo, & eam omnem, in quā proie-
ctus fuero, pro meā duco; imò ut re,
etius loquar, vniuersam terrā Dei
esse scio, cuius aduena ego sum, &
peregrinus.*

Et quia Dei est vniuersa terra,
hinc etiam suam esse credit; quis-
quis ei vni se commiserit, senseritq;
sua esse quæ Dei, ad quem ut adue-
na, & peregrinus celeri cursu con-
tendit.

Neque

Neque porro maioris momenti erit secunda ratio apud prudentem, qui solidos honores, non in hominum oculis, in aulæ gratiâ, in principum fauoribus collocatos esse nouerit; sed in vna virtute, quam secum circumfert ipse, quocumque tandem eum vel fortuna iecerit, vel aduersariorum vis, atque potentia detulerit.

Hinc Varro Romanorum doctissimus, aduersus incommoda, quæ exilio adhærent; hoc satis esse putabat remedij, quod liceret in exilium euntibus virtutes suas ferre secum, quo etiam respexit Seneca, dum ait.

Dic quæ pulcherrima sunt, quocumque nos mouerimus, sequentur natura communis, & propria virtus.

In consol. ad Heluiam c. 8.

Nec denique mouere quemquam
N 5 debet

debet postrema ratio, quæ in exilium abeunti proponit domesticæ rei angustias, paupertatis sordes, incommoda, quæ ad sapientis animum appellent quidem, ceu fluctus aliqui in hoc æstu vitæ mortalis, at cum non tangent, nedum concutient, & de suâ sede dimouebunt: Scit enim vt antiquum illud, ita verissimum. *Necessariis rebus exilia sufficiunt, superuacaneis, nec regna.* Animus est qui diuites facit. Hic in exilia sequitur, & in solitudinibus asperrimis cum quantum est sustinendo corpori inuenit, ipse bonis suis abundat, & fruitur. Pecunia nihil ad animum pertinet. Lapidēs, aurum, & argentum, & magni, leuatiq̃ mensarum orbēs terrena sunt pondera, quæ non potest amare sincerus animus, ac naturæ suæ

suę memor; & quia amare non potest, ideo neque de illis ereptis impotenter dolere.

Demus aliquod in hoc genere christianę fortitudinis exemplū, S. Meletius Patriarcha Antiochenus malis artibus, doloque insolenti hæreticorum Arianorum à Valente Imperatore exilio damnatus est. Quod ubi in vulgus spargi cœpit, illico totius populi commouit animos, & confertam ciuium turbam in plateas, in compita, in forum exciuit; it cęlo ingens clamor, & quā amore, quā dolore, quā etiā ira concitatae alię atque alię voces, quas inter auditę & istę: certum esse, statumque omnibus potius mori, ferroque dare obuia capita, quam permittendum vt à suis ouibus bonus Pastor, à suā Ecclesiā

Chry-
sostom.
hom. de
S. Me-
letio.

Præ-

Præfula uelleretur. Dum ea pro foro iactantur, & omnium aures, animosque pulsan, vrbis gubernator, veritus populi tumultuantis impetum, vimque iam paratam, atque imminentem, ut eam vel falleret, vel eluderet, ad Præfulis ædes aduolauit, eumque clam, suam ipsius rhedam conscendere iussit: ratus eâ ratione ciuibus inscijs abduci posse, secus tamen euenit: ut enim in omnes occasiones intentus est amor, timorq; plenus suspicionis, & bene oculatus, deprehendit illico Episcopum eadem cum gubernatore rheda vehi, & citato cursu in exilium deportari. Fit populi concursus, fit clamor, fit comploratio, & inter muliebres eiulatus, ac lamenta à pueris, ab adolescentibus, à viris, ab omni ordine, sexuque

sexuque ad saxa, ad lapides itur, &
 grandinis instar petitur, ac prope
 obruitur scelestum caput. Quid
 hic putatis fecisse Meletium? potuit
 illico exilire rhedâ, suisque filiis pa-
 rens optimus reddi; potuit impiû
 Præsidem inter saxa, mortisque te-
 la deferere, obruendum sine dubio,
 & densa inter iacula, lapidumque
 aggeres tumulandum; non fecit
 tamen; sed potiùs inaudito à sæcu-
 lis seu patientiæ, seu caritatis exem-
 plo, surrexit ipse, & gubernatorem
 saxis vndiq; impetiturum arctè cin-
 xit, amplexatus est, togaque suâ in-
 uoluit, ac celauit, hacque ratione
 præsentis periculo eripuit: Etsi enim
 in iustas iras, vindictamque arsisset
 populus, manusque leuasset ad ia-
 ctum, sustinuit tamen ne forte ab-
 errante saxo, manuque iaculantis,

Episco-

Episcopus ipse vel leuiter tangere-
 tur: Interea temporis concitatis e-
 quis trahitur, vrbe educitur, & in
 exilium raptatur, non tam impe-
 rantis necessitate, quam pronâ vo-
 luntate obedientis, qui etiam in cū
 à quo per summum nefas, in para-
 tam exilij sedem vehebatur, bene-
 ficus esse, ac videri voluit, vitamq;
 illi donare, à quo licet innoxius dā-
 nabatur, ciuili morte, hoc est exi-
 lio. Vt inde noueris viro forti, verè-
 que Christiano pluris fuisse poste-
 ris dedisse documentum aliquod,
 & exemplum seu insignis patien-
 tiæ, seu inusitatæ caritatis, quam si-
 bi, suisque restitutum in patriâ, in
 oculis, in amoribus, in suorum ci-
 uium, filiorumque sinu reliquam
 vitam exegisse. Hęc animo memo-
 ri reconde, hæc sæpius apud te me-
 ditare,

ditare, quisquis fortè patrij, soli fumique amantior, exilij incommoda, damnaque pertimescis, ac fugis: non eâ curâ isthæc declinaturus, si tibi cælum patria foret, & terra exilium.

Sed inquires, est istud magni Præfulis, & sanctissimi Herois facinus: non omnibus eadem mens, idem animus, inditâque à Superis constantia. Non abnuo, verum, ne inde tibi blandiaris improbè, credasque subinde licere à virtute, & fortitudine discedere, ne discedas à patriâ: tibi sub oculos pono illustre Scipionis facinus, qui cum in eas angustias reductus esset, ut vel Romam deserere, vel eius libertatem premere cogeretur, sibi ipsi exilium indixit, his apud Senecam verbis.

Nihil volo derogare legibus, ni- Ep. 86.
hil

*hil institutis , æquum inter omnes
ciues ius sit ; Vtere sine me beneficio
meo Patria, causa tibi libertatis fui,
ero & argumentum ex eo , si plus ,
quam tibi expedit, creui.*

Hæc dixit, fecitque Scipio, nihil
legibus patrijs, nihil antiquis insti-
tutis derogatum vnquam voluit,
& tu qui Christianus esse & habe-
ri voles, quandoque iustitiæ, diui-
næ legi, ac virtuti aliquid decedere
patieris, ne tibi à patrijs laribus, fo-
cisque commodi aliquid decedat ?
non voles certè si is es, qui esse po-
tes, ac debes.

LIBER



LIBER SECVNDVS.

PROOEMIUM.

*Quid sit, & quotuplex
iniuria?*

VLpiano, *Iniuria est omne id quod sine iure fit.* Ea alia est, L. I. ff.
de iniu-
rijs &
fam. li-
bell. atque alia: quædam enim verbis irrogatur, quædam rectiam ipsa, illa sæpe nuda est, & absque damno (nisi damnum esse velis aculeum linguæ, qui plerumq; plus punit, ac lancinat quam ipsa ferri acies.) Hæc verò quæ in facto est posita, vel inuolat in fortunæ bona, vel famam, & honorem impetit, vel in ipsam corporis molem incurrit, eamque male afficit: nec illam tantum, sed & animam quoque ferit, &

210 DE FORTITVDINE

& nisi caueas, etiam perturbat. Solent enim ab illata iniuria nasci affectiones variae, ac primum quidē Ira, (quæ est *ebullitio sanguinis circa cor*) à quâ deinde multæ excitantur passiones, cæque subinde bonæ, & conformes naturæ ac rationi: subinde etiam malæ, atque difformes.

In bonis censeri potest zelus aliquis Iustitiæ ad coercendam nimiam, & insolentem male dicendi, agendique licentiam. Verè enim, vt *magna illecebra peccandi, est impunitatis spes*: ita nimia in facinorosos lenitas, in bonos crudelitas est: ne porro sit aut hæc, aut illa, bene prouidet, atque prospicit ardo. quidam igneus exercendæ Iustitiæ, debitæque in sceleratos ultionis: in qua tamen seruari imprimis

Cicero.

Lægius.

primis velim illud Lactantij Firmiani.

Surgamus ad vindictam, non quia laesi sumus; sed ut disciplina servetur, mores corrigantur, licentia comprimatur. De ira Dei.

Et hoc D. Gregorij monitum.

Ira in vindicta malorum sequi rationem, non præire debet. Ep. 9.

Et quia quandoque, & sæpius aliter omnino fit, etiã evenit illud, *ut in vlti-* 32. mor.

scendis iniuriis, sæpe crudelitas fit, & tamen Iustitia putetur. Ita nimi-

rum nobis illudimus improbè. Verum enim in natura deprauata i-

stud Cornelij Taciti. *Gratia queri, vltio in quæstu habetur.* Histor. l. 3.

Ne porro habeatur, nobis erit in hoc Opusculo ad laborandum.

CA-



CAPVT I.

*Iniuriarum tolerantia, eximius
actus Fortitudinis.*

PRimo libro explicui ea fere
mala, quæ nobis vitio vnius
culpæ naturâ imposuit; duraque
nimium necessitas: hoc autem e-
ducam ea tela, quæ aduersa homi-
num vis, ac malevolentia in nos
euibrat, ijsque vel excipiendis, vel
etiam retundendis opponam scu-
tum Christianæ fortitudinis, co-
teris beneuole Lector.

De iniuriâ quæ solis verbis infertur.

EAcuiuspiam fortasse leuior vi-
debitur, qui verba tantum
ponderabit, & sonum, quo inanes,
& innoxia vapulant auræ: non est
tamen

tamē ex vero levis, quæ voce etiam solâ ad aures iniuria appellit.

Testis erit Bernardus grauis morum censor, & huiusce disceptationis arbiter: censet ille ingentem esse linguæ aculeum, lanceâ, clauoque duriolem, illum in scriptis loquentem audiamus.

Serm.
de 3.
custod.

Levis, inquit, res sermo, quia leuiter volat, sed grauit̃er vulnerat: leuiter trãsit, sed grauit̃er vrit: leuiter penetrat animum, sed non leuiter exit: profertur leuiter, sed non leuiter reuocatur: facillē volat, atque ideo violat caritatem; facillē lingua labitur, nec minus facillē illabitur cordi; & ei mirum quam immane vulnus infligit; vulnus certē quod grauius eo sit, quod à vi, manuque violentâ passus fueris.

Appello ad ipsa Iobi tempora,
in-

infirmamque patientiam, quæ fortunis orba, & prolibus, quæ toto corpore faucia vocem tenuit, altoque silentio dolorem compressit: sed à linguæ iaculo sese continere non potuit, quin erumperet, & iniustas querelas, gemitusque elaberetur: nimirum fortiora linguæ iacula, quam ferri: ab illis impetitus ita gemit mortalium omnium patientissimus.

Iob. c. 19.

v. 2.

*Vsquequo affligitis animam meam,
& atteritis me sermonibus?* in ædium ruinâ erectus stetit Iobi animus, è charissimorum pignorum strage, ac tumulto superior euasit, à corporis vniuersi lanienâ quati potuit, non concuti, nedum atteri: at quod mireris, atteritur sermonibus: tanta vis est in linguâ, tanta in maledico dente acies, quæ hominem

nem ipso ferro teri nescium, atterat ipsa, penitusque consumat.

Ita ut, inquit Origenes in illa Iobi verba, *Sæpenumero qui corporis cruciamenta toleravit, non passus est verba*; cui consentit D. Ambrosius, ubi de Iobo quæstio incidit: *Amiserat, inquit, Iob omnia sua: patiebatur vulnera caro eius: manebat ut tentationes verborum vinceret: nihil enim sic penetrat animam, sicut sermo fucatus, nihil iterum sic mordet, ut durior sermo, multi cum vicerunt adhibita tormenta, sermonum duritiem non sustinuerunt.* Hactenus ore ambrosio magnus Præsul, cuius ea verba multum habet momenti, ac ponderis. Manebat Iobus, *ut tentationes verborum vinceret: si crudelem corporis carnificinam, si fluentem*

Lib. 2.
de In-
corp. in
Iob c. 3.

tem vndique saniem, si hiantia vulnera spectasses: non hominem, aut è viuis vnum aliquem credidisses, sed exutam suâ pelle feram, sed spirans cadauer credidisses, è quo veluti è malo, indignoq; tanta mente hospitio erupisset, euolassetque anima, nisi etiam tum in eâ statione morari debuisset, vt quæ cœtera vicerat, etiam verborum tentationes vinceret, tanquam extrema hostis tela, contra quæ opus ingenti robore, neruoque arduæ mentis; quam explicabis tum opportunâ, molliq; responsione, tum verò vel maximè silentio.

Siei, qui tibi verbis insultat improbè, tu verbulo feceris satis; dabis insigne patientiæ documentũ, maius quandoq; quam si profundo silentio conceptos animo motus oppresseris.

Ita quondam Seruator optimus, militi sibi obijcienti insulsum illud, & immane, *sic respondes Pontifici?* utq; linguæ consentiret manus, alapam per summum nefas, impingenti adiecit illud: *si malè locutus sum, testimonium perhibe de malo; si autem bene, quid me cædis?* Ioānis 13. v. 23.

Exemplo fuit illud, ac documento; quo monentur posterij; verbis quandoque verba reddere, illatam iniuriam blandè diluere, & quasi è sinu mentis, ore diducto emittere.

Mortales inter, quibus in vindictam prona mens, & præceps manus, silentio sæpe nutritur ira, diuq; clausa magis efferuescit: ideoque suadendum plerisque ut per amantia verba, mitesque querelas elabifiniant, atque evanescere.

Id si fecisset olim Absalom, in fratricidium aliquando non erupisset. Is acceptâ insigni iniuriâ à fratre suo Ammon, totû biennium tacuit: & vt Scriptura notat. *Nec locutus est ad illum bonû, nec malum.*

2. Reg.
6. 3. v. 12.

Silentium illud adeo diuturnum patientiæ ascribi non debuit, sed impatienti iræ, odioque quod assurgebat magis, quo diutius premebatur: & verò ita tandem assurrexit, vt in fratris cædem euaserit.

Non sic ex rationis lege, Christi-
que placito, tacere iubemur, vt silentium sit potius tacita quædam vindictæ meditatio, quam iniuriæ remissio: ad hanc etiam spectant mollia, & amica verba; quibus etiâ suis in parabolis vsus olim Seruator, *aduersus quem loquebantur*, vel (vt legit Euthymius) *nugabantur*,
qui

Ps. 68.
v. 13.

qui sedebant in portâ, hoc est Iudices, qui in portis vrbium iudicia exercebant; quos etsi instruat, carpatque suis in parabolis, amicâ tamen semper voce compellat.

Sic ad eum, qui nudus à veste caritatis nuptiarum locum ingressus fuerat, ait, *amice quomodo huc intraisti, non habens vestem nuptia-* *Math. c. 20. v. 12.*
lem?

Amicum appellat, ab invidiâ, ab immani scelere & sibi, & Deo Patri inimicum: imò non amicum tantum, sed & indulgentiori voce: filium, aut filiam: ita enim ad peccatores Deus ore Sapientis.

Sicut lilium inter spinas: ita amica mea inter filias: hoc est interpretum iudicio: sicut lilium inter spinas, sic iustus inter peccatores: prodigio sane diuini amoris, ac patientiæ,
O 3

tientia, quæ iustos amicos: peccatores etiam filias amantiori nomine cōpellat, vt quod sentire, quod loqui debemus, & verbo doceret, & exemplo.

Et hoc primum esto remedium aduersus insolentem linguam, eiusq; iacula, addo & alterum; quod in secretâ silentij lege positum; & eximia cuiusdam patientia est argumentum; quod vel ab ipso supremo Numine petendum; eius calamo, voceque ita quondam Isaias. *Tacui semper, silui, & patiens fui.*

c. 42.
v. 14.

Pusilli mortales hoc orbe luteo sparsi, capita sæpius erigunt, cælis insultant; & impudenti ore, blasphemâque linguâ & superos omnes, & Deum ipsum lacesunt: tacet tamen ille, & profundo silentio,

tio, illatas Majestati suæ iniurias inuoluit: & hoc vno vel maximè humanâ maiorem patientiam ostendit.

A Deo secundus generis nostri Seruator, & hic vt Prophetæ verbis vtar. *Cum malediceretur non maledicebat; cum pateretur, non comminabatur.* 1. P. c. 2. v. 23.

Impia, excors Iudeorum turba; maledicâ voce Christum impetebat, & immanis Gentilium cohors, in corpus innoxium crebro verberæ sæuebat: manabat vndique per vulnera sanguis, & à capite ad calcem nil nisi vulnus erat: quid inter tot supplicia, crudelemque laniationem Deus homo? Isaia vaticinio paucis excipe: sic ille ore præfago iam inde à primis sæculis.

Quasi agnus coram tondente se c. 53. v. 7.

obmutescet, & non aperiet os suum.

Quod de eo verbis expresserat Propheta, hoc deinde etiam ipsa reddidit, quæ in vitâ, quæ in morte. In illâ quidem, cum sæpius importunè argueretur à Iudæis: *relictis illis* abibat in silentio; quia vt difer-
tè notat author operis imperfecti.

Matth. 21

Hō. 28.

Malum hominem melius locum dando potest aliquis vincere, quam respondendo; quia malitia nō instruitur sermonibus, sed excitatur. Et ideo Dominus recedendo compescere studuit, quos respondendo non compescuit. Et hæc patientiæ exempla totius vitæ series exhibuit, maiora mors ipsa, quæ virtutum, æuique scenam clausit: in eâ stetit tanquam
surdus ad audiendas iniurias; tanquam mutus ad recipiendas.

Pj. 37.

Atrox illa fuit contumelia, quæ
 ei

ci quondam in Herodis oculis illata, ad eam tamē ne verbo, vt maximē poterat, respondit. Quia vt doctē notat Tertullianus. *Saginari* Lib. de Patientia c. 3. *voluptate patientiæ discessurus volebat* : erat enim uero post diem abiturus è vitâ, in quâ quantum licuerat, se ipse patiendi ardore refecerat atque recrearat: at eodem in extremo vitæ limine, mortisquē articulo *saginari volebat*, vel ipsâ *voluptate patientiæ*, à quâ etiam triumphum retulit, de quo Ambrosiana eloquentia.

Christus calumniis impetitus silentium detulit triumphale : hoc si ames, & ambias, eandem etiam tibi silentij legem impone: Christum imitare, & eum, qui ex vero iustus est; de quo etiam Ambrosius. Serm. 17. in ps. 118.

O s

Iustus

*In ps. 37. Iustus accusatus tacet, læsus re-
mittit, dissimulat laceßitus: quia vt
ille ipse melleus Doctor. bonum est
In psal. 118. ferre conuitium, & conuitium non
referre.*

§. 2.

*De iniuriâ quæ fortunæ bona dissipat,
atque euertit.*

FORTUNA quibusdam mortali-
bus est mater, alijs nouerca: il-
lis plenâ manu fundit opes, & au-
ro gazas opplet: his concessa bo-
na eripit, & ab amplissimis facul-
tatibus ad extremas paupertatis for-
des abiicit, quod quandoque casu,
quandoque etiam hominum ma-
leuolentiâ solet euenire. Ius illa
violat, quod alicui in fortunæ bo-
na competit: dum vel ea clancu-
lum, furto surripit, vel apertâ vi, ac
rapi-

apinâ etiam in oculis tollit, vel importunis litibus, maloque dolo, ac fraude sensim exedit, ac etiam ditissimum quemque exhaurit, atque euiscerat.

Ne te offendat, amice lector, ea vocula, euiscerat; ex vero enim huic iniuriæ conuenit quam optimè: quia viro opulento diuitiæ, sunt quod corpori viscera; imò & cor ipsum.

Auitam appello fidem, & illud Labani ad Iacob, *Quare ita egisti,* Gen. 31.
v. 26. *vt clam me abigeres filias meas?* In Hebræo est, *Quid fecisti? & furatus es cor meum, & abduxisti filias meas.* Id est, vt explicat Caietanus: *Furatus es meas diuitias, quæ mihi erant instar cordis.*

Ita nimirum se res habet, diuitiæ hominibus huius æui pro corde sunt,

sunt, pro intimis visceribus, ideo-
 que, qui eas per iniuriam aufert, &
 viscera extirpare, & cor è suâ sede,
 ac statione dimouere cēsendus est,
 & quod inde consequens, quasi è
 vitâ tollere.

Exod. 15. Hinc illæ Pharaonis voces, ac
 v. 9. minæ: *Interficiet eos manus mea;*
 vel vt Hebræi legunt, *depauperabit eos manus mea*, hoc est Hebræos
 ex Ægypto fugientes pertinax, &
 potens Pharaonis manus bonis o-
 mnibus exuet, depauperabit, imò
 & interficiet: quippe viro diuiti o-
 pes ipsæ pro vitâ, pauperies est pro
 morte: ideoque sicuti ad hanc for-
 titer superandam opus est insigni
 robore, ita & ad illam equo animo
 tolerandam plane necessaria virtus
 fortitudinis; à quâ vt te instruam,
 beneuole lector; primum rationes

non-

nonnullas producam, quæ malum illud, si non omnino tollant, at saltem multum extenuent : tum exempla proferam eorum, quos vtraque fortuna sibi semper similes, ac constantes vidit, atque suspexit.

Pro ratione quâ leniri potest, ac solet dolor in illis fortunæ iniurijs, est, *Quod cupiditati nihil sit satis; naturæ satis sit, etiam parû, & hoc plerumq; relinquit etiâ reflans fortuna, & aduersariorû inuidia, à quâ quidquid subtrahitur, subtrahitur voluptati, non necessitati: illi non sufficiunt quamplurima, huic etiâ paucissima sunt satis; ut enim rectè Seneca: Paruo fames constat, magno fastidium. Et necessariis rebus exilia sufficiunt, superuacuis nec regna. Animus est qui diuites facit nō tam fortunis quàm virtute, quâ pauper*

Sen. in
consol.
ad Hel-
uiam
c. 11.

In com-
sol. su-
pra

pauper etiam omnibus exutus, se ipse inuoluit, ac tegit; eo expeditior futurus ad virtutis cursum, ad gloriæ, ac beatitatis culmen, quo ab istis fortunæ phaleris, atque impedimentis fuerit liberior; quod argumentum pulchrè illustrat Minutius Felix in Octauio opportunâ similitudine.

Prorsus, inquit, ad viuendum velut ad natandum is melior, qui onere liberior. Sunt enim similiter in istâ vitâ humanâ tempestates, leuia sustentatui, grauiâ demersui.

Cū esses à fortunæ, hominumq; iniurijs immunis, & auro multo grauis, leuior ex vulgi opinione tibi fluebat vita: at ex sapientum placitis grauior erat, quam cum eo spoliatus es, parumque interest iurare, an iniuriâ sis spoliatus; si eo
spolio

spolio liberior euadis ad natandū,
hoc est ad emergendum ex hoc vi-
tæ pelago, in quo quàmplurimi
diuitiarum onere ita premuntur, vt
subsident: euasuri omnino ex ijs
fluctibus, si peregrinam illam for-
tunæ vestem exuissent.

Ne mireris si diuitias, & blan-
dientis vitæ bona peregrina appel-
lem, & aliena: nec enim verè tua
sunt: sed omnium conditoris, qui
ea quasi mutuo tibi dedit ad vsum
huius temporis: quod bellè docuit
Stoicus ille Philosophus, qui disci-
pulis suis præcipiebat illud, ne quis
in opum, bonique alicuius iacturâ
diceret: *illud perdidit*, sed: *illud red-
didi*, nempe Deo, à quo fuerat ac-
ceptum.

Sed audio, his præceptionibus
reclamas & obtrudis illud: bene
quidem

quidem mones æquo ferendum animo: si quæ Deus obtulit, & ipse repetat; restituet enimvero lubens quisquis eam cæli manum agnouerit: at hominis alicuius; atque etiam furciferi est ea maleuolentia, ac rapina: quam pro inde non sustinet etiam vel maximè patiens animus.

Bene habet, hic te volo amice Lector, & ad vnius viri quondam opulentissimi exemplum, ac fidem euoco. Is erit Iobus superis amicus in paucis, & cui parem in orbe suo sol non aspexit. Ei cœlum indulgens tot opes effuderat, quot æuo suo ferè nulli: sed eas vel momento rapuit, ac dissipauit inuidus Dæmon, & ab omnibus vacuum, nudumque etiam in sterquilinio reliquit: non sine insigni probro,
sensuq;

sensuque doloris, in quo tamē semper suus : has gementibus Inferis, stupente terrâ, probante cælo voces emisit. *Dominus dedit, Dominus abstulit, sicut Domino placuit, ita* ^{Iob. c. i. v. 21.} *factum est, sit nomen Domini benedictum.*

Eam ædium suarum stragem, bonorumq; dilapidationem non ascripsit fato, & cœcutienti fortunæ; non Euro, ventisque sæuientibus, non Inferis, maloque Dæmoni, sed supremo rerum omnium moderatori, qui eam pro suo nutu aut laxat, aut reprimat: eaque fortunæ bona, quæ explicatâ manu fuderat, contractâ deinde eripit, cum ita visum fuerit; ideoque quod iuste queraris, non habes pusille homuncio, Dominus enim cum sit, auferre potest, quod suum est; tua-

P

rum

rum dumtaxat partiū est, re etiam ipsā exhibere: quod cecinit Vates.

Si dederis, perletus ero, repetiueris, equus.

Quā de re etiā sapienter Seneca.

Seneca
ad Po-
ly. c. 29.

Iniquus est, qui muneris sui arbitriū danti non relinquit; auidus, qui non lucrī habet, quod accepit, sed damni quod reddidit: ingratus est, qui iniuriā vocat finē voluptatis: stultus, qui nullum fructum esse putat bonorum, nisi præsentium.

Haftenus Seneca, ex quo si sapere, & loqui discas: bonorum tuorum iacturā, qualis, qualis demum ea sit, non tam iniuriā putabis, quā amabilem Diuinæ prouidentiae legem, quæ incautis mortalibus argentum, & aurum eripit, cum forte praeuidet obfuturum celestibus thesauris, atq; opibus, quas
in

in primis curis esse vult : ideoque
superum voluntati probè acquies-
cens, cum Gregorio Nazianzeno
hæc sentire debes , atque eloqui.

Gratias ago ut in lætis rebus , ita Ep. 63.
*etiam in acerbis , quandoquidem il-
lud exploratum habeo , nihil rerum
nostrarum apud summam rationem,
expers rationis esse.*

Tibi dum es in hac vitâ , ceu al-
tâ nocte , nullum apparet rationis
lumen, cur eam iniuriam , cælum
ipsum cœteroquin scelerum im-
patiens, patiatur tamen, atque susti-
neat , vbi corpus hoc , ceu inscitæ
indumentum exueris , vbi superis
eris additus , tum velut orto sole,
altoque eam die æternitatis tibi il-
lucescente liquidò perspicies, ita ex
bono tuo factum oportuisse; nihil-
que rerum tuarum apud summam

rationem , expers fuisse rationis.

Eius porro probè conscius , vt
ibi finiam , vnde huiusce meæ di-
sceprationis initium duxi : cum ti-
bi aliquid mali accidit, dic age cum
Iobo, *Dominus dedit, Dominus ab-*
S. Aug.
in ps. 31.
stulit ecce enim ; vt inquit Augu-
stinus, *sicut Domino placuit, ita fa-*
ctum est, sit nomen Domini benedi-
ctum. Et non dixit, Dominus dedit,
Diabolus abstulit. Intendat ergo
caritas vestra, ne forte dicatis, hæc
mihi Diabolus fecit. Prorsus ad
Deum refer flagellum tuum, quia
nec diabolus tibi aliquid facit, nisi
ille, qui desuper habet potestatem,
permittat aut ad disciplinam, aut
ad pœnam. Ad pœnam impius, ad
disciplinam pius. Et quia te inter pios
esse & volo, & credo, mi lector; si
forte pateris, ne plangas: vt enim
eodem

codem ore, calamoq; Augustinus.

Quod pateris medicina est, non pœna; castigatio, non damnatio. Et hæ proferri possunt causæ è multis, quas in secreto habet mens suprema, summaque ratio, apud quam nihil expers rationis.

§. 3.

Opportunæ cōsiderationes, quæ solatio sunt in amissione bonorū externorum.

EXterna bona, quæ ex vulgi opinione, magis quàm ex veritate, tua esse credis, eripere tibi fortuna potest, te ipsum non potest: nec insitam, si voles, à virtute constantiam, stabit illa, & si fractus illabatur orbis, etiam impavidam ferient illius ruinæ: huius rationem reddidit Seneca: quia *sapienti non* E 86.
nocetur à paupertate, non à dolore.

non ab aliis tempestatibus vitæ, quia scilicet ad omnes casus aptus; bonorum rector est, malorū victor; quod si fortè quis imprudentior eum ab his premi credat, fallitur, illum premi putat malis, & tamen utitur: ad virtutis, excelsique animi exercitationem: similis, inquit Seneca, sculptori, qui è qualibet materiâ simulacra fingit, ac format.

Non ex ebore tantum Phidias sciebat facere simulacra. faciebat ex ære; si marmor illi, si adhuc vilior rem materiam obtulisses, fecisset quale ex illâ fieri optimum posset. Sic sapiens: Virtutem, si licebit, in diuitiis explicabit; si minus in paupertate; si poterit in patria, si minus in exilio: si poterit Imperator, si minus miles: si poterit integer, si minus debilis: quamcumq; fortunam acciperit,

perit, aliquid ex illâ memorabile efficiet.

Quod si authore, & iudice Senecâ, id potuit isto ævo sapiens, quid nostro christianus? Si dolor, egestas, ignominia, carcer, exilium, & cœtera horrenda, cum ad sapientem peruenerint, mansueta sint: qualia erunt ubi ad Christi cultorem appulerint? erunt certè quàm mansuetissima, nec omnino afficient malè, nisi malum, atque insipientem: quid enim? nonne tuo calculo insipientem diceres eum, cui labor esset abire longius, atque ex hospitio in patriam emitti?

Finge tibi (liberæ enim sunt cogitationes nostræ) hospitem vnum aliquem aduenisse in diuersorium, cui amœna tecta, aulæ pretiosa, supellex argentea, tori molles in

plumâ, & anserē, mensæ opiparæ,
 verbo vt absoluâ, ad commodum,
 ad voluptatem, ad delicias, omnia:
 vbi his vsus fuerit vel vnâ tantum
 nocte, orto iam sole, & stratis equis
 non illubens abit, sed & volens, &
 hilaris: quia meminit hospitium
 esse, & ea bona de viâ tantum spe-
 ctat, atque ad se nihil pertinere, nisi
 forte ad vsum exigui tēporis; quod
 si quis illius diuersorij commodis,
 atque opulentiâ illectus ægrè se ab
 eo auelli pateretur; omnium iudi-
 cio & imprudens, & insanus habe-
 retur. Et is est qui plus æquo dolet
 sibi fortunæ bona eripi: non me-
 minit ille sibi hunc mundū, quan-
 tus is est, pro diuersorio esse, & il-
 lius bona, omnemq; opulentiam,
 ac maiestatem seruire hospiti vnus
 diei: qualis est vita nostrâ vt lon-
 gissima

giffima fit cum æternitate compo-
fita. Non meminit, inquam, fe ho-
minem, id eft hofpitem effe, imo
& viatorem.

Dic age, peregrinus aliquis de
viâ feflus adultâ iam die, & impen-
dente folis æftu, vt eum declinet,
ac fallat: fefe recipiat fub arbore
pomifera, fubque tectô viridi vm-
bram captet: quamdiu credis eâ
frui volet? certè dum vires refecerit,
dum ab alto die respirarit; fibi enim
paululum, & quieti redditus, ab il-
lâ mox furgit, & viam init, pergit-
que leuiore grefſu: quod fi captus
amœnâ illâ frondiũ viriditate, fua-
uitate fructuum, & vmbraculi cõ-
modis, ad folis occafum, primaſq;
tenebras immorari vellet, profecto
parum fui memor, & compos ha-
beretur.

Sic est omnis homo, quem vmbra vitæ nimium capit, ac delinit, quem nimis distinent pendula ex arbore poma, hoc est huius sæculi bona, quæ sibi, vtpote viatori relinquenda, nō nouit verè tamen sunt relinquenda, vel ipsâ probante, ac volente bonorum externorum naturâ; audi de illis, vt solet, elatè dis-

Ep. 98. currentem Senecam.

Mortale est omne mortaliū bonum. Vnum est verum bonum, quod non moritur. Certum est illud, sempiternumq̃, nempe sapientia, & virtus. Hoc vnum contingit immortalē mortalibus. Cæterum tam improbi sunt, tamq̃, obliti quo eant, quo eos singuli dies tradant, vt mirentur aliquid se amittere, amissuri vno die omnia. Quidquid est, cui Dominus inscriberis, apud te est; tuum non

nō est. Nihil firmū infirmo, nihil fragili æternū, & inuictum est. Tam necesse est perire, quàm perdere. Et hoc ipsum si intelligimus, solatiū est, æquo animo perdere, quod perituum est.

Multa hic tibi sub oculos ponit Philosophus: primū mortale esse omne mortalium bonum, quid igitur quereris, si tibi quodammodo moritur, atque occidit, quod naturâ suâ est tale, & tamen vt sit, plerumque adeo sui immemores sunt pusilli homunciones. vt stupeant, querantur, gemant, cum aliquid amittunt, & non cogitant se vno die, imo & momento amissuros esse omnia. Se dominos credūt, eoq; nomine sibi illudunt improbè: & tamen ex vero, bonoq; Domini non sunt; apud se quidem habent bona, villas, possessiones amplas,

plas , aliaque fortunæ blandientis dona : sed ea cōmodato possident , tanquam aliena , non sua vellent illa esse firma , stabilia , æterna , & non cogitant ea minus conuenire infirmo , & fragili : dolent cum ea perdunt , & non dolent , cū pereunt. Certè si necessum est ea aliquando tandem , imò fortè post paucos dies tibi perire , quid adeo lugendum putes , si modo perdas : cum inter perdere , & perire sit tantum discrimen , & interuallum modici temporis ; & hoc quidem constitutum ex ipsâ rerum externarum naturâ , & fortunæ perfidiâ , à quâ nemo est indemnus , de hac disertè Seneca libro de tranquillitate animi. *Quæ sunt , inquit , diuitiæ , quas non egestas , & fames , & mendicitas à tergo sequatur ? quæ dignitas , cuius non prætex-*

*prætextam, & augurale, & lora
patritia, sordes comitentur, & ex-
portatio, & nota, & mille maculae,
& extrema contemptio? quod re-
gnum est, cui non parata sit ruina,
& proculcatio, & dominus, & car-
nifex? nec magnis ista interuallis
diuisa, sed horæ momentum interest
inter solium, & aliena genua.*

Hæc ubi dixit, ne verbis tantum
addicatur fides, exempla profert,
quæ versatilis fortuna dedit ad lu-
ctum, & stuporem vniuersi; & ad
ea lectorem euocat.

*Locuples es, inquit? nunquid di-
tior Pompeio, qui cum tot flumina
possideret in suo orientia, & in suo
cadentiâ, mendicauit stillicidia.*

*Honoribus summis functus es? nū-
quid aut tam magnis, aut tam inspe-
ratis, aut tam vniuersis quam Se-
janus?*

janus? & tamen quo die illum Senatus deduxerat, populus in frustra diuifit. In quem quidquid congeri poterat, Di, hominesq; contulerant, ex eo nihil superfuit, quod carnifex traheret. Rex es? ad Cræsum te emittam, qui rogum suum & ascendit iuffus, & extingui vidit, factus non regno tantum, sed etiam morti sue superstes.

Vbi hanc fortunæ inclinationē animo subiecit, tum monet vt illam expectemus ipsi, & in tantā rerum fursum, ac deorsum verfatione pro futuro habeamus quidquid fieri potest; ficque neceffitati pareamus, & rerum humanarum conditioni, quam mutare non possumus. Id possumus magnum sumere animum, & viro bono dignum, quo fortiter fortuita patiamur, & natu-

Senec.

ep. 107.

naturæ consentiamus: natura autem sicut vniuersa mutationibus temperat, ita & singula.

Nubilo serena succedunt, turbantur maria, cum quieuerunt, flant inuicem venti, noctem dies sequitur, pars celi consurgit, pars mergitur, contrariis rerum æternitas constat; ad hanc legem animus noster aptandus est. Hanc sequatur, huic pareat, & quæcumq; fiunt debuisse fieri putet, nec velit obiurgare naturam. Optimum est pati, quod emendare nō possis, & Deum quo auctore cuncta proueniunt, sine murmuratione comitari. Et hic est magnus animus, qui se Deo tradidit. At contra ille pusillus, ac degener, qui oblectatur, & de ordine mundi malè existimat, & emendare mauult Deos, quam se.

janus? & tamen quo die illum Senatus deduxerat, populus in frusta diuifit. In quem quidquid congeri poterat, Dij, hominesq; contulerant, ex eo nihil superfuit, quod carnifex traheret. Rex es? ad Cræsum te emittam, qui rogam suum & ascendit iuffus, & extingui vidit, factus non regno tantum, sed etiam morti sue superstes.

Vbi hanc fortunæ inclinationē animo subiecit, tum monet vt illam expectemus ipsi, & in tantâ rerum sursum, ac deorsum verfatione pro futuro habeamus quidquid fieri potest; ficque necessitati pareamus, & rerum humanarum conditioni, quam mutare non possumus. Id possumus magnum sumere animum, & viro bono dignum, quo fortiter fortuita patiamur, &

natu-

Senec.

ep. 107.

naturæ consentiamus: natura autem sicut vniuersa mutationibus temperat, ita & singula.

Nubilo serena succedunt, turbantur maria, cum quieuerunt, flant inuicem venti, noctem dies sequitur, pars cæli consurgit, pars mergitur, contrariis rerum æternitas constat; ad hanc legem animus noster aptandus est. Hanc sequatur, huic pareat, & quæcumq; fiunt debuisse fieri putet, nec velit obiurgare naturam. Optimum est pati, quod emendare nō possis, & Deum quo auctore cuncta proueniunt, sine murmuratione comitari. Et hic est magnus animus, qui se Deo tradidit. At contra ille pusillus, ac degener, qui oblectatur, & de ordine mundi malè existimat, & emendare mauult Deos, quam se.

§. 4.

Altera consideratio, eaque maximi momenti, quod diuitiæ plerumque sint occasio peccandi, & abeundi à virtute, summoque bono, id est, Deo.

L. 2. in
Iob. c. 5.

Scripsit olim D. Ambrosius, & rectè. *Magna illecebra delinquendi est rerum affluentia secundarum; supinat, extollit, authoris obliuionem inducit.*

Matth.
c. 9 v. 9.

A diuitijs duo humanæ menti importari mala censet. Primum est quod ab ijs *supinat*: hoc est ita per insolentem superbiam erigitur, vt tamen per quamdam ignauiam, rerumq; diuinarum despicientiam deprimatur magis, pronusq; ac præceps in terram ruat, quod in Mattheo olim publicano notauit, ac deplorauit S. Chrysologus in illa verba: *Vidit hominem sedentem*

in

in telonio. Sedebat, quia stare non *Ser. 29.*
poterat, pondere cupiditatis oppres-
sus, & ipsa totus conscientia fraudis
incuruus, nimirum aurum natura
graue, grauius fit auaritia. Hinc est
quod plus habentem deprimit, quam
ferentem, & uehemētius aggrauat
corda, quam corpora. Nascitur in
terra profunda, perq; ima venarum
cæcis discurret anfractibus, & dum
suam repetit ad naturam, cælestes
animos ad inferna deponit; dum
scilicet salutis, Deiq; obliuionem
inducit, quod alterum est, sum-
 mumque malum.

Tertius erit infamis ille magistri
 sui proditor Iudas, cui insignis, &
 cæca auaritia sic illusit, ut & sui, &
 Dei sit oblitus, & primùm ad in-
 fandum prodicionis scelus, deinde
 etiam ad laqueum properarit; re-
 tulit

Q

Matth. c. 27. v. 3. tulit enim triginta argenteos, & abiens laqueo se suspendit, quod dum altius expēdit Progo Ostiensis. Vi-

Lib. 1. de passione. de, inquit, quam magni ponderabat argenteos, non proiecit eos in sterquilinio sed in tēplo. Ecce infœlix qualiter excœcatus est. Maluit seipsum perdere, quā denarios perire: denarios templo, seipsum laqueo addixit.

Sed non omnibus à nummis id vitium est, non omnes eadem ruina premit, sunt qui diuitijs vtantur bene; sunt qui sese ab ijs erigant, sibi que in cælis domicilium emant, ac parent. Non enim omnibus argentei pro laqueo sunt, quo sibi vitam, ac salutem eripiant.

Non abnuo quosdam esse, qui creditis sibi à Deo, naturâque opibus fruuntur. Recte: sed affero omnino paucos, longè vero quā plurimos,

rimos, qui eas dispenſent improbè,
ſibiq̃ue inde exitium creent, & v-
niuerſim id pronuntio, quod ante
pronuntiauit D. Baſilius. Aurum
blandiſſimum animæ infidiatorem, Ep. ad
parentem peccati, ac Diaboli admi- Chilo-
nistrum eſſe. Ac ne multis te mo- nem.
rer, amice Lector, in argumento
ſatis obuio vnico exemplo tibi fi-
dem facio.

Eulogius opificio latomus cete-
ras inter virtutes eximia fuit in pe-
regrinos caritate, cuius admiratio-
ne captus Daniel Eremicola, apud
Deum ſummis precibus egit, vt
latomo iſti pauperculo ampliores
facultates elargiretur, ratus omni-
no fore vt tum ſe multo impenſius
in opera caritatis, aliarumq̃ue vir-
tutum effunderet. Accepto cælitus
reſponſo amplas facultates haud

Q 2

expe-

expedire Eulogio ad animæ salutem, parandamque virtutum suppellectilem, perseverauit nihilominus in precibus, & quidem ea importunitate, vt Deum ipsum in sua vota traxerit. Igitur annuente cælo (cui patefcit omnis terra, & aperiuntur quantumuis abditi in imis eius penetralibus thesauri, ex ijs vnus aliquis Eulogio reclusus, quo reperto diues, atque opulentus effectus est : sed ita breui à solitâ pietate defecit, vt nemo vnus omnium eum agnosceret. Cumque iam puderet inter suos vitam agere, Cōstantinopolim abiit, vbi pecunia (cuic cedunt omnia) ita se promouit vt cohorti imperatoriæ præficere-
tur. Ea porro fortunæ blandientis indulgentia, atque foelicitas, hominem in omnem vitæ libertatem

extu-

extulit. Interea Daniel dum precibus de more vacat, visus est supremo aflare Iudici, ab eoque increpari ob perditum Eulogium; tum etiam ad pœnas rapi. Cum spondidisset reducturum se illum ad meliora, pepercit Iudex, ipse vero Constantinopolim cōtendit ad Eulogium. Illi narrat ut suis precibus à Deo ipsi diuitias impetrarit, se sperasse certo fore ut ijs ad maius Dei obsequium vteretur, non vero ad maiorem vitæ licentiam. Cumque virum liberius increparet, Eulogius pelli ipsum velut delirantem iubet; tum autem vel maximè sensit Daniel, quam officerent ipsi diuitiæ; ac propterea Deum impensè rogauit, ut Eulogium ad pristinam pauperatatem reduceret. Et certè vim habuerunt preces, mortuo enim Iu-

Causi-
nus ex
Baron.
Anno
Christi
528. sub
Iustin.
Impe-
ratore.

Istino Imperatore, Eulogius è Iustini-
niani (qui suffectus erat in Impe-
rium) gratiâ excidit, eâ re offensus,
Hyppatio, & Pompeio, qui ad Im-
perium aspirabant, adhesit. Verum
cum Iustinianus vtrumque cœpif-
fer, & debito accessisset supplicio,
fugit Eulogius parem poenam ve-
ritus, eius bona Fisco addicta, reda-
ctus ad priorem egestatē, resipuit,
& salutaribus Danielis monitis au-
res dedit.

Et hæc in Eulogio data tragico-
mœdia, in qua vt vltimus actus be-
ne cesserit, primus tamen, ac secun-
dus luculenter ostēdit diuitias ple-
risque mores in peius mutare, &
ad salutem obesse.

CA.

CAPVT II.

§. I.

*De iniuria, ac macula illata
bono nomini.*

Fama duabus potissimum vijs
impeti solet: y nâ quidem cum
verum crimen è latebris eruitur, &
in lucem solemq; profertur: al-
terâ cum etiam falsum affingitur,
& inuritur nota bono nomini, tam
in hoc quam in illo suum est sce-
lus. Vriam ferro, mortiq; obuium
dederat Dauid, à venere in vulnus,
cædemq; præceps: latebat Israc-
lem illud regis facinus, cum illud
tumultuâti plebeculę aperuit Ioab:
veritus ne militaris turma Vriæ ca-
su concitata in se inuidiam, ma-
numq; retorqueret; tum enim

regias litteras reſerauit, & in apertum extulit, quod malè tectum erat ſcelus. Ea iniuria regio capiti illata adeo perculit etiã mitiſſimum Dauidis animum, vt iam è corpore abituriens Salomoni filio ſuo præceperit, vt è medio tolleretur Ioab. Hæ morientis fuere voces.

L. 3. Reg.

2. v. 5. &
6.

Tu noſti quæ fecerit mihi Ioab filius Saruie: non deduces canitiem eius pacificè ad inferos.

Hæc inter vltima præcepta, & teſtamētī tabulas: Sed quī, inquires, in Dauidem peccauit Ioab? Reſpondet Rabbi Salomon apud Lyrannum, per hoc intelligitur malum, quod fecit Ioab contra perſonam Dauid, oſtendēdo alijs litteras, quas ſibi ſecretè miſerat Dauid de morte Uriæ. Ita nimirum regia noxa è tenebris per nefas eruta, ipſâ Ioabi morte

morte fuit expianda ; quia vt discretè S. Chrysologus.

Deuoti militis est regis sui tacere fugam, referre constantiam ; Virtutes loqui, timores silere : prædicare victorias, aperire fortia, infirma reticere.

Quod si ingens piaculum illud, delictum re etiam ipsâ patratum, sed tamen latens prodidisse : quanto maius erit virum honestum, & sui nominis amâtem culpâ aliquâ grauiore, falsâq; notasse : certè tantum erit, vt qui illud admiserit, cōtra omnia Dei præcepta dicatur incurrisse ; quia contra caritatem, in quâ est legis plenitudo.

Et sanè iactura boni nominis, natusque ex eâ doloris sensus tantus est, vt multi etiam ad laqueum

*Homil.
15. in
Matth.*

conuolarint fame opprobria non fe-

Q 5 rentes;

rentes ; ita disertis verbis, & ore aureo Chrysostomus : quod etsi flagitio non careat, liquido tamen ostendit, quanta apud magnas mentes sit honoris, ac famæ æstimatio : in quâ quia hoc quo viuimus æuo, quàm maximè patitur iustus, mei muneris erit tanto malo proferre remedium.

Petetur illud à Christo, qui positus olim in signum, cui contradiceretur. Vt in album collimare solet sagittarius, & sua tela profundius immittere, atque infigere : sic petulantes, & insanæ Iudæorum linguæ, ceu maligna, ac venenata iacula Christum impetebant, eiusque nomen in circulis vellicabant : ea porro iacula ausu temerario contorta, validisque lacertis euibrata, insignis patientiæ sinu, ceu albo excipiebat

cipiebat Seruator optimus, seruabatque tenacius opportuno in silentio.

Christianus es, cui pagella hæc scribitur, tuum illud nomen lege, & eo condignam vitam exige; utque tibi medijs in conuitijs non elabatur patientia, Saluatorẽ tuum sedulus intuere.

Si quos olim venenato dente *Número.*
læserat serpens; vel vno oculorum *c. 12.*
coniectu in serpentem æneum, illico sanabantur: miraculo illud, Diuinæq; potentiaẽ ascribi debuit; hoc quod subijciam, amorì, ac caritati.

Inuidus vnus aliquis in nomen, famamque tuam vnguem immisit, & si voles, etiam dentem: læsus es, & quasi multo vulnere saucius: agedum oculos, & animum in crucem

Serm. 6.
in ps. 118.

Lib. de
patiēcia
c. 15.

cem erige: & non tã à flagris, quàm
à calumnijs lacerum Christum su-
spice; & derepente seu doloris, seu
amoris prodigio omne venenum
expues: si enim de serpente æneo
dixit Ambrosius. *Bonus serpens,*
qui de ore suo remedia, non venena
fundebat! si, inquam, bonus ille
serpens: longè quàm optimus Sal-
uator, qui de ore suo medelam ef-
fundit, & gratiam; gratiam dico
singularis patientiæ, & æquitatis in
tolerandis fortiter iniurijs: vt enim
magnificè Tertullianus: *ubi Deus,*
ubi Iesus, ibidem & alumna eius pa-
tientia.

Testem vnum è multis produ-
cam, is crit è Dominicanâ familiâ
vir Apostolicus S. Petrus Martyr.
Ei (quæ superum, Dei quæ fuit in-
dulgētia) sæpius humanâ specie
sc

se se visendas exhibebant beatę mē-
tes, Virgines inclytæ: Agnes, Ca-
tharina, Cœcilia: cum forte eas ad-
uertit religiosus vnus aliquis, & in
virum sanctum seu errore, seu zelo
acrius exarsit: quasi virgines in clau-
stra, in intima cubiculi penetralia,
contra religiosæ vitæ morem, &
leges admisisset. Illius culpæ quasi
iam reo dies indicitur, accusatur,
damnatur, & domestico carcere
mulctatur. Benignioris cæli fauo-
rem, & gratiam celat ipse demissio-
nis amans, & patientiæ studiosus
in paucis; sed cum longius iret pœ-
na; nec in lucem veniret innocen-
centia, die quadam seu doloris, seu
amoris æstu euictus animus: blan-
dè, pièque cum Crucifixo queri
cœpit, & arguere longas in illo
squallore moras, quas inter sæpius
auditæ

Ribad.
in eius
vitâ.

auditæ illæ voces : *Domine quid feci? quid uie commerui?* cui Christus ex ipsâ Crucis imagine hæc reddidit : *Et ego Petre quid feci?* cerne pedes , & manus affixas infami ligno ; cerne hirsutum , ac cruentum à spinis caput ; cerne hians , & apertum à ferro latus ; cerne sparsa toto corpore vulnera ; & quod ijs acerbius fuit , audi in ipso mortis aditu , extremâque luctâ , iactas in me calûnias , & scommata : *Et ego pro his Petre quid feci?* ægrè pateris intra domesticos parietes , & religiosa claustra , de tuo nomine , famâque aliquid decedere , & ego passus sum eam lacerari in Caluariæ vertice , in oculis numerosæ multitudinis , in conspectu solis huius ; & ut hoc paterer ipso *quid feci?*

Ea vox ita pupugit animum ,

tan-

tantoq; rubore suffudit, vt de querelis cogitasset nunquam, etsi totus in eum facto impete iniuriosus ruisset orbis : Tu idem cogita, & meditare, & nulla tibi grauis appellet iniuria.

Sed & alterum si voles apud te sedulus expende : quis ille qui te maledictis appetit ; cuius farinae sit homuncio, cuius vitæ, quàm profligatæ. *Malè de te loquuntur homines*, inquiebat Seneca, *sed mali.*

De re-
medijs
Fortui-
torum.

Moueret si de me M. Cato, si Lælius sapiens, si alter Cato ; si duo Scipiones ista loquerentur. Nunc malis displicere, laudari est. Non potest vllam authoritatem habere sententia, ubi, qui damnandus est, damnat.

Malè de te loquuntur. Moueret si iudicio hoc facerent. Nunc morbo faciunt. Malè de te loquuntur, bene nesciunt

nesciunt loqui: faciunt non quod mereor, sed quod solent. Quibusdam enim canibus sic innatum est, ut non pro feritate, sed pro consuetudine latent.

Maledicum cum cane Philosophus componit: quod ut hic, ita & ille vano, & irritò latratu auras feriat.

Sit tibi in oculis sonipes, cuius (ut bellè Poëta,)

Quadrupet ante putrè sonitu quatit ungula campum.

Eum de viâ petat, allatret, sequatur, & urgeat de casâ rusticâ malè laxatus canis: an ille pedem sistet? an cursum intermittet? an ungula feriet? ne hoc quidem, nisi in eum dum forte humo tollitur, sese temerè ingerat canis: nimirum caninas iras, latratuque despicit, cursui, Martique

martique progenitum animal, nescitque irasci, atque efferuescere, nisi cum arma, cædesque nuntiarit tubæ clangor, tum iubas erigit, sese in hostem armat, & in acies effundit præcipitem.

Sic generosus Christiani hominis animus verba maledica, ceu canum latratus contemnit, & libero pede cœptum virtutis cursum persequitur; nec oculo dignatur etiam conuitijs insequentem.

§. 2.

Pia meditatio cum acrius animum extimulabunt iniuriæ.

VIr olim Religiosus in paucis cum aures, animumque pulsarent petulantes linguæ, verborumque iacula, seipse cum cane domestico componere solitus.

R

Est

Est hic genius blandi canis, quamquam ab hero, domesticisq̃ue cædatur, atq̃ue insigniter vapulet, non ideo tamen eos allatrare, nedum mordere nititur, sed potius demisso capite, abiectâq̃ue caudâ, verbera patiens tolerat, & fustem excipit. vbi autem ita malè habitus fuerit; si herus vel verbulo proritet, vel oculo, nutuue blandiri plusculum videatur, illico immemor illatæ prius iniuriæ primum timidus, ac reuerens ad genua vocâtis adrepit, tum etiam accurrit, aduolatq̃ue alacrius.

Ex hoc genio bruti animantis præclarum sibi patientiæ documētum assumpsit olim Religiosus frater, de quo S. Dorotheus. Erat, inquit, in Cœnobio nostro frater, antequam ego inde digrederer, quem
nun-


nunquam videbam, vel turbatum, vel afflictum in aliquo : è contra aspiciebam plurimos ex fratribus illi verbis asperis molestos , ac graues, quæ omnia animo æquissimo ferebat, & patientissimo. Mirabar, fateor, excellentiam patientiæ eius, optabamq; ex eo audire , quo modo sibi eam virtutē parasset. Cum igitur illum aliquando obuium habuissem, datâ pace , orare cœpi, ne me celaret, quid nudiustertius cogitaret, cum à multis plurimis afficeretur iniurijs , & quomodo tantum pati posset , & ferre. Respondit ille mihi simpliciter nulla circuitione, & recusatione. Ego me sic habeo ad illas iniurias, & ita eas perfero , vt ab hominibus blandi canes.

Hactenus S. Dorotheus simplici

R 2

ci

ci quidem, sed piâ eloquentiâ; quæ multorû huius æui impatientiam vellicat, ac pungit; vtpote qui similes sint non domestico, sed siluestri cani, qui non nocentes tantum, sed & innoxios venenatâ linguâ, ceu latratu petunt, & calumnijs iniectis, ceu dente lacerant: longè alieni ab illo fratre, qui auditis iniurijs quantumuis enormibus, nec loqui doctus, nedum carpere, & iniurias iniurijs compensare.



CAPVT III.

§. I.

*De iniuriâ quæ corpus malè afficit,
ac laedit.*

Bene censuit, bene scripsit olim Seneca. *Proprium est magnitudinis veræ non se sentire percussum.*

sum. Sic immanis fera ad latratum L. de I-
râ. c. 25.
canum lenta respexit : sic irritus in-
genti scopulo fluctus assultat. Qui
nō irascitur, inconcussus iniuriâ per-
stitit ; qui irascitur , motus est.

Hæc vbi dixit altiore stylo, tum
è lycaeo, tum è foro exempla pro-
ducit eorum qui inflictam corpo-
ri iniuriam æquâ mente tulerunt ;
& primùm quidem Diogenis, Phi-
losophi Stoici ; *cui de irâ cum ma-* Ibidem.
ximè differēti, adolescens proteruus
inspuit. Tulit hoc leniter, & sapien-
ter. Non quidem, inquit, irascor, sed
dubito tamen an irasci oporteat.

Alia eiusdem notæ iniuria illata
& alteri ; *cui cum causam agenti in* Ibidem.
frontem mediam quantum poterat
tractâ pingui salivâ inspuiſſet
Lentulus ille factiosus , & impo-
tens, absterſit faciem, & affirmabo,
R 3 inquit,

inquit, omnibus Lentule falli eos, qui te negant os habere.

Non absimilis patientiæ documenta dedisse legitur Socrates, qui calce, à quodam percussus in publico, monitusque vt hominem repercuteret. *An, inquit, si asinus mihi calcem impegisset, eum repercuterem?*

Hos illi animos hausere è scholæ, foriq; disciplinâ, in quâ melioris sapientiæ placita fusius explicabantur: à quibus habet etiam Christianus, vnde petat opportuna morum documenta, stomachique æstuantis remedia: quanquam quid ad profanos illos Lectorem euoco? quid ad Diogenis, Socratisque lycæum appello? potior erit schola Christi; singularis, ac diuinæ patientiæ gymnasium: in quo laureati pro-

processerunt, ij omnes, quos terra verè Christianos tulit, & cælum amavit: didicerunt illi à Christo, & iniurias equo animo pati, & ijs, qui etiam per summum nefas intulerint, condonare; quo in genere habes illustre exemplum in Ludouico XII. Rege Christianissimo; qui cum esset Aureliæ Dux, sub Carolo Octauo grauiā perpeſſus, etiam vincula, & carceres, cū ad ſceptrum elatus eſt, ſummamq̃ue potentiſſimi regni dignitatem, in eā veluti ſpeculā conſtitutus poſteris omnibus oſtendit, verè regium, verè Chriſtianum eſſe iniurias & remittere, & obliuiſci.

Vix ſcep̃tro donatus erat, regiāq̃ue potentiā, cum ei neſcio quis paraſitus in aurem inſuſurrauit illud, iam tempus agi rem; iam in

manibus esse hostes, quos deprimere, imò & opprimere posset vel vno nutu regiæ Majestatis. Hæc ille boni Regis malus aulicus: cuius impetum, irasque præcoces, vt retunderet Rex Christianissimus, adiecit illud dignum cedro. Nequaquam ad Franciæ Regem spectare, iniurias Ducis Aurelianensis vlcisci: quibus apertè insinuauit se cum purpurâ regios animos, id est, iniuriarum penitus immemores induisse; quod vt nō verbis tantum, sed & re etiam ipsâ proderet: sibi in chartâ offerri voluit probè scriptam suorum olim hostium seriem, ac nomina, quæ ipse regio calamo cruce signauit. Vbi ex aulâ (è quâ facile quiduis effluit) in vulgus omne cessit ea rerum gestarum fama, vbi notata cruce tot nomina

in

in oculos venire, tum simul venit
in animum opinio, metusque eos
omnes, quos Rex ita designasset, in
malam crucem euocari: hinc (ut
semper malè credula, timidaque est
conscientia culpæ, scelerisque rea)
modo hi, modo illi fugam capeſſe-
re, regnoque citatis equis excede-
re; adeo post equitem sedet atra cu-
ra, quam ut eximeret Rex pius: pri-
mum mirari cœpit præcipitè suo-
rum fugam, dein etiam monere ut
pede in regno sisterent, timorem-
que malè conceptum deponerent;
inde petendam esse spem salutis,
vnde ipsi desperationem induerāt.
Sic enim regiâ mente, voceque. Caussin
tom. 4.
Ego quidem, cum ad meorum o-
lim inimicorum nomina crucem
adicci, in eâ mihi recolendam pu-
taui, quâ orbi alias perituro lectio-

R s nem

nē fecit Seruator optimus, & quidem è ligno, ceu cathedrâ altiore magnus omnino magister: docuit ille & voce, & vulnere parcendum etiam ijs, qui in te quondam iniurij: etsi corpus illi, vitamque per summum nefas impetijssent: dixit enim inter extrema verba, vltimosque spiritus. *Pater ignosce illis, quia nesciunt quid faciunt.*

Hæc verba Seruatoris mei, ceu monita, ceu præcepta in cruce, velut explicatâ, patientique tabellâ, etiamnum lego; & ijs cæli typis obnubilo, imò & oblitero illatas mihi quondam iniurias, inimicâque meo capiti nomina.

Et ista quidem in purpurâ, sceproque Ludouicus, grauissimas alias affectus iniurijs: tu verò pusillus homuncio è puluere, lutoque malè

malè fictus, si vel vngue tantum lacereris, vindictam spiras, & vltrices flammaram globos euomis: non sic arduæ mentes, non sic Saluator tuus; cuius verba tibi & oracula, & præcepta: ea paucis excipe ore, calamoque Augustini. *Iudex dixit occide, & tortor occidit, & tu quando dicis, occide inimicum meum, te facis iudicem, & Deum quæris esse tortorem.*

Respondet tibi Deus, non ero prorsus, non ero peccatoris tortor, sed liberator: quia nolo mortem peccatoris, sed vt conuertatur, & viuat: nam si voluntatem tuam haberem, te prius occiderẽ, antequam inuitatus venires: nonne me blasphemasti? nonne me in tuis malis operibus irritasti? nonne nomen meũ de terrâ delere voluisti? non-

ne

August.
Serm. 4.
de S.
Stepha-
no.

ne me in præceptis, vel in seruis
meis contempsisti? si tunc te occi-
dissem inimicum, quem modo fa-
ceres amicum? quid ergo malè o-
rando doces me, quod non feci in
te? imò ergo dicit tibi Deus, doceã
te vt imiteris me, in cruce pendens
dixi: *Pater ignosce illis, quia nesciunt*
quid faciunt; docui hoc milites
meos, docui Martyres, prius esto &
tu Martyr meus, tyro meus aduer-
sus Diabolum, aliter inuictè nullo
modo pugnabis, nisi *pro tuis inimi-*
cis oraueris.

Hæc tibi, hæc Christianis omni-
bus Saluator, quem vtinam si mi-
nus è cruce loquentem, at saltem è
cælo tonantem audires, disceresque,
quæ tibi mens, quodue consilium
in iniurijs esse debeat.

Audiuit certè, probèque didicit
magi-

magistro Seruatore S. Elisabetha Hungariæ Regis filia, Deum ipsa ^{In eius vitâ.} orauit olim, imò & exorauit, vt quoslibet, qui eam iniuriâ aliquâ affecissent, afficeret ipse singulari quodam beneficio. Ea indulgentis animæ oratio in cælos euasit, superos omnes rapuit, insolito miraculo caritatis; ipsique supremo Numini, ita fuit accepta, vt nunquam alias gratius orasse se, Diuino oraculo didicerit. Eius quoque sententiæ, ac genij fuit magnus ille morum magister, qui suo discipulo perfectionis studioso hanc ad eam ^{In vitis Patrum} viam aperuit; deditq; illud in mandatis.

Primum vt toto triennio aliorum onera ferret, deinde vt altero triennio etiâ condignum pretium ijs penderet, à quibus seu conuitio, seu

seu iniuriâ quapiam fuisset laceffitus : fecit ille imperata omnino fideliter : & Athenas ductus cum in primo vrbis illius ingressu , conui-
tiji petulanter vrgeretur : subridere cœpit; & amicè blandiri: vt risum, & blanditias aduertit conuiiator, tantâ rei nouitate attonitus, odium & scommata in amorem, & admirationem vertit, ex eoq; amicè ques-
siuit, cur à se impetitus, & sannis explosus rideret, cui discipulus : *non rideâ, inquit, qui tribus annis mercedem solui iis, qui me maledictis onerarunt, & hodie gratis id abs te patior*; Attonito similis Athenien-
sis: ingredi, inquit, urbem, dignus es cœtû sapientum. Nimirum eam sapientiam, nunquam quantumuis doctæ viderant Athenæ: debuit illa peti ex eremo, piaque solitudi-
ne;

ne; vti & hæc cuius meminit Abbas Pimenius in vitis Patrum. Lib. 5. c. 16.

Erat inter Monachos illius æui insignis patientiæ vir, cui nomen Decimus: is post conuitia, etiam a lapâ cæsus à Philosopho, mox aliâ maxillam ei præbuit: quod vt vidit ille, captus altiore Philosophiâ, & potenti tantæ virtutis illecebrâ, ad eius genua accidens exclamauit. *Verè Monachus es*, addiderim & ego, *verè Christianus*, quem esse te velim, amice Lector, non nomine tantum, sed & re etiam ipsâ: eris autem si vel in hoc vno bonus Christi fueris æmulator.

§. 2.

*Exempla singularis patientiæ in
iniuriâ corpori illatâ.*

Plin. l.

11. c. 37.

Scitè pronuntiauit Philosophus vnus aliquis, vt speculum oculi est artis, ita oculus speculum est naturæ: quod adeo homini est curæ, vt nihil magis, ideoque si afficiatur malè, si læditur, si eruat, necesse est totum hominem pessimè affici, lædi, ac propè perire. Ex quo id primum confici velim magnæ esse patientiæ oculorum iacturam æquo animo ferre; maioris autem etiam grato, quod illustri exemplo probat Petrus Damianus S. Romanæ Ecclesiæ Cardinalis.

Producit ille in theatrum hominem, cui nescio quis sicarius summa feritate vtrumq; oculum erue-
rat,

rat, damnaratque miserabili cœcitate, à quâ in Monasterium sese recepit, ut qua liceret, & sibi vacaret, atque etiam alijs pluribus officijs Christianæ caritatis, quantum scilicet pateretur oculorum, & lucis, ac solis huius aspectabilis orbitas.

Contigit autem non ita multo post, ut ille ipse sicarius graui, ac diuturno oppressus morbo in Monasterium deferretur, eo quippe hominem redegerat egestas, & miseranda morbi vis, atque impotentia, à qua dum in lectulo iacens deportatur, secum ipse cogitare cœpit, non dico quibus oculis, sed quo animo eum ferret, quo irarum æstu, quo impete iustæ ultionis ille ipse, quem suo vitio, atque immanitate cœcum fecerat. Nimirum expectabat omnino, verebaturq;

S

turq;

turq; ne in frontē, in oculos inuolaret, pœnâq; damnaret talionis. Et certè eam expetebāt per summum scelus crepti oculi, & gratissima lucis huius vsura crudeli facinore sublata. Secus tamen accidit; stupendo profecto Christianæ caritatis prodigio. Vbi enim hostem suum adesse sensit cœcus ille noster, vt inter egrorum iaceret agmina propè ab omnibus depositus, rogauit impensissimè Cœnobij Præsidentem, vt sibi liceret ei quale posset obsequium deferre; nihil eo sibi gratius. Hic primum herere, ac mirari Præsides, deinde mirum quantum extollere exiniam viri caritatem, denique & ei benignius annuere. Hic voti sui compos cœcus noster sese prope alijs omnibus expedire, vt huic vni vacaret quam maximè, seque

seque totum impenderet; & certè omnes omnino corporis partes impendit: (si modo oculos excipias) si enim pro ægro curando huc illucque discurrendum erat, ibat ille, redibatque sedulus; si ministrandum, si potus, si cibus porrigendus, & hunc, & illum porrigebat officiosa manus, & longè magis officiosus animus ad spectantium stuporem, & tantæ pietatis miraculum. Nimirum illi cæco menserat bene oculata, & perspicax animus, cui lucem altiore addiderat omnimoda iniuriarum obliuio, longaque patientia: quam etiam in simili casu, dissimili tamen fortunâ suspexit, & amavit Bohemia.

Mortuo Boleslao tertio sceptrū tenuit Hiaromirius multū ab exte-

Julius
Solima-
nus in
elogijs
Reg.
Bohem.

teris, domesticisque exagitatus, maximè vero ab Vdalrico fratre, què tamen ipse per summā indulgentiam etiam Regni consortem admiserat. Verum ut insolens, & indomita semper ambitio, Vdalricus Hiaromirium dominationis amplissimæ socium nō tulit, sed etiam per summum nefas oculis orbatum, Regnoq; exutum in ordinem redegit; ut sceptrum regeret ipse solus: & vero rexit aliquamdiu, nec omnino infœliciter, tandemq; & regno, & fatis cessit, relicto etiam tū Hiaromirio superstitite: qui quo in fratrem esset animo, qua pietate, qua iniuriarum obliuione fatis ostendit: Nullum certe habuit Bohemia spectaculum illustrius Hiaromirij in fratrem emortuum caritate. Stetit enim hic exoculatus ad
fra-

fratris cadauer, manumque in illud cum extendisset. Sine, inquit, Vdalrice vltimum te tangam, quem videre non possum. Nunquā grauior oculorum iactura mihi visa est, quam hodie. Tuum funus exequor sine lacrymis. Quanquam, qui per oculos nequit erumpere, grauius cor premit dolor: carior mihi oculis fuisti, dum oculos habui, postquam voluisti me oculis carere, corde cariorē habere cœpi. Tuum imperium oculos mihi eripuit, corde me sponte meā priuauit, volui esse tuum, ac æternum hoc volo. Post hæc in extincti fratris amplexum corruit, attonitis eo amoris spectaculo, ac propè miraculo cœteris. Et iure sane meritissimo, quo enim humana ingenia studio-

Julius
Solima-
nus in
elogijs
Reg.
Bohem.

teris, domesticisq̃ue exagitatus, maxime vero ab Vdalrico fratre, quē tamen ipse per summā indulgentiam etiam Regni consortem admiserat. Verum vt insolens, & indomita semper ambitio, Vdalricus Hiaromirium dominationis amplissimæ socium nō tulit, sed etiam per summum nefas oculis orbatum, Regnoq̃; exutum in ordinem redegit; vt sceptrum regeret ipse solus: & vero rexit aliquamdiu, nec omnino infœliciter, tandemq̃; & regno, & fatis cessit, relicto etiamtū Hiaromirio superstite: qui quo in fratrem esset animo, qua pietate, qua iniuriarum obliuione fatis ostendit: Nullum certe habuit Bohemia spectaculum illustrius Hiaromirij in fratrem emortuum caritate. Stetit enim hic exoculatus ad
fra-

fratris cadauer, manumque in illud cum extendisset. Sine, inquit, Vdalrice vltimum te tangam, quem videre non possum. Nunquã grauior oculorum iactura mihi visa est, quam hodie. Tuum funus exequor sine lacrymis. Quanquam, qui per oculos nequit erumpere, grauius cor premit dolor: carior mihi oculis fuisti, dum oculos habui, postquam voluisti me oculis carere, corde cariorẽ habere cœpi. Tuum imperium oculos mihi eripuit, corde me sponte meã priuauit, volui esse tuum, ac æternum hoc volo. Post hæc in extincti fratris amplexum corruit, attonitis eo amoris spectaculo, ac propè miraculo cœteris. Et iure sane meritissimo, quo enim humana ingenia studio-

potentius ab ijs seu dolo, seu etiam
vi detrudi se patiuntur.

Spectasti, beneuole Lector, quid
in purpurâ, sceptroque potuerit in-
signis quædam iniuriarum toleran-
tia, attende quid in infulâ, peditaque
pastorali.

Venustanus Toscaniæ governa-
tor, sub Imperatore Maximiano,
homo ad omnem immanitatem
natus, S. Sabino Episcopo ambas
manus iusserat amputari, duosque
eius Diaconos Exuperantium, &
Marcellum è medio per extrema
supplicia tolli, cum ecce Deus qui
sceleri puniendo semper inuigilat,
impio Præsidi acerrimum oculis
malum immittit, fœdantque luem,
à quâ illi extingui penitus, ac peri-
re. Eâ doctus, victusque tyrannus
ad Sanctum Episcopum, velut ad
asylum

asylum recurrit, ut tanto malo re-
 medium faciat. Annuat pius Præsul
 Sabinus, nec iam manus, sed trun-
 ca brachia, & adhuc recenti cruore
 manantia in cælum tollit, Deum-
 que orat, atque exorat, suisque pre-
 cibus Venuſtano oculos reddit, a-
 miſſamque lucis huius uſuram, nec
 eam tantum, ſed & à ſuperis fidem
 ei impetrat, ceu bonæ mentis ocu-
 lum. Ita viri ſancti non ſolum æ-
 quâ mente illatas corpori iniurias
 tolerare norunt, ſed & malefacta
 benefactis compenſare, exemplo
 ſcilicet Seruatoris, qui, ut ait Diuus
 Ambroſius, *Cum poſſet ulciſci, ma-*
luit immolari, cum fulmina de cæ-
 lo, ſuperisque ſedibus deuocare, &
 in ſclerata capita iacere, maluit il-
 lud emittere in pacatiores auras, æ-
 ternique Patris aures. *Pater dimitte*
illis,

Sur. 30.
 Decéb.
 Baron.
 anno.
 Chriſti.
 301.

1. Ep. 2.

280 DE FORTITVDINE
illis, quia nesciunt quid faciunt. O
verbum magnæ dulcedinis, magni
amoris, & inenarrabilis caritatis:
exclamat D. Ambrosius.

Serm.
de Pas-
sione.

§. 3.

*De iniuria qua vitam nostram, aut
propinquorum impetit.*

CVM animanti vitâ nihil ferè
carius sit, eam omni ope, ni-
suque tuctur, vbi aduersa vis incur-
rerit: quod si hanc nec eludere pos-
sit, nec frangere: pro summâ habet
iniuriâ ei cedere, & (quod longè
carissimum est) spiritum dare, at-
que per nefas effundere. Et quia in
eo impetitur, summeque læditur
ius, quod cuique relictum est ad
vitam omni ratione, modoque con-
seruandam; fit vt eam quoque in-
iuriâ remittere, eximie cuiusdam,
ac

ac singularis sit caritatis, quæ non tantum elucet vbi proprium iugulum petitur: verum etiam vbi eorum quos nobis natura, sanguisq; iunxit, & eo quidem vehementius, quo vinculum illud fuerit arctius, maiorque necessitudo; qualis est filij ad parentem: ea quippe tanta habetur, vt qui parenti filium sustulerit; vnaque etiam parentem sustulisse videatur; nec immerito, quia, vt ait Philosophus; filius aliquid est parentis, & delibata quædam, imò & detracta eius portio: vnde fit vt sicuti filio vim inferre, summæ in parentem sit iniuriæ: ita eam remittere incredibilis cuiusdâ, miræque caritatis: quo in genere tibi beneuole Lector, illustre exemplum dabo, & quidem in fœminâ, in matre, quæ in donandâ

seu iniuriâ quâpiam fuisset laceffitus : fecit ille imperata omnino fideliter : & Athenas ductus cum in primo vrbis illius ingressu , conui-
tiji petulanter vrgeretur : subridere cœpit ; & amicè blandiri : vt risum ,
& blanditias aduertit conuitiator , tantâ rei nouitate attonitus , odium
& scommata in amorem , & admirationem vertit , ex eoq ; amicè quæ-
siuit , cur à se impetitus , & sannis ex-
plosus rideret , cui discipulus : *non rideâ , inquit , qui tribus annis mercedem solui iis , qui me maledictis onerarunt , & hodie gratis id abs te patior* ; Attonito similis Athenien-
sis : ingredi , inquit , urbem , dignus es cœtû sapientum . Nimirum eam sapientiam , nunquam quantumuis doctæ viderant Athenæ : debuit illa peti ex eremo , piaque solitudi-
ne ;

ne; vti & hæc cuius meminit Ab-
bas Pimenius in vitis Patrum. Lib. 5.
c. 16.

Erat inter Monachos illius æui
insignis patientiæ vir, cui nomen
Decimus: is post conuitia, etiam a-
lapâ cæsus à Philosopho, mox aliâ
maxillam ei præbuit: quod vt vi-
dit ille, captus altiore Philosophiâ,
& potenti tantæ virtutis illecebrâ,
ad eius genua accidens exclamauit.
Verè Monachus es, addiderim & e-
go, *verè Christianus*, quem esse te
velim, amice Lector, non nomine
tantum, sed & re etiam ipsâ: eris
autem si vel in hoc vno bonus
Christi fueris æmulator.

§. 2.

*Exempla singularis patientiæ in
iniuriâ corpori illatâ.*

Plin. l.

11. c. 37.

Scitè pronuntiauit Philosophus vnus aliquis, vt speculum oculus est artis, ita oculus speculum est naturæ: quod adeo homini est curæ, vt nihil magis, ideoque si afficiatur malè, si læditur, si eruatur, necesse est totum hominem pessimè affici, lædi, ac propè perire. Ex quo id primum confici velim magnæ esse patientiæ oculorum iacturam æquo animo ferre; maioris autem etiam grato, quod illustri exemplo probat Petrus Damianus S. Romanæ Ecclesiæ Cardinalis.

Producit ille in theatrum hominem, cui nescio quis sicarius summa feritate vtrumq; oculum erue-
rat,

rat, damnaratque miserabili cœcitate, à quâ in Monasterium sese recepit, ut qua liceret, & sibi vacaret, atque etiam alijs pluribus officijs Christianæ caritatis, quantum scilicet pateretur oculorum, & lucis, ac solis huius aspectabilis orbitas.

Contigit autem non ita multo post, ut ille ipse sicarius graui, ac diuturno oppressus morbo in Monasterium deferretur, eo quippe hominem redegerat egestas, & miseranda morbi vis, atque impotentia, à qua dum in lectulo iacens deportatur, secum ipse cogitare cœpit, non dico quibus oculis, sed quo animo eum ferret, quo irarum æstu, quo impete iustæ ultionis ille ipse, quem suo vitio, atque immanitate cœcum fecerat. Nimirum expectabat omnino, vereba-

S

turq;

turq; ne in frontē, in oculos inuolaret, pœnâq; damnaret talionis. Et certè eam expetebāt per summum scelus crepti oculi, & gratissima lucis huius vsurâ crudeli facinore sublata. Secus tamen accidit; stupendo profecto Christianæ caritatis prodigio. Vbi enim hostem suum adesse sensit cœcus ille noster, vt inter egrorum iaceret agmina propè ab omnibus depositus, rogauit impensissimè Cœnobij Præsidentem, vt sibi liceret ei quale posset obsequium deferre, nihil eo sibi gratius. Hic primum herere, ac mirari Præsides; deinde mirum quantum extollere eximiam viri caritatem, denique & ei benignius annuere. Hic voti sui compos cœcus noster sese prope alijs omnibus expedire, vt huic vni vacaret quam maximè, seque

seque totum impenderet; & certè omnes omnino corporis partes impendit: (si modo oculos excipias) si enim pro ægro curando huc illucque discurrendum erat, ibat ille, redibatque sedulus; si ministrandum, si potus, si cibus porrigendus, & hunc, & illum porrigebat officiosa manus, & longè magis officiosus animus ad spectantium stuporem, & tantæ pietatis miraculum. Nimirum illi cæco mens erat bene oculata, & perspicax animus, cui lucem altiore addiderat omnimoda iniuriarum obliuio, longaque patientia: quam etiam in simili casu, dissimili tamen fortunâ suspexit, & amavit Bohemia.

Mortuo Boleslao tertio sceptrū tenuit Hiaromirius multū ab exte-

Julius
Solima-
nus in
elogijs
Reg.
Bohem.

teris, domesticisque exagitatus, maxime vero ab Vdalrico fratre, quē tamen ipse per summā indulgentiam etiam Regni consortem admiserat. Verum ut insolens, & indomita semper ambitio, Vdalricus Hiaromirium dominationis amplissimæ socium nō tulit, sed etiam per summum nefas oculis orbatum, Regnoq; exutum in ordinem redegit; ut sceptrum regeret ipse solus: & vero rexit aliquamdiu, nec omnino infœliciter, tandemq; & regno, & fatis cessit, relicto etiamtū Hiaromirio superstite: qui quo in fratrem esset animo, qua pietate, qua iniuriarum obliuione fatis ostendit: Nullum certe habuit Bohemia spectaculum illustrius Hiaromirij in fratrem emortuum caritate. Stetit enim hic exoculatus ad
fra-

fratris cadauer, manumque in illud cum extendisset. Sine, inquit, Vdalrice vltimum te tangam, quem videre non possum. Nunquā grauior oculorum iactura mihi visa est, quam hodie. Tuum funus exequor sine lacrymis. Quanquam, qui per oculos nequit erumpere, grauius cor premit dolor: carior mihi oculis fuisti, dum oculos habui, postquam voluisti me oculis carere, corde cariorē habere cœpi. Tuum imperium oculos mihi eripuit, corde me sponte meâ priuauī, volui esse tuum, ac æternum hoc volo. Post hæc in extincti fratris amplexum corruit, attonitis eo amoris spectaculo, ac propè miraculo cœteris. Et iure sane meritissimo, quo enim humana ingenia studio-

potentius ab ijs seu dolo, seu etiam
videtrudi se patiuntur.

Spectasti, beneuole Lector, quid
in purpurâ, sceptroque potuerit in-
signis quædam iniuriarum toleran-
tia, attende quid in infulâ, peditoque
pastorali.

Venustanus Toscaniæ governa-
tor, sub Imperatore Maximiano,
homo ad omnem immanitatem
natus, S. Sabino Episcopo ambas
manus iusserat amputari, duosque
eius Diaconos Exuperantium, &
Marcellum è medio per extrema
supplicia tolli, cum ecce Deus qui
sceleri puniendo semper inuigilat,
impio Præsidi acerrimum oculis
malum immittit, fœdamq; luem,
à quâ illi extinguere penitus, ac peri-
re. Eâ doctus, victusque tyrannus
ad Sanctum Episcopum, velut ad
asylum

asylum recurrit, ut tanto malo re-
medium faciat. Annuit pius Præsul
Sabinus, nec iam manus, sed trun-
ca brachia, & adhuc recenti cruore

Sur. 30.
Decēb.
Baron.
anno.
Christi.
301.

manantia in cælum tollit, Deum-
que orat, atque exorat, suisque pre-
cibus Venuſtano oculos reddit, a-
miſſamque lucis huius uſuram, nec
eam tantum, sed & à ſuperis fidem
ei impetrat, ceu bonæ mentis ocu-
lum. Ita viri ſancti non ſolum æ-
quâ mente illatas corpori iniurias
tolerare norunt, sed & malefacta
benefactis compenſare, exemplo
ſcilicet Seruatoris, qui, ut ait Diuus
Ambroſius, *Cum poſſet ulſciſci, ma-
luit immolari*, cum fulmina de cæ-
lo, ſuperisque ſedibus deuocare, &
in ſclerata capita iacere, maluit il-
lud emittere in pacatiores auras, æ-
ternique Patris aures. *Pater dimitte*

I. Ep. 2.

Serm.
de Pas-
sione.

illis, quia nesciunt quid faciunt. O
verbum magnæ dulcedinis, magni
amoris, & inenarrabilis caritatis :
exclamat D. Ambrosius.

§. 3.

*De iniuria quæ vitam nostram, aut
propinquorum impetit.*

CVM animanti vitâ nihil ferè
carius sit, eam omni ope, ni-
suque tuetur, vbi aduersa vis incur-
rerit: quod si hanc nec eludere pos-
sit, nec frangere: pro summâ habet
iniuriâ ei cedere, & (quod longè
carissimum est) spiritum dare, at-
que per nefas effundere. Et quia in
eo impetitur, summeque læditur
ius, quod cuique relictum est ad
vitam omni ratione, modoque con-
seruandam; fit vt eam quoque in-
iuriâ remittere, eximie cuiusdam,
ac

ac singularis sit caritatis, quæ non tantum elucet ubi proprium iugulum petitur: verum etiam ubi eorum quos nobis natura, sanguisq; iunxit, & eo quidem vehementius, quo vinculum illud fuerit arctius, maiorque necessitudo; qualis est filij ad parentem: ea quippe tanta habetur, ut qui parenti filium sustulerit; unaque etiam parentem sustulisse videatur; nec immerito, quia, ut ait Philosophus; filius aliquid est parentis, & delibata quædam, imò & detracta eius portio: unde fit ut sicuti filio vim inferre, summæ in parentem sit iniuriæ: ita eam remittere incredibilis cuiusdã, miræque caritatis: quo in genere tibi benevole Lector, illustre exemplum dabo, & quidem in fœminâ, in matre, quæ in donandâ

illâ iniuriâ & sexu, & seipsâ quodammodo superior euasit.

Ioânes
Oforius
Con. in
fer. 6.
post Ci-
beres.

Vidua erat, cui vnicus filius, adeoque in oculis, & amoribus, utpote spes vna sui generis, familiæ columen, baculus senectutis, verboque ut absoluiam, bonæ matris corculum, ac deliciæ. Ei ad insignes naturæ dotes, ingenij vim, ac solertiam, formæ quoque decor, & elegantia accesserat: imo & auitus sanguis, maiorum imagines, ac stemmata, indeque apud suos partum nomen atque æstimatio. Verum ut is esset, è medio per summum scelus, sustulit nescio quis terræ filius, & sese ab illo facinore abscondit, ne tantum nefas aut cœlum aspiceret, aut quisquis obuius esset mortalium. Patrati sceleris rumor, primum ad matris aures appellit, dein

dein in oculos venit ipsum quoq;
 exanime filij cadauer. Expectari hic
 potuit, imo & debuit ingens qui-
 dam naturæ sensus, lacrymæ, que-
 stus, lamenta, & fœminei eiulatus:
 nec illi modo, sed & querele graues,
 iræ, iusta indignatio, & vindictæ
 appetentia: quæ ab æquo Iudice
 expectari debuit, imo vrgeri, atque
 extorqueri: nihil tamen horum in
 matre visum: dedit illa plusculum
 naturæ, iustoque dolori, quod reli-
 quum fuit, caritati, & Christianæ
 indulgentiæ: cum enim subintel-
 lexisset sicarium illū, ac filijcidam
 à prætore ad vincula, ad mortem
 queri; hoc apud semetipsam consi-
 lium inijt ab amore, ac miseratione
 quesitum: equum filij exanimis
 illico submisit, bursamque multo
 auro grauem, candidè monens, at-
 que

que opportunè, vt sibi, ac salutis suæ
 fugâ consuleret, præsentique peri-
 culo eriperet. Hoc pietatis, hoc ma-
 tris facinus fuit, quod ibit in poste-
 ros, & sæcula : imò in cælos ipsos
 ex tunc euasit, & pro filio, qui in ig-
 nibus expiatorijs erat, Deum exo-
 rauit : eo quippe loci, ac temporis
 conclaue suum ingressâ pia mater,
 Deo ter optimo, ter maximo sup-
 plex accidit, & pro filij salute non
 sine magno pietatis æstu, & lacry-
 marum imbre instare cœpit : nec
 oranti cælum defuit, & benigna
 Dei miseratio, mox enim in caris-
 simæ parentis cōspectum datus est
 filius clarâ circumfusus luce, sicque
 matrem affatus.

Est quod tibi, Domina mater,
 gratias habeam immortales, ex ve-
 ro enim mihi duplici nomine ma-
 ter

ter es, tum quia terris olim me genuisti, tum quia modo etiam cælis: dum enim inimico, & tuo, & meo veniam dedisti, mihi cælum aperuisti, quod ad annos quamplurimos occlusum erat, erant illi in pennis, & ignibus exigendi, modo in gloriâ, ac beatitate; gaude igitur mater, & virtute tua, & bono meo. Vix hæc ediderat, cum in amantissimæ parentis conspectu sublimis in cælum abire visus. Tantum apud superos potuit indulgentia, atque iniuriarum remissio.

§. 4.

Afferuntur ex Senecâ nonnullæ similitudines quæ solatio sint, cum viderimus viros bonos pro virtute, Deoque pati.

CUm videris bonos viros, ac-
ceptosque Deo laborare, su-
dare,

Libro.
Quare
bonis
viris
mala
accidant.

Filius
est.

dare, per arduum ascendere; cogita illos veluti filios disciplinâ tristiori contineri, nimirum patrium habet Deus aduersus bonos animû, & illos fortius amat, ideoque hic etiam, cælo teste, operibus, inquit, doloribus, ac damnis exagitantur, vt verum colligant robur, languet per inertiam saginata, nec labore tantum, sed mole, & ipso sui onere deficiunt.

Athleta

Cogita Athletas esse, his prima virium cura est, cum fortissimis quibusq; configere, & exigere ab his per quos certamini præparantur, vt totis contra ipsos viribus vrantur, cedi se, vexarique patiuntur. Etsi non inueniunt singulos pares, pluribus simul obijciuntur, & hoc eo tantum vt exerceatur virtus, quæ sine aduersario marcet. Idem profecto

fecto viris bonis est faciendum, nec dura, nec difficilia reformidare debent, neque si accidant, de fato queri, sed potius boni consulere, & in bonum vertere: multum enim interest non quid facias, sed quemadmodum.

Expende si lubet, & alterum mi- Miles.
litem esse, quisquis est bonus, proinde non aliter gaudere debet aduersis rebus, quam fortes milites bellis. Militares viri gloriantur vulneribus, læti fluentem meliori casu sanguinem ostentant, nec amant integri reuerti ex acie, sed saucij: Ita viri probi virtus, quia periculi est auida, gaudet sibi præberi materiam aliquid animosè, fortiterq; facienda: quia vt gubernator in tempestate, in acie miles intelligitur, sic ille in aduersis: de quo dicamus & istud,

istud, non militem tantum, sed & ducem esse, ac sicut in castris periculosa fortissimis imperantur: sic & bonis eadem ab imperatore Deo imponuntur: proindeque quemadmodum in acie nemo eorum qui exeunt, & hostium aut insidijs, aut aperto marti obijciuntur, Imperatori dicet: *malè de me meruit, sed bene iudicauit*; sic dicet & iustus omnis qui à cælo iubetur pati: *bene de me meruit, bene iudicauit. Dignus visus sum Deo, in quo scilicet experiretur quantum humana natura posset pati.*

Disci-
pulus.

Quod si à militiâ abire velis, pedemque tollere à Martio puluere, dic age virum bonum Dei discipulum esse, in quo proinde eam sequatur rationem; quam in discipulis præceptores; qui plus operæ
ab

ab his exigunt, in quibus certior spes est; quia labor optimos citat. Sic altioris discipline arbiter Deus, durè generosos spiritus tentat, quia nunquã virtutis molle documentum est. Ideoque si nos in eã palæstrâ verberat, & lacerat fortuna, patiamur. Non est sæuitia, certamen est: in quo præbendi fortunæ sumus, vt contra ipsam ab ipsâ duremur.

Quod si à comparatione, quæ ab animatis petitur, ad ea gradum facere velis, quæ sensus, & animæ sunt expertia, & in ijs viri fortis, ac iusti symbolum aliquod agnosces.

Spectasti aliquando non sine magno voluptatis sensu, blandâq; oculorum illecebrâ proceram arborem in edito sitam: non est illa Arbor. solida, nec fortis, nisi in eam ventus

T

incur-

incurfarit, ipsa enim vexatione cōstringitur, & radices figit : fragiles sunt, quæ in apricâ valle creuerunt.

Est homo Philosopho iudice arbor inuersa, est iustus velut arbor alta, plantata in vertice prærupti montis : vt esse possit interritus, necessum est vt multum inter formidolosa versetur, & æquo animo ferat, quæ non sunt mala, nisi malè sustinenti ; non esse autem omnino mala probat illa similitudo, quæ à palea & auro duci consuevit.

Aurum.

Malus palea, bonus aurum est, ignis tribulatio : illa ab igne patitur, abit in cineres, & naturam mutat ; hoc à flammâ purius euadit, & adulterinam materiam exuit. Ita iustus omnis quæ alias vitio fuissent, à vexatione deponit ; quia vt ignis aurum probat, sic miseria viros fortes,

tes , à quâ tamen ne miseros putes
illud tibi persuade, Deum huius v-
niuersi Dominum , atque archite-
ctorem cum hominibus fecisse ,
quod cum lignis , aut parietibus
plerumque artifices nostri. Hi vt
oculis illudant improbè parietes
habent extrinsecus cultos, intrinse-
cus autem sordidos : ligna , & tra-
bes ostentant extrinsecus ornatas,
ac splendidas , intus autem exesas ,
& cariem, vitiumque passas.

Sic Deus improbis bona falsa
circumdat, & animos inanes velut
longo, fallaciq; somnio ludit. Au-
ro illos argento, & ebore ornat: in-
tus boni nihil est. Isti quos pro fœ-
licibus aspiciunt nimium creduli
mortales , si non quâ occurrunt,
sed qua latent videâtur, miseri sunt,
sordidi , turpes , ad similitudinem

parietum suorum extrinsecus culti.
Non est illa solida, & sincera fœlicitas: crusta est, & quidem tenuis.
Dum illis licet stare, nitent, & imponunt, cum autem aliquid inciderit, quod disturbet, ac detegat, tunc apparet quantum altæ, ac veræ fœditatis alienus splendor abscondet. Non sic cum probis agi voluit rerū omnium author Deus. Omnia mala ab illis remouit, scelera, & flagitia, & cogitationes improbas, & auida consilia, & libidinem cœcam: bona vero certa dedit, & mansura. Quæ scilicet honestatis, quæ virtutis sunt. Non fulgēt illi extrinsecus, bona sua intrinsecus obuersa habent; & iure sane meritissimo, altus enim animum, cælo, Deoque natus exteriora contemnit, spectaculo sui latus, ut qui intus omne posuit bonum.

Hoc si assequaris, mi Lector, si tuâ te virtute semper inuoluas, nullus vnquam euoluet, nedum euer-
tet casus.

§. 5.

Nonnulla subsidia ad patientem quarumvis iniuriarum possessionem.

IN ijs, quæ nos circumueniunt, vrgentq; malis, plerumque plus damus opinioni, quâ veritati: quod in conuitijs, atque iniurijs maxime euenire solet: in his sæpe plus opinione premimur, quàm vero dâno.

Plura sunt, inquit Seneca, quæ Ep. 13.
nos terrent, quam quæ premant, & sæpius opinione, quam re laboramus. Cito accedimus opinioni. Non coarguimus illa, quæ nos in metum adducunt, nec excutimus, sed trepidamus. Nescio quomodo magis vana

perturbant. Vera enim modũ suum habent. Hęc Seneca, cuius pronuntiatum maximè verum est in iniurijs, quæ bonam famã impetunt.

In eam hostis tuus incurrit verbulo, & linguâ petulante, credis ab eâ multum tibi inferri damni: opinaris sinistram de te alijs ingeri opinionem: & tamen ex vero calumnijs illis, quæ in te iactantur, magis vapulant inanes auræ, quam aures mortalium: quia plerumque illis nulla habetur fides: ideoque tollendus etiam metus, qui in te ex ijs suboritur; quia, vt pulchrè Seneca. *Nulli tam perniciosi, tam irreuocabiles, quàm lymphatici metus sunt. Cæteri enim sine ratione, hi sine mente sunt,* & ij quandoque & sæpius sunt, qui è conuitijs malè fufis in nobis enasci solent.

Verùm

Verum concedamus illud; ab illis verum damnum importari, & lacerari apud alios famam nostram; quantum istud est malum? tantum; quantum à nebulâ soli obiectâ.

Solis vis, & lux integra est, etiâ inter opposita; & quamvis aliquid interiaceat, quod nos prohibeat eius aspectu, tamen in opere est, cursu suo fertur. Quoties inter nebula luxit, nō est sereno minor, nec tardior quidem. quoniam multum interest, utrum aliquid obstet tantum, an impediat. Eodem modo virtuti opposita nihil detrahunt, non est minor, sed minùs fulget. Nobis forsitan non aequè apparet, ac nitet; sibi eadem est, & more solis obscuri, in occulto vim suam exercet. Hoc itaque adversus virtutem possunt calamitates, & damna, & iniuriæ, quod ad-

uersus solem potest nebula. Sicuti ergo si soli sua mens esset, ac intelligentia, non excandesceret, non efferreretur impete quodam, æstuque passionum, ex eo quod aspiceret oppositam sibi, suisque radijs nebula: quia ab illâ nihil omnino sibi decedere sentiret: sed potius alijs, & huic mundo sublunari: Ita fortis, & generosus animus, cum audit sibi, suoque nomini, ac bonæ famæ, ceu soli obtrudi dēsam aliquā calumniæ nubem; ne ferat iniquius, ne exardescat irâ, ne mœrore se conficiat, satis conscius innocentiae suæ, ac virtutis, cui sua lux illibata, suus semper est splendor, & idem omnino cursus ad æternitatem.

Quod sum, inquebat olim Nazianzenus, hoc maneo, siue maledictis afficiar, siue laudibus in cœlum ferar.

*ferar. Quantum petram spuma, aut
pinum auræ, tantum me linguae cir-
cumfluunt.*

Orat.
14. n. 15.

A duobus similitudinem petit inconcussæ mentis. Primum quidem à spumâ, & salivâ æstuantis oceani, quæ cum sit auræ, ventorumque ludibrium, huc, illucque iactatur, & si ad petram appellit, illico frangitur, ac dissilit.

Alterum propositæ similitudinis caput est à pino, aliaue arbore procerâ, quæ cum altis hæreat infixæ radicibus tumultuâtes ventos, & nequicquam frementes Euros immota ridet.

Sic iustus omnis, ceu petra in medio huius vitæ oceano, auras temnit, & æstus, spumamque, si forte incurrerit, dispergit, sua semper mole constans: ceu etiam alta

T 5 pinus,

pinus, quæ ventis concuti potest ;
 excuti omnino, aut suâ sede locoque
 moueri non potest ; quia aduersus
 hæc omnia suâ semper virtute se
 inuoluit, ac tuetur. Secum enim lo-
 quitur, secum agit, tacitisque cogi-
 tationibus se reuocat ad forum ani-
 mi, proponitque illud ipsum, quod
 olim sibi D. Nazianzenus. *In iniu-*
Supra. rijs quicquam, inquebat, huiusmo-
di mecum ipse commentor. Si falsa
obijcit accusator, non me magis,
quam eum, qui loquitur, hæc oratio
tangit. Si vera, me ipsum potius,
quam eum, qui loquitur, accusabo. A
me enim illa sermonis materia sub-
ministratur, non autem illius sermo
causa est, quod talis sim.

Eodem omnino clypeo se tegit
 Simplicius aduersus emissâ verbo-
 rum iacula; neque vero, inquit, rem
 grauem

grauem esse contumeliam inde constat. Aut enim verum est crimen, aut falsum : si verum cur molestè ferimus veritatem? cur facere non piget, audire piget? si falsum, ille, qui mentitur læditur.

In En-
chi. c.
37.

Iisdem etiam rationibus se ipsum, suosque affleclas erexit Seneca.

Ad contumelias, inquit, despicendas, non sapienti opus est viro, sed tantum conspicienti, qui sibi possit dicere. *Vtrum merito ista mihi accidunt, an immerito? si merito non est contumelia, Iudicium est. Si immerito, illi, qui iniuriam facit, erubescendum.*

Hæc eleganter, & neruosè Seneca, in libro ad Serenum, quod in sapientem non cadit iniuria, è quo tibi pauca reddam, beneuole Lector, atque ex eius scriptis velut areolis floscu-

300 DE FORTITVDINE
flosculos legam, & apīs matinae
more, modoque mella libabo.

§. 6.

In Sapientem non cadit iniuria.

SToici virilem ingressi viam,
pronuntiarūt sapientem terris
eripi oportere, & velut in editum
verticem educi, adeoque extra om-
nem teli iactum surgere, & supra
fortunam eminere.

Atque cum fuisse volunt Cato-
nem, qui cum ambitu congressus
multiformi malo, & cum poten-
tiae immensâ cupiditate, quam to-
tus orbis in tres diuisus satiare non
poterat, aduersus vitia ciuitatis de-
generantis, & pessum suâ mole si-
dentis, stetit solus, & cadentē Rem-
publicam, quantum modo vnâ
manu retrahi poterat, retinuit, do-
nec

donec vel abreptus, vel abstractus comitem se diu sustentatae ruinae dedit: simulque extincta sunt, quae nefas erat diuidi. Neque enim Catō post libertatem vixit, nec libertas post Catonem.

Hæc vbi de Catone magnificè extulit Seneca, tū hanc infert quaestionem. *Huic tu putas iniuriam fieri à populo potuisse, quod aut praetura illi detraxit, aut togam, quod sacrum illud caput purgamentis oris asperfit?*

Vbi hæc contumeliarum genera iactauit, tum audacter, & liberè profert aduersus ea tutum omnino Catonem, tutum sapientem fuisse, nec ullâ affici, aut iniuriâ, aut contumeliâ potuisse; quod vt euincat, statuit illud quod extra controuersiam est; non de fore qui sapientem laceffat,

laceſſat, qui tentet; non tamen ideo qui lædat, qui vulneret : eſt enim *inuulnerabile*, non *quod feritur*, ſed *quod non læditur*, atque ex hac notâ ſapientem exhibet Seneca; aliâ atque aliâ ad rem appoſitâ ſimilitudine.

Vna petitur ab adamante, qui nec ſecari, nec cædi, nec teri poteſt, ſed incurrentia vltro retundit.

Altera ducitur ab ijs, quæ non poſſunt igne conſumi : ſed flammâ circumfuſâ rigorem ſuum, habitumque conſeruant.

Alia à ſcopulis, qui in altum proiccti, mare frangunt, nec vlla ſæuitiæ veſtigia tot verberati ſæculis oſtentant.

Poſtrema à cælo, & ſole, qui tanto interuallo à contactu inferiorû abductus eſt; vt nulla vis noxia
vſque

vsque ad illum vires suas proferat;
 & quamuis tela, aut neruo, aut tormentis alijs in altum exprimantur, citra cælum tamen flectuntur. Unde stolidus fuit ille Rex, qui cum multitudine telorum diem obscurasset, credidit aliquam sagittam in solem incidere potuisse. Sic & stultus, & amens erit ille, qui maledico ore, ceu sagittâ tangi posse sapientem credet: citra illum vis omnis, impetus omnis deficiet.

Rationes si quæras, cæ aliæ sunt, atque aliæ. Vna quidem, quia etsi iniuria propositum hoc habeat, aliquem malo afficere, malo tamen sapientia non relinquit locum. Vnum enim malum ei est turpitudine; quæ introire eo, vbi iam virtus, honestumque est, non potest.

Altera ratio, cur ad sapientem
 non

non perueniat iniuria, est, quia omnis iniuria diminutio eius est, in quem incurrit. Nec potest aliquis iniuriam accipere sine aliquo detrimento vel dignitatis, vel corporis, vel rerum extra nos positarum: sapiens autem nihil perdere potest; omnia enim in se reposuit, nihil fortunæ credit: bona sua in solido habet, contentus virtute, quæ fortuitis non indiget.

Ex quibus id conficit Seneca, sapientem nihil perdere, quod perire sensurus sit. Vnius enim in possessione virtutis est, ex quâ depelli nunquam potest: cæteris precario utitur.

Et quia dictum illud audax, ne parum fidei habeat, sponso rem dat Stiliponem Philosophum, quem ego etiam Christianis velim esse

pro-

propositum. Rogatus ille à Demetrio, qui Megaram cœperat, num quid perdidisset? nihil, inquit, omnia namque mea mecum sunt. At qui & patrimonium eius in prædam cesserat, & filias rapuerat hostis, & patriam. At ille victoriam illi excussit, & se vrbe captâ non inuictum tatum, sed indemnem esse testatus est. Habebat enim secum vera bona, in quæ non est manus iniectio. At ea quæ dissipata, & direpta ferebantur, non iudicabat sua, sed aduentitia, & nutum fortunæ sequentia. Erat ille sensus Philosophi; ideo insultanti hosti, quod omnia rapuisset, non minus liberè, quam verè respondit.

Solus ego hostilia circa me omnia videns, tamen integrum, incolumemque esse censum meum profiteor;

V

fiteor;

fiteor ; tenco, habeo, quidquid mei
 habui. Non est, quod me victum,
 victorem te credas. Vicit fortuna
 tua fortunam meam. Caduca illa,
 & dominum mutantia, vbi sint
 nescio. Quod ad res meas pertinet;
 mecum sunt, mecum erunt. Per-
 diderunt isti diuites patrimonia, li-
 bidosi amores suos, & magno
 pudoris impendio dilecta scorta :
 ambitiosi curiam, & forum, & lo-
 ca exercendis in publico vitijs de-
 stinata : fœneratores perdiderunt
 tabellas suas, quibus auaritia falso
 læta, diuitias imaginatur. Ego qui-
 dem omnia integra, illibataque ha-
 beo. Illis eripuit fortuna quod de-
 dit, mihi virtutem, quam non de-
 dit, nō detraxit: eâ saluâ etiam salua
 omnia, quæ mea duco. Hæc ille
 Philosophicè, hoc est omnino ve-
 rè, & sapienter.

Et hoc primum argumentum quo probat sapiētem lædi non posse: alterum est illi affine atque eiusmodi. Quod validius debet esse quod lædit, eo quod læditur. Non est autem potior nequitia virtute, non potest ergo lædi sapiens; neq; à malis, quia ipse bonus est, adeoq; illis validior; neque à fortunâ, quæ quoties cum virtute congressa est, nunquam par recessit. Quod si fortune iniurias moderatè fert sapiens, quanto magis hominum potentium, quos scit fortunæ manus esse.

Alterum argumentum, quo cōtendit sapientem effugere iniurias omnes: est quia nescit nec in spe, nec in metu vivere: imo nec in irâ quam excitat iniuriæ species: quod si caret irâ, caret & iniuriâ; etiam illâ

illâ, quæ petitur à dicto, factouë inhonorifico.

Puilli homines amant videri, digito monstrari, & dicier hic est: amant primas cathedras, & primos in epulis accubitus: hinc illæ abiecti animi querelæ: Ille me hodie non admisit, cum alios admitteret; non in medio me loco, sed imo collocavit. Et hæ sunt voces nauseantis animi, in quas fere delicati, & fœlices incidunt; non autem sapiens; hic enim à nullo contemnitur, quia magnitudinẽ suam novit, nulliq; tantum de felice renuntiat sibi, & omnes has, quas, non miseras animorum, sed molestias dixerim, non vincit, sed ne sentit quidem.

Alia sunt, quæ sapiẽtem feriunt, etiamsi non peruertunt, vt dolor

cor-

corporis, amicorum, liberorumq;
 amissio, & patriæ bello flagrantis
 calamitas. Hæc non nego sentire
 sapientem, nec enim lapidis illi du-
 ritiem, ferriue asserimus. Nulla vir-
 tus est, quæ non sentias, perpeti.
 Qui ergo ab eâ iniuria immunis
 sapiens? ideo certè, quia eos qui-
 dem ictus recipit, sed receptos euin-
 cit, sanat, & comprimit. Sed & aliæ
 sunt cogitationes, à quibus ingens
 animi firmitas: habet enim sapiens
 hunc affectum erga omnes, quem
 aduersus ægros suos medicus, quo-
 rum nec obscœna, si remedio egêt,
 contrectare; nec reliquias, & effusa
 intueri dedignatur, nec per furo-
 rem sæuientium excipere conuitia.

Scit sapiens omnes hos, qui to-
 gati, purpuratique incedunt, colo-
 ratos, maleque sanos esse, quos non

310 DE FORTITVDINE

aliter videt , quàm ægros intemperantes , itaque ne succenset quidem si quid in morbo petulantius ausi sint: quis enim aut phrenetico medicus irascitur ? quis febricitantis maledicta in malam partem accipit ? quod si illa ne vnus quidem mortalium , certè neque hæc sapiens.

Aliud, quod pro singulari remedio vult esse Seneca, est, iniuriam illatam ne agnoscere quidem exemplo Catonis, cui cum os percussum esset, non excanduit, nō vindicauit iniuriam ; ne remisit quidem , sed factam negauit. Maiore animo nō agnouit, quam ignouisset.

E vulgo vnus aliquis & agnouisset, & quod erat virtutis, forte etiam ignouisset : at nec agnoscit, nec ignoscit Cato : quia nimirum non it
sapiens

sapiens qua populus, sed vt sidera contrarium mundo iter intendunt, ita hic aduersus opiniones omniū vadit.

Denique pro coronide viro sapienti inter iniurias, & cōtumelias id agendum docet Seneca, quod militi: memor in prima acie altos ordines stare, contumelias, & verba probrosa, & ignominias, & cœtera dehonestamenta velut clamorem hostium ferat, & longinqua tela, & saxa sine vulnere circa galeas crepitantia. Iniurias vero vt vulnera, alia armis, alia pectori infixæ, nō deiectus, ne motus quidem gradu sustineat. Etiam si premeris, & infestâ vi vrgeris, cedere turpe est. Assignatum à naturâ locū tuere. Quæris quis hic sit locus? Viri.



LIBER TERTIVS.

PROOEMIUM.

De fortitudine, constantiâq; Christianâ in malis publicis.

MAla publica, quæ nobis obuenire solent, ad tres omnino classes reuocari possunt : quædam enim dicuntur, & sunt fortunæ mala, quædam corporis, alia mentis.

Ad mala fortunæ pertinent agrorum vastationes, & incendia; Urbium, Prouinciârû, Regnorum casus, ac ruinæ, & ex ijs relictæ paupertas, & angusta domi res.

Ad mala corporis spectant morbi, pestilentia, ægritudines, eæ maximè quæ medicis *fiderationes* appellantur:

pellantur: quia allatæ à maligno quodam sidere, iratoque cœlo. Et hæ vel vni tantum regioni particulares, vel etiam Vniuerso communes.

Ad animi mala referuntur magna morum inclinatio, peruersitas generis humani, & maligna quædam scelerum illuies, à qua vir etiam fortis concutitur, atque ingemiscit.

Aduersus hæc omnia suum erit à fortitudine præsidium, atque imprimis ab illis, quibus ipsa suos afsecclas instruit commentationibus, quas ego breui compendio complectar.

V

CA



CAPVT I.

Fieri quam sæpiſſime ſolet, vt eadem omninò calamitas & pios ſimul, & impios inuoluat: aliter tamen atque aliter: his enim vt

Lib. 5. diſertè notat Curtius, *calamitas querula eſt, & ſuperba fœlicitas*: illis autem & aduerſitas ſine querela, & proſperitas ſine timore eſt. Illis

Polydor. *calamitas illuſtris ad gloriam*: His ad dedecus, & ignominiam infamis. Tam huius quam illius rationem ſi voles, ea eſt: quod quiſquis eſt iuſtus, is ad chriſtianæ fortitudinis aſylum cõfugiat, ab eo autem longius recedat iniuſtus: Vt illum imiteris, amice Lector, pauca tibi ſub oculos ponam, vel monita, vel præcepta.

§. I.

In malis publicis remedium, ac solatium peti debet à diuinâ providentiâ, quæ ea vel facit, vel patitur.

ERit forte quispiam altioris animi, quàm vt priuatis malis cedat : at publicis concedet ille, atque ijs se concuti, ac de constantiâ suâ deijci patietur. Nimirum viro bono grauior accidit communis omnium calamitas, quàm vel sibi, vel vni cuiquam propria, quia vt commune bonum priuato est anteponendum, ita & malum vniuersale particulari fugiendum est magis, atque detestandum : nec illud inficiari velim ; sed id tantum ne quis in eo casu abiectiores sit animo, sed erecto semper, atque elato memor illius quod pulchrè Seneca.

Calamitas, virtutis occasio est.

Libro.
Quare
viris bonis.

Eius maximè, quæ cœlum suspicit, & ad diuinam prouidentiam respectat; neque ad hæc inferiora sese deturbari patitur; vt quasi vno oculo cœlum, altero terram intueri velit: quod foret omnino vitiosum.

Similitudinē.
c. 63.

Pulchrè D. Anselmus: humano corpori duo sunt oculi, ceu gemæ, ceu soles illius Mycrocosmi, & hi eodem omnino sese flectunt, vertuntque: neque hic obiectam sibi rem aspicit, quin & eandem videat ille: perinde ac si foret vnicus: ita quippe à naturâ, hominifque conformatione consentiunt, atque conspirât oculorum orbis, vt non duos dixeris esse, sed vnicum: secus si fecerint, non naturæ, sed vitio erit adscribendum.

Quod corpori, lutæque moli
est

est oculus, hoc animo mens, & intelligentia, quæ eodem vergere debet, non in diuersa rapi, nec terras modo, & ea quæ apud nos geruntur mortalia, sed cœlos tantum, & ea quæ à superis sunt contemplari.

Ita nos qua verbo, qua etiam exemplo docuere veteres illi Sophi; qui de fato, & ineuitabili, vt aiebāt, necessitate ea protulerunt, quæ nos saniore cōsilio, menteque, de diuinâ prouidētiâ sentiemus. De illo ita Seneca, doctè, vt solet, ac neruosè.

Scio omnia, certâ, & in æternum ductâ lege decurrere. Fata nos ducunt. Et quantumcumq; restet, prima nascentiû hora disposuit. Causa pendet ex causâ, priuata, & publica longus ordo rerum trahit. Ideo fortiter omne ferendum est; quia non vt putamus incidunt cuncta, sed veniunt.

Ibidem.

veniunt. Olim cōstitutum est quid gaudeas, quid fleas, & quamuis magnâ videatur varietate singulorum vita distingui, summa in vnū venit.

Accepimus peritura perituri. Quid ita indignamur? quid querimur? ad hoc parati sumus. Utatur, ut vult, suis natura corporibus. Nos læti ad omnia, & fortes cogitemus nihil perire de nostro. Quid est boni viri? præbere se fato. Grande solatiū est cum vniuerso rapi. Boni, inquit, viri est præbere se fato, christianè dixerim præbere se Diuinæ prouidentiae, cuius cursus humana omnia vehit etiam ea quæ in malis reponimus, cuiusmodi sunt insanæ mortalium cædes, agrorum incendia, Urbium, Prouinciarum, Regnorum vastationes, ipsaq; etiam, si voles, strages, ac ruina vniuersi, quam

quam si spectet è cælis Deus, atque etiam immittat: quidni eam excipiat pusillus in terris homuncio, cuius est fata, seu potius Deum sequi, non ducere; neque curiosius causam cur ea fiant, inuestigare. Ut enim doctè Saluianus.

Quam ob causam mala in hoc mundo Deus fieri permittat, nolo à me requiras: homo sum, non intelligo: secreta Dei inuestigare non valeo, & ideo tentare formido: quia & hoc ipsum genus sacrilegæ temeritatis est, si plus scire cupias, quam finaris. Sufficit tibi quod Deus cuncta à se agi, atque dispensari testatur. Et sicut plus est Deus, quam omnis humana ratio: sic mihi plus videri debet, quod à Deo cuncta agi cognosco. Et eâ quidem prouidentiâ, quâ ut piè D. Gregorius.

Contra
Gentes.

Sic

Sic intendit singulis, ac si vacet à cunctis, & sic omnibus simul intendit, ac si vacet à singulis. Ex illâ porro & amabili, & mirabili erga res omnes curâ fit, vt omnia contingant eius nutu: quo enim potius?

Est Deus custos, rectorque vniuersi, & velut animus, ac spiritus mundi, & huius operis dominus, & artifex: cui, vt ait Seneca ex suo sensu non omnino malè, omne nomen conuenit.

25 Mo-
ral.c.
19.

Vis illum, inquit, vocare fatum? non errabis: hic est ex quo suspensa sunt omnia, ex quo sunt omnes causæ causarum.

Lib.
Natur.
quæst.

Vis illum prouidentem dicere? rectè dicis. Est enim cuius consilio huic mundo prouidetur, vt concussus exeat, & actus suos explicet. Vis illum naturam vocare? non peccabis.

bis. Est enim ex quo nata sunt omnia, cuius spiritu uiuimus. Vis illum vocare mundum? non fallêris; ipse enim est totum quod uides, totus sui partibus inditus, & se sustinens, & sua. Hæc de Deo philosophatus Seneca.

Quod si Deus totum est, quod uides, non quidem ut loquuntur Theologi *formaliter*, sed *eminenter*: quia totum uniuersum in se ipse stringit, ac continet summâ perfectione, nullâque communione imperfecti: quod si, inquam, & totum sic est, & totus sui partibus inditus, si & se sustinet, & sua, quid a deo anxiam uoluis, fatigas, & torques animam tricubitalis homo? quid ingentibus curis & dies, & noctes implicas? quasi in tuos humeros, caputque decideret ea, quam a-

X

nimo

nimo meditaris, aut vrbium, aut
prouinciarum ruina; quasi cælos
sustineres ipse velut alter Athlas,
ruentemque mundum: maneat is
apud superos labor, sit ista cura pe-
nes Deum tuum, moderatorem v-
niuersi: Tu eâ vacuus esto, & ca-
sum, quem declinare nō potes im-
motus animo sustine; altiorique
prouidentia cede.

Ep. 71. *Magnus animus, inquit Sene-
ca, Deo paret, & quidquid lex uni-
uersi iubet, sine cunctatione patitur:*

§. 2.

*In publicis calamitatibus solatio est
meditatio vicissitudinis, senectutis,
& occasus rerum omnium.*

Seneca de Catone hæc magni-
ficè prædicat. Eodem die, quo
præturâ repulsus est, luisse: eâdem
nocte, quâ periturus erat, legisse.

Ni-

Nimirum eodem loco habuit, & præturâ, & vitâ excedere; quia omnia, quæ acciderent, ferenda esse persuaserat sibi; nec priuata tantum mala, sed & publica, quale fuit reipublicæ inclinatio, atque occasus, quem ille forti, & æquo animo est passus; vel hac vnâ tantum meditatione, quod nihil mutationis periculo exceptum sit. *Non terra, non cælum, non totus hic rerum omnium contextus, quamuis Deo agente ducatur. Non semper tenebit hunc ordinem, sed illum ex hoc cursu aliquis dies deijciet. Certis eunt cuncta temporibus, nasci debent, crescere, extinguui. Quæcumque vides super nos currere, & hæc quibus innixi, atque impositi sumus, veluti solidissimis, carpentur, ac desinent. Nulli* Ep. 71. *non senectus sua est. Inæqualibus ista*

*spatiis eodē natura demittit. Quid-
quid est, nō erit, nec peribit, sed resol-
uetur. Nobis solui, perire est. Proxi-
ma enim intuemur, ad vltiora
non prospicit mens hebes, & quæ se
corpori addixerit. Alioquin fortius
sui, suorumq; finem pateretur; si spe-
raret omnia illa sic in vitam, mor-
temq; per vices ire, & composita
dissolui, & dissoluta componi: in hoc
opere eternam artem cuncta tempe-
rantis Dei verti.*

Hæc olim ad Lucilium Seneca,
vt ei faceret animos, omni fortunâ,
casuque altiores, vt qui apud se re-
poneret illud, æternam artem om-
nipotentis Dei in eo verti, vt per
vices & composita dissolueret, &
dissoluta componeret, suumque
vnicuique finem statueret: Quod
vt fidei, memoriq; serues men-
te,

te, velim amice Lector, etiam singula expendas verba, & æqua lance penſes.

In hoc opere, inquit Seneca; quaſi illud vnum ſupremi artificis ſit opus, vniuerſa, quæ ſub cælo, ſole-que ſunt, mutare, & omnia pro ſua voluntatè, arbitrioq; vertere, atque, cum ita viſum fuerit, euertere; quod ipſum non huius diei, imò nec cui conſilium eſt, ſed æternitatis: hinc *æternam artem* appellat: quia iam inde ab ipſâ retro æternitate inuenta, & ſcripta, non in ceris, aut membranis, ſed in altiffimâ, diuinâque primi authoris mente, & quidem non temerè, ſed ex arte.

Nos abicctæ in terras animæ, & cæleſtium inanes, quibus ad ſuperiora caligat oculus, & animus, cū eas rerum omniū mutationes aſpe-

Etamus casu quodam fieri credimus, impeteque cœco causarum in se, suâque operâ ruentium, re tamen ipsâ, non est ita; fiunt enim uero, fiunt ex arte omnia, & æternâ quidem, adeoque cœlesti, immutabili, diuinâ; quæ & artis humanæ insana molimina, & ipsa naturæ opera susque deque vertit. Vt enim ille ipse Seneca, quo auctore lubens vtor.

Ep. 91. *Non tantum manufacta labuntur, sed & ipsius naturæ opera vexantur. Et ideo æquo animo ferre debemus vrbiû excidia, & quoscumque in humanis casus, quia casura omnia extant, omnibus exitus manet.* Eundum velis, nolis, per ipsas fatorum, diuinæque prouidentiae vias, scriptasque cælo leges: à quibus *omnia mortaliū opera mortalitate*

litate damnata sunt : nullaque res Ep. 91.
quantumuis magna non aliquod ha-
buit ruinae suae spatium. In hac sepe
una nox interfuit inter urbem ma-
ximam, & nullam. Proindeque sa-
pienti in plenum cogitanda fortu-
na est, & ante oculos fortis huma-
ne conditio ponenda, & quod alijs
euenit, nobis euenire posse prae-
sumendum.

Quoties Asiae, quoties Achaiae
 vrbes vno tremore ceciderunt? quot
 oppida in Syria, quot in Micedo-
 niâ deuorata sunt? Cyprum quo-
 ties vastauit hæc clades? quoties in
 se Paphus corruit? frequenter no-
 bis nuntiati sunt totarum urbium
 interitus, imò prouinciarum, atque
 regnorum. Quod in illis annuen-
 te cælo visum est, non inuiti etiam
 in alijs, cum à Deo statutum fuerit,

patiamur : vt enim animanti sua est ætas, suaque senectus, ita & rei-publicæ, & florenti quantumuis imperio : vti surrexit illud, ita & concidet. Sed magna, inquires, sunt ista. Ardere ciuitates opulentas, magnificas, nobiles, & sic earum eradi vestigia, vt nec quicquam extet, ex quo appareat illas saltē fuisse. Certè *magna ista, quia parui sumus, credimus: multis rebus, non ex naturâ suâ, sed ex humilitate nostrâ magnitudo est* : Quod ipsum vt in alijs plerisque; ita & in hoc de quo agimus, agnouit aliquando Hipponensis Præsul, æuique sui gloria, magnus Augustinus.

Lib. 3.
nat. qq.

Venerat ille ad extremam ætatem, & annis, & vero etiam meritis grauem, cū ecce ingens calamitas, & veluti quedam hostium illuuias

ex

ex Hispanijs in vniuersam Africam
 sese effudit: mixtæ erant Vandalorum,
 Gotthorum, & Alanorum acies, à
 quibus ita perijt Africa, vt in
 eâ tres tantum vrbes ab eâ irruptione,
 cladeque liberæ forent. Videlicet
 Carthaginensis, Hipponensis,
 ac Circensis: vbiq; locorum summa
 vastitas, ac solitudo; deserti agri,
 excisa oppida, dirutæ vrbes, expilata
 Ecclesiæ, profana, sacraque omnia
 violata. Ipsa Hipponensis vrbs
 grauissimâ obsidione pressa, deditionem
 cogitabat: non fecit tamen viuo, ac
 spirante Augustino: cadentē ille
 Rempublicam quantum modo potuit,
 retinuit; donec à morte vel abreptus,
 vel abstractus se quodammodo comitem
 diu sustentatæ ruinæ dedit: simulque
 extincta sunt, quæ nefas erat diuidi.

X 5

Neque

Neq; enim Augustinus post christianam libertatem vixit, neque libertas christiana post Augustinũ. Ideoque eo sublato statim florentissimæ ciuitatis facta deditio est; quam animo dum longè ante prospiceret, simulq; carissimæ prouinciæ calamitates, communeque excidium, hoc sapientis pronuntiato se ipse solabatur, mœroremque diluebat. *Non erit magnus, magnum putans, quod cadunt ligna, & lapides, & moriuntur mortales.*

Possidon. in
eius vi-
tâ. c. 28.

Quid aliud oppida sunt, & vrbes quam ligna, & lapides, inter se arte quadã, & industriâ compacti? quid regię, & insana palatiorum molimina, ac substructiones? quid ingentes murorum minæ nisi lignorum strues, & aceruus lapidum inter se ingeniosè composita ad vsum generis

generis humani ? Hæc igitur sua mole ruere, quid aliud est, quam ligna, & lapides cadere, atq; dissolui, & hoc magnum putabis? nō putabis, vel enim uero nō eris magnus.

§. 3.

*Sapienti nec nouas, nec miras videri
debere publicas calamitates.*

IN hoc argumento, vt alijs multis, verissimum illud sapientis : *Nihil sub sole nouum.* Etsi enim nobis trudatur dies die, nouæque pergant interire Lunæ, nunquam tamen ex toto interit publica calamitas, sed alia ex alijs enascitur, vt enata omnibus retrò actis iam sæculis; adeoque nec noua, nec mira cuiquam videri debet.

Circulantur, inquit Lipsius, cotidie hæ clades, & orbe quodam
L. 2 de
Const.
c. 26.
 cunt .

cunt per hunc orbem, vt potius mirum videatur illud, si exlex quispiam sit ab hac communi lege, nec onus ferat, quod ferunt omnes. Solon amicum quemdam Athenis plus equo lugentem in editam arcem deduxit, & subiectas omnes in magna vrbe ædes ostendit; addiditq; illud sapiētis. Cogita quam multi luctus sub his tectis olim fuerint, nunc versentur, postea futuri sint: ac mitte mortalium incommoda tanquam propria, & noua deflere.

Quod illi factum, dictum uē, hoc cuiq; nostrum & fieri, & dici velim in magno isto mundo. Sed quoniam re non potest, fiat cogitatione; ea quippe libera est, atque expedita. Statuat illa vnum aliquem in altissimo cœli vertice, è quo velut

lut è speculâ despiciat subiectum
 quidquid est sublunare ; vrbes ,
 prouincias , regna , imperia veluti
 septa quædam cladium humana-
 rum, & amphiteatra, in quibus vi-
 santur cruenti fortunæ ludi : & ve-
 lut arenæ in quibus non cum be-
 stijs luctandum est miserabili sanc-
 spectaculo: sed cum genere nostro,
 & quasi nobiscum ipsis: quidni e-
 nim dixero nos cum nobis ipsis
 pugnare, vbi cum homine, eius-
 dem nobiscum naturæ cōsorte pu-
 gnamus : & hanc terram veluti
 punctum ferro diuidimus.

Ita diuisa pridem Germania bel-
 lis, ac motibus intestinis : ita diuisa
 Gallia, Italia, & Belgium vno pro-
 pè sæculo ; quo dici potuit belli,
 Martisq̃ue theatrum.

Et hæc quidem sunt calamitates,
 quas

quas nostra vidit, & sensit ætas, sed nec miræ nec nouæ sunt illæ, his similes, imo maiores tota quanta est, spectauit Antiquitas, & in ijs cædes mortalium longè maximas.

Ordiamur à Iudæâ regione, & gente sacrâ: quid non est passa seu in Ægypto exule terrâ, & arente solo, seu ciuili, externoque bello? vt non exponam omnia per indicem singillatim; in vna vrbe Hierosolymâ, per omne tempus obsidionis, mortui, aut cæsi, deciescentena millia, capti vero nonaginta septē millia.

Quid Græcos memorem, & cultissimam olim regionem, quæ adeo bellis attrita, vt Plurarchus tradiderit eam vniuersam non fuisse suo æuo conficiendis *tribus millibus militum*, ecce vt ferro attonsa, atque

De def.
orac.

atq; exhausta. Non potest vniuersa regio, quod in eâ prius oppidulum potuit.

Quid Italiam, ac Romanos in theatrum euocem, quæ in ijs, & quam effusa maria malorum, quæ cædes, ac strages, quæ prouinciarû vastationes? Bello Punico secundo in solis Italiâ, Hispaniâ, Siciliâ supra quindecies centena hominum millia non totis septemdecim annis cõsumpta. Bello ciuili Cæsaris, & Pompei ad millia trecenta. Sub vno Cæfare, vndecies centena, & nonaginta duo millia hominum aduerso ferro periere. Scilicet has ille in externos strages edidit, vt taceam eas, quas suis ipse, ciuilibus bellis intulit. Omitto Q. Fabium, qui centum decem Gallorum millia: C. Marium, qui ducenta Cambrorum:

brorum : Ætium, qui Catalaunico prælio centum sexaginta duo milia prostrauit, ac cecidit. Diceres profecto hominum greges sic ster-
ni, vt segetes à falce. Habes, amice Lector, & his in bellis censes innu-
mera prope hominum cadauera,
vide & oppidorum.

Cato ille Cenforius gloriatur plura se in Hispania oppida cepis-
se, quam dies in ea egerit. Sempro-
nius Gracchus trecēta in ea deleuit.

Mitto cetera, quæ longum esset recensere, atq; ex his conficio, viro sapienti, qui prima sæcula cum po-
stremis componet, nullam esse, aut videri posse nouam, & miram ca-
lamitatem : sed potius & antiquam & vsitatam, imo cum ipso orbe natam, nec desituram, nisi cum il-
lo. Quæ vna cogitatio & solatio
esse

esse poterit, cum similia in ætatem nostram incurrent mala, & remedio, nè ijs se deijs, aut etiam depri-
mi animus patiatur.

§. 4.

*Publica mala à Deo immitti ad casti-
gandam sæpius in hac vitâ insignem
hominum malitiam: ne eam grauius
puniat in æternitate, & hoc viro
forti, ac iusto solatium.*

TErtullianus, vt solet ingenitâ
magnæ mentis solertiâ, &
cōcitâ eloquentiæ vi, ac facundiâ,
describit infana hominum studia,
insolentem auaritiam, habendiq;
libidinē, cui vix vnus orbis sufficit.

*Omnia, inquit, iam peruia, om-
nia negotiosa, solitudines famosas
retro fundi amœnissimi obliteraue-
runt, sylvas arua domuerunt, feras,
pecora fugauerunt; arena serun-
tur,*

Lib. de
anima
c. 30.

tur, saxa panguntur, paludes eliquantur, tantæ urbes, quantæ non casæ quondam. Iam, nec insulæ horrent, nec scopuli terrent, ubique domus, ubique populus, ubique respublica, ubiq; vita Summum testimonium frequentiae humanæ, adde & insatiabilis auaritiæ, ac cupidinis, quâ vbi altiore stylo notauit Tertullianus, quasi euictus vagâ illâ mortalium libidine exclamat.

Onerosissimus mundo; vix nobis elementa sufficiunt, & necessitates arctiores, & querelæ apud omnes, dum iam nos natura non sustinet. Reuera lues, & fames, & bella, & voragines ciuitatum pro remedio deputanda, tanquam tonsura insolentis generis humani.

Haëtenus elato cothurno Tertullianus, è quo ferè tot oracula, quot

quot verba, ea calamo, menteque legamus.

Onerosi, inquit *sumus mundo*: nimirum graue, & immensum est onus peccati, quod nec ipsa terræ moles, vt solida sit, sustinet, nec ipsa patiuntur elementa.

Testes volo Ægyptios, qui ab *Exod. 15.* illo onere descenderunt in profundum quasi lapis, & demersi sunt quasi plumbum in aquis vehemētibus.

Testem & Petrum Apostolorum principem, qui peccato liber, leui, & intacto pede ambulauit super aquas, eo deinde grauis, atque oppressus mergi cœpit. *Petrus*, inquit D. Hieronymus, *qui ante leuis pendulo gressu calcabat undas, postquam infidelitate aggrauatus vocabatur à fluctibus.*

Quamdiu ea noxâ vacuus fuit Petrus, ipsa aqua pondus non sensit, vel si sensit, æquius tulit, at vbi adiectum est pondus infidelitatis, tum illius velut impatiēs elementum premi cœpit, & fatiscere.

Testis erit & Iudas infamis proditor, à quo vno concitantur Euri, intumescunt maria, totoque grauis tempestas regnat elemento.

Portabatur authore Euangelistâ, interprete Ambrosio, portabatur, inquam, vnâ, eademque naui Petrus, portabantur & alij Apostoli magnæ illæ, & excitatæ mentes, portabatur & ipse Christus, ipsa bonitas, ac sanctitas, & ecce (mirum dictu, visuque) ab vnus Iudæ sceleratâ mête, velut immani pondere cymba subsidit, adeo portentosum est onus peccati, sub quo ipsa
sa

fa laborant maria, turbanturque
elementa.

Non turbatur, inquit Ambro- Luc. 5.
sius, navis quæ Petrum habet, tur-
batur illa quæ Iudam habet: Et si
multa illic discipulorum merita
naugabant; tamen eam adhuc per-
fidia proditoris agitabat. In utrâ-
que Petrus, sed qui suis meritis fir-
mus est, turbatur alienis. Adeo e-
tiam ex tunc verum fuisset illud
Tertulliani. Onerosi sumus mundo,
quod si onerosi quid adeo mirum
est, si nos excutiat, eradatque è vi-
uorum tabulis, ipsâque rerum na-
turâ, qui naturæ præest Deus? &
hinc primum viro forti iustoque
in malis solatium est, quod scelera-
tus quisque, ceu onus huic mundo
aspectabili incumbens, à cœlo vin-
dice decutiatur, ne terras grauet,

atque opprimat; quod ipsum pro remedio deputandum est, & secundo loco inter supremi Numinis beneficia reponendum.

Orbi laboranti est Deus, quod ægro medicus quispiam: vbi huius valetudo postulat, secatur ille, refecaturque putida membra, ne reliquum corpus inficiant eadem mali lue, atque contagione.

Sic cū genere nostro propitium Numen iustos ab iniustis, qua peste, qua fame, qua bello diuidit, ac refecatur; ne mortale genus, ceu nemus inceduum syluescat magis, seseque in noxias propagines exoneret; & hinc postremum benigniore cælo solatium: quod ex calamitatibus ex vero tonsura quædam sint insolescentis generis humani; quâ proinde quis oculis aspiciet vir alti,

ti, fortisq̃ue animi; nec tam vulnus attendet, infligitamq̃; plagã, quam Dei vindicis manũ exosculabitur.

Emoriens olim Iacob conuertit se ad lectuli caput, & languidulam ceruicẽ erexit, vt adoraret fastigium virgæ Iosephi filij sui, atque exoscularetur eam.

Veniam dabis, amice Lector, si paululum abeam à litterâ, dicamq̃ue vero Israeli, Iacobo, ac supplantatori huius sæculi, erigendum altius caput, vt etiam in summis miserijs, ipsâq̃ue morte adoret, atque osculetur fastigium virgæ Domini: hoc est Iustitiam eius, quẽ mortales noxios ceu virga ferit. Et istud Diuinæ Iustitię dabit sapiens, aliud hominum sceleribus, atque malitiæ concedet, de quâ mouit quæstionem Seneca, si tunc digna foret,

Lib. de
Tran-
quil.a-
nimi.c.
15.

an lacrymis? virum fortem, inquit, occupat nonnunquam odium generis humani, & occurrit tot scelerum feliciū turba, cum cogitaue-
ris quam sit rara integritas, quam ignota innocentia, & vix vnquam, nisi cum expedit, fides, & libidinis lucra, damnaque pariter inuisa, & ambitio vsque eo iam se suis non continens terminis, vt per turpitudinem splendeat. Agitur animus in noctem, & velut emerfus virtutibus, quas nec sperare licet, nec habere potest, tenebræ oboriuntur. In hoc itaque flectendi sumus, vt omnia vulgi vitia, non inuisa nobis, sed ridicula videantur. Et Democritū potius imitemur, quam Heraclitum. Hic enim quoties in publicum processerat, flebat; ille ridebat. Huic omnia quæ agimus, miseræ, illi ineptiæ videbantur.

Vbi horum Philosophorū sensum non tam ex verbis, quàm ex oculis (qui etiā animi lingua sunt) ita collegit; tum illud conficit.

Eleuanda ergo omnia, & facili animo ferenda. Humanius est deridere vitā, quam deplorare. Adijce quod de humano quoque genere melius meretur, qui ridet illud, quā qui luet.

Postquā ea ex aliorum opinione protulit, tum è suā addit, quod sapientius. Satiū est, inquit, publicos mores, & humana vitia placidè accipere, nec in risum, nec in lacrymas excidere. Nā alienis malis torqueri, æterna miseria est: alienis delectari malis, voluptas inhumana.

Hoc igitur à christianâ fortitudine probè instructus faciet, in malignâ illa scelerum eluue, animum

ita comprimet : vt etsi durum sit eam videre , ac pati ; leuius tamen fiat patientiâ , quia corrigere est nefas. Tum deinde adijci etiam illud , quod æternitatem spectanti summæ est voluptati. Eum esse Diuinæ Iustitiæ , amorisq; ludum , vt in tempore puniat , parcat autem in æternitate.

Cum videris vnum aliquë scelestum in vitia pronum , ac præcipitem ire , nec tamen cælo vindice in poenas vocari ; time ne huic quo , vitæque breui perituræ tantillum indulgeat Deus , vt in æternitate quàm longissimâ immenso suppliciorum pondere opprimat. Secus autẽ cum aduerteris quod antecedentem scelestum non deserat poena pede claudo ; sed sequatur illico , prematque vehementius , tum vero

vero te ipse erige, & hæc tibi ad animum appellat cogitatio. Bene habet: datur huic tempori pœna, ne detur æternitati; quam dum attentâ mente longè ante prospiceret Augustinus, etiam in morbo, extremisq̃ue angustijs hæc in cælum, Deumq̃ue iaciebat vota.

Hic ure, hic seca, hic nihil mihi parcas, ut in æternum parcas. Nihil, inquit, mihi parcas: non primæ ætatulæ næuos, non lubricas adolescentiæ vias, non quale quale senectæ vitium remitti volo, sed omnia ad Iustitiæ trutinam reuocari, ut in pœnas eat hoc corpus, hic animus, qui olim in libidines suas lōgius excessit. Nihil in ijs, ô Deus, nihil omninò parcas, ut in æternum parcas.

Paria quondam fuere Iobi patientis

Iob. c. 6.
v. 8.

tientis vota, quæ paucis ita expref-
fit. *Quis det vt veniat petitio mea,*
& qui cœpit ipse me conterat? fol-
uat manum suam, & succidat me?
& hæc mihi fit consolatio, vt affli-
gens me dolore non parcat.

Inuaferat Iobum ingens calami-
tas, & tantum non opprefferat ;
dissipati, cæsiq̃ue greges, diruta do-
mus, & in eius ruinâ sepulti filij
lōgè carissimi, corpus ipsum, quod
ferè vnum à plagâ illâ liberum, &
immune, fœdum in modum affli-
ctum erat, & tamen in illâ longè
maximâ afflictione, ab omnibus
nudus, & inops exclamat: *Quis det*
vt veniat petitio mea? quis mor-
taliū, quis immortalium illud ex
voto meo concedat, vt æquus cœ-
li, terræq̃ue Iudex, qui vindicem
manum aperuit, laxauitq̃ue in pœ-
nas

nas meas : pergat ipse, & me conterat, & quasi dissolutis Iustitiæ repagulis totus in me ruat, & qua pauperie, qua morbo, qua ferro succidat. Et in illo malorum cumulo *hæc mihi sit consolatio ut affligens me dolore, non parcat.* Non parcat, inquam, in tempore, ut melius parcat in æternitate.

§. 5.

Quomodo publicæ calamitates Dei electos terris eripiant, ut cælo reddant.

V Erum illud quod censuit, & dixit olim Dionysius Halicarnassæus. *Omnes viri fortes humanitus, & æquo animo calamitates ferunt.* Lib. 8.

At non sic pusillæ, & debiles animulæ; iniquius illæ patiuntur, cum aliqua occurrit afflictio, bono publico

publico vt videtur inimica. Vtque in eo sibi blandiantur, alijsque fucum faciant; aiunt à tribulationibus illis multos fatiscere, ac perire, & æternum quidem. Hinc illæ lacrymæ, ac gemitus, & iustæ, vt equidem existimant, querelæ, quibus modum, finemque ponet ore aureo Chrysostomus.

Hom.
36.

Quid, inquit, de his dices qui frequenter à tribulatione subuersi sunt? quod non tribulationis est subuersio, sed illorum imbecillitatis; quod vt euincat, opportunâ utitur similitudine: Nec enim si quis infirmum habēs stomachum amarum non admittat medicinam curare valentem, sed potius atteratur, medicinam non accusabimus, sed membri infirmitatem: sicut & hic mentis facilitatem.

Cuius

Cuius vitio tribuendum omnino quidquid demum à calamitate consecutum est mali: quod ipsum longè ante agnouit D. Augustinus, & pro eâ qua est in dicendo solertiâ explicuit; ostendit enim in æstu tribulationis quod bonos inter, & malos sit discrimen.

In eadem afflictione, inquit, mali Deum detestantur, atq; blasphemant: boni autem precantur, & laudant. Tanti interest non qualia, sed qualis quisq; patiatur: nam pari modo exagitatum & exhalat horribiliter cœnum, & suauiter fragrat unguentum.

L. I. de
Ciuil. c.
8.

Componit S. Doctor iniustum cum cœno, iustum autem cum ungueto, quia ab hoc bonus emititur virtutum odor, ab illo infamis vitiorum omnium graueolentia,
maxi-

maxime vero cum quati contigerit, atque agitari.

Alij malos comparant cum luto, quod à sole concrefcit: bonos vero cum cerâ quæ ab eodem tota foluitur: fic enim afflictionis igne cor prauī hominis obduratur, & contra ſuperos quodammodo obfirmatur: animus autem recti, æquique tenax eodem ardore, ceu amico ſole, colliqueſcit totus.

Et quia probè nouit illud moderator rerum omnium Deus, hinc eos quos ſibi, ac cælo elegit, modo probat igne tribulationis: modo iactari patitur in hac vita, nō ſecus atque nauigia irato mari, eo certe ſine vt & citius, & certius teneant portum beatæ æternitatis. Res ea exemplo euadet illuſtrior.

Armatus occidēs propè vniuerſus

sus in Orientem profectus erat, vt Palæstinam barbaricâ seruitute liberaret. Ingentes omnino copias eduxerat Conrardus Imperator, eduxerat & Francorû Rex Ludouicus: Verum (quæ fortunæ inclementia fuit, vel potius quæ Dei cōniuentia) nulla re memorabili gesta post biennium domum redire cum exiguis magnorum exercituum reliquijs. Hoc autem eo grauius, tristiufq; accidit, quod ad eam expeditionem & cælum inuitasset, & cæli fauor miris sanè prodigijs à D. Bernardo Clareuallensi perpetratis. Ex quibus sibi terra nobilissimos triumphos poterat polliceri, sed alia fuerunt superum consilia. *Nec enim* (vt inquit Gofridus) *ex illa profectioe Orientalis liberari, sed celestis meruit impleri Ierusalem.*

Z

*In vitâ
S. Bern.* *rusalem. Quod si placuit Deo tali occasione plurimorum eripere si non Orientalium corpora à Paganis, Occidentalium certe animas à peccatis, quis illi audeat dicere quid fecisti sic? Aut quis rectè sapiens illorum sortem magis nō doleat, qui ad priora, vel peiora forte prioribus scelera redierunt, quam eorum mortem, qui in fructibus poenitentiae purgati variis tribulationibus Christo animas reddiderunt? alioqui quantumlibet dicant Ægyptij, dicant filij tenebrarum qui nec veritatem videre valent, nec proferre. Callidè eduxit eos ut interficeret in deserto. Patienter tolerat Saluator opprobrium, quod tantarum animarum salute compensat. Ex illius historie serie conficies, amice Lector, Deum Opt. Max. emisisse ab Occidente in*

in Orientem maximos exercitus
eo ferè consilio, vt dum ij terris oc-
ciderent, & huic vitæ mortali; cæ-
lis oriri possent, & æuo nunquam
perituro.

Vis luculentius eâ de re testimo-
nium, illud accipe à D. Christinâ,
quam admirabilẽ stupuit, & prædi-
cavit orbis vniuersus. Visa olim il-
la inusitato perfundi gaudio, quod
quia animo contineri non poterat,
oculis, & vultu, toto sese prodebat.
Stupentibus autẽ quibuscum fortè
agebat, & causam sciscitantibus ad-
iecit. Patuisse immensa Diuorum
atria, & in ijs obiectas sibi beatas in
Cælo mentes vnà cum ipso Chri-
sto nouâ quadam incedentes læti-
tiâ; vel ob id vnum quod mortali-
bus & facilis, & lata ad salutem a-
perta iam esset porta salutis, atque

æternitatis. Cumque rursum ex ea
 quæsitum esset, ecquænam esset il-
 la porta? respondit. Hodie Ieroso-
 lymâ expugnarunt Barbari. Quid
 deinde? an ea vitæ salutis porta? ex-
 inde lætitia, plausus, ac festiuæ gra-
 tulationes? ac non potius aditus
 mortis, & origo prima luctus, mi-
 serique eiulatus? Auditur ille qui-
 dem terris, at silet in cælis, cuius alia
 profecto iudicia: quæ vt euolueret
 beata illa Virgo: addidit quod san-
 ctæ ciuitatis recuperandæ gratiâ,
 hominum maxima multitudo sa-
 cram amplexa militiam à solutio-
 re vita ad arctiorem conuerteretur,
 fusoque plurimo sanguine Serua-
 toris morti vicem rependeret, Et
 hinc illa gaudia, illa exultatio in
 cœlesti Ierosolymâ: dum interim
 terrestris illa manet sub Barbarorū
 iugo,

iugo, atq; tyrannide, & totius istius multitudinis pars potior qua peste, qua fame, qua ferro malè perit, male inquam si hunc mundū spectes, vitamque mortalem: at quam optimè si orbem alterum, si cælum, si beatitatē, ad quam superi, Deusq; sua omnia consilia dirigunt. Et vero etiam dirigere debet quisquis & nomine, & re etiam ipsa est christianus.

§. 6.

Ex malis publicis bona publica Deus elicit, & ex privatis privata; & hoc bona menti solatio est.

SI forte audieris tonare cœlum, mugire tonitrua, labique irato Numine fulmina, è duobus alterum tibi certo persuade; vel ijs corripì, atque castigari insignem hominum malitiam; vel excitari pie-

tatis antiquæ igniculos, qui malè latebant aut sopiti, aut etiam sepul- ti sub cinere dolofo : illud superio- re paragrapho explicui, hoc in præ- sentia paucis agitabo.

Poëtæ veteres, quibus ad docta commenta facilis animus ; inter sua emblemata, hoc statuère : In mensâ probè stratâ posuère testu- dinem, cytharam, aliaque musicæ instrumenta, appenso hoc lémate.

Non pulsata silent.

Alij facem ardentem, atque in- uersam, adiectâ hac epigraphæ.

Vires inclinata resumit.

Nonnulli Bellonæ amantiores scutis suis insculpsère plantam *Cro- ci*, addita hac inscriptione.

Calcata viresco.

Hæc fuère emblemata quibus eximios tribulationis prouetus ex- pressère veteres illi Sophi.

Ita nimirum se habent mortaliū ingenia, ijs ex voto dum fluūt omnia, diffliunt ipsi, nec vllum à virtute, rebusque bene gestis concentum edunt; nec accenduntur, aut ardent igniculis diuinæ caritatis, nisi cum inuersâ fortunâ, & ipsi quoque inuertuntur: neque sese explicant in folia, floresque bonorum operum, nisi cum inimico pede calcantur; vt recte dixerit Anthistenes apud Plutarchum.

Ad salutem, & incolumitatem tuendam opus esse aut amicis ingenuis; aut acribus inimicis; quia hi dum admonent peccantes, illi dum maledicunt, reuocant à vitijs: & quoniam ad loquendum pœnè vocem amisit amicitia; loquax autem est æmulatio, superest vt ab inimicis verum audiamus; itaque falsa, quibus

Z 4

bus capimur deponamus: vt proinde nobis plerumque melius sit, inimicis cingi, quam stipari cateruâ amicorum; ab illis quippe minus animę, quam ab his periculum est.

Quod ipsum sensit olim Nasica teste Plutarcho, cum enim quidam existimarent res Romanas iam in tuto esse quod nimirum Carthaginienses extincti, Græci subacti essent. *Imo nunc*, inquit, *summo sumus in periculo, posteaquam nulli supersunt quos vel timeamus, vel vereamur.*

Eodem spectauit celebris illa quæstio olim agitata apud Romanos in amplissimo illo orbis theatro; expediretne Romanæ iuuentuti Carthaginem Romę emulam dirui penitus, atque euerti. Itum in varias sententias, & quidem à viris om-

omnino magnis , & sapientibus. Cato destruendam censuit, soloq; æquandam; Scipio è contra conseruandam, vt haberet Romana pudes quo exerceretur, quodue metueret. Placet audire de eo argumẽto magnifice vt solet, discurrentem D. Augustinum.

Scipio , inquit, Pontifex Maximus , ille iudicio totius Senatus vir optimus , metuens Urbis calamitatem nolebat æmulam tunc Romani imperij Carthaginem dirui , & decernenti vt dirueretur, contradicebat Catoni ; timens infirmis animis hostem securitatem, & tanquam pupillis ciuibus , idoneum tutorem , necessarium esse videns terrorem.

Ecce vt iudice Scipione securitas ipsa hostis fuit ; & terror, tutor urbis, imperijque Romani : illum si

exclusisses, futura erat Roma, & pupilli ciues sine tutore, sine pædago-
go. Quod Romæ, hoc etiam cuiq;
ciuitati, imo & homini, cui seu
publica, seu priuata calamitas me-
lior est prosperitate, & hostis ami-
co potior; quia, vt ait D. Augufti-
nus, *secundis rebus ea mala oriun-
tur in moribus, quæ seuientibus pe-
iora sunt hostibus*. Enimuero peio-
ra, quia hostes fortunæ exuias, &
bona corporis eripere dūtaxat pos-
sunt, at anima securitas, & longa
pax meliores nimia diuitias, virtu-
tem scilicet, fidem, pietatem, aliaq;
bonarum mentium ornamēta suf-
furari possunt, atque dilapidare; &
quia hæc fere tantum spectat, amat-
que cælum, hinc suaui quadam,
miraq; prouidentia per varias tem-
porum, sæculorumque vices publi-
cas

cas immittit clades, patiturque sub
ijs premi, ac gemere christianum
orbem; vt in eo sopitam quasi fidē,
& religionem auitam exfufcitet.

Producamus huiufce rei petita
ab Antiquitate vel testimonia, vel
etiam exempla, maior quippe fa-
ctis habetur fides; quam verbis.

Ecclesiæ Catholicę sensim ado-
lescenti, idem vſu venit, quod O-
ceano, hic modo ventos habet ad-
uerſos, & tumultuantes toto pati-
turi elemento: modo fauentes au-
ras ſentit, & mites Zephyros, ab ijs-
que pacatas, & molliter ſubſidentes
aquas: ſic etiam Eccleſia, quæ hoc
mundo, ceu mari iactatur, modo
graues habet, & timendos perfec-
tionum æſtus, modo amicâ, gratâ-
que fruitur malaciâ, ac tranquillita-
te, qualis olim fuit ſub duobus Phi-
lippis

lippiis Imperatoribus christianis, patre scilicet, ac filio, sub quorum imperio fidelibus concessa fuit alta pax; à quâ facta est mirabilis, ac deploranda morum inclinatio.

Primū enim deferbuit primæuus ille pietatis ardor, qui in christianis olim non sine laude, & stupore sese extulerat, deinde prono, ac præcipiti lapsu itum in alia, atque alia vitia: pars quippe fidelium plus equo indulgit gulæ, pars in vetitanti excessit venerem, pars superbos, atque insolentes erexit animos: omninòque pauci fuere, qui sese cōtinerent intra septa auitæ fidei, ac pietatis.

Ea vitæ, morumq; solutio à Superis vindictâ exciuit, & cælo etiam patiente in orbem extulit Imperatores duos, Decium, & Valerianū, qui excitata graui persecutione, horum

rum vitia plecterent, illorum virtutes acuerent. Quod Deo reuelante cognouit D. Cyprianus, cuius hoc est super eâ re luculentum testimonium.

Hoc nobis per visionē exprobratum sciatis quod dormitemus in precibus. Persecutio ista examinatio est, atq; exploratio peccati nostri. Lib. 4. Ep. 4.

Quod ipsum argumentū fusiùs explicat sermone de lapsis. Quia, inquit, traditam nobis diuinitus disciplinam pax longa corruperat, iacentem fidem, & pœnè dixerim morientem censura cœlestis erexit.

Ostendit autem quâ corrupta esset disciplina, quâ iaceret, ac pœnè extingueretur fides.

Non erat, inquit, in Sacerdotibus Religio deuota; nō in ministeriis fides integra, non in moribus disciplina.

*plina. Corrupta barba in viris, in
fœminis forma fucata. Adulterati
post Dei manus oculi, capilli menda-
cio colorati. Ad decipienda corda fi-
delium callidæ fraudes, circumue-
niendis fratribus subdolæ voluntates.
Iungere cum infidelibus vincu-
lum matrimonij, prostituere gentili-
bus membra Christi.*

Hęc erant illius æui scelera, alia-
que plurima ijs affinia, quę ibidem
longâ serie commemorat vir san-
ctus, non sine lacrymis, profundo-
que gemitu, tandemq; ex ijs vnum
illud conficit. Ideo loci, ac tem-
poris egisse mortales *per sua pec-
cata, ut ad correctionem delicti,
& probationem fidei, Diuina iu-
stitia remediis seuerioribus utere-
tur.*

Et hæc cogitatio bonæ menti
debet

debet esse solatio cum certo sibi persuaserit eum esse genium cælestis illius prouidentia, atque æquitatis, vt è publicis illis calamitatibus, & publico bono studeat, & cuiusque etiam saluti, atque incolumitati consulat.

Mitigat vim doloris considerata æquitas ferientis, inquit D. Gregorius, qui eam Diuinæ Iustitiæ æquitatem breuiter, sed neruosè commendat his verbis. *Donis suis Deus flagella permiscet, atque (vt ita dicam) delectabiliter mordet, suauiter cruciat, hilariter contristat.* 7. Moral.
In Exechiel.

Quidni enim dicatur & cum delectatione mordere, & cū suauitate cruciare, & cum ameno quodam voluptatis sensu contristare, dum ita mordet, vt mentem profunde sopitam excitet; ita cruciat
vt

vt medelam afferat ; ita contristat,
vt æternis deinde gaudijs cumulet.

Exemplo erit illud quod sensit,
probauit, amauitq; Belgium. Bru-
xellam olim inuaserat sæua pestis;
eamque longè, ac latè erat depopu-
lata , & ita quidem vt in vrbe alias
populo frequentissima vix vlla do-
mus esset, quam non mœsto func-
re notasset. Hinc abiecti omnium

P. Ba-
linghem
in l. So-
latium
afflictio-
rum.

animi, vbiq; timor, horror, luctus,
comploratio , lamenta , miseri que
eiulatus, quia vbique multa mortis
imago; quam dum spectat vir Re-
ligiosus in paucis, cui nomē Theo-
dorus è D. Francisci familia, vt illis
animos & morbo , & ipsa morte
maiores faceret, primùm egros pas-
sim adire, solari, morientium con-
fessiones excipere, & ad extremum
agonem communire; dein etiam

statis

horis in S. Gudulâ de pulpito dicere, multa que piè in aures, animosq; iacere, quæ dolori immodico modum ponere posse viderentur. Atque inter cœtera vnum istud, immissam illi vrbi eam cladem admirabili Dei prouidentiâ, quæ corpora dirâ tabe solo sternebat, vt animos in cælum erigeret, & sic rectiam ipsa perfectum esse: se enim Deo reuelante cognouisse è triginta millibus, quos ea lues sustulerat duos dūtaxat malâ morte perijsse, stygijsque addictos rogis; reliquos omnes ea tēpestare fœliciter iactatos, salutis, cæliq; portum tenuisse.

Arnold.
Raiffe
in eius
vita.

Quod illi ciuitati à communi morbo beneficiū datum est, hoc & alijs dabitur, si modo se, suosq; Diuinæ voluntati pariter cōsentientes exhibeant, & vero quidni exhibeāt?

Aa

Hæc

L. 3. dif- Hęc olim iactauit Epictetus. Ap-
 ser. c. 26. *petitum meum obedientem præbui*
Deo, Vult ille me febricitare? & ego
volo. Aliquid aggredi? volo. Ali-
quā re potiri? volo. Non potiri? no-
lo. Mori me vult? mori igitur volo.

Si ista Ethnicus homo censuit,
 & dixit in profunda nocte gentili-
 tatis, quid sentire, & loqui debbit
 christianus in alta luce fidei or-
 thodoxæ? debbit certe quod ille,
 eoque amplius: sed proh dolor! ad-
 huc eo quo viuimus æuo verum
 In ps. 118. est illud D. Hieronymi. *Si quid*
aduersi accidit, prona in Deum que-
rela est. Et istud Cypriani. Hoc ni-
 Serm. 4. *timur, & reluctamur, & peruica-*
 de mor- *cium more seruorum ad conspectum*
 talitate. *Domini cum tristitia, & mærore*
perducimur, exeuntes istinc neces-
tatis vincula, non obsequio volun-
tatis.

Ita scilicet è corporibus exeunt
 feruiles animi : qui nec se , nec sua
 diuinæ committunt voluntati : at
 non sic liberæ mentes , Deum illæ
 sequuntur , non quia necesse est , sed
 quia etiam volupe.

Et hæc de publicis calamitatibus
 dicta sint , ad quæ visum est oppor-
 tunum adijcere Orationem quam
 D. Augustinus vsurpauit in obsi-
 dione Hipponēsis ciuitatis , & quâ
 etiam in omnibus prope malis vti
 poterit , & seipse solari christianus
 animus.

Aa 2 ORA

ORATIO D. AVGVSTINI

paulo ante obitum in obsidione Hipponensi composita, eius operibus non contenta, à Cardinale Soripando, olim Generali Ordinis Eremitarum S. Augustini, Patribus Cœcilij Tridentini exhibita.

ANte oculos Domine culpas nostras ferimus, & plagas quas accepimus, circumferimus. Minus est quod patimur, maius est quod meremur. Peccati pœnam sentimus, & peccandi pertinaciam non vitamus. In flagellis tuis infirmitas nostra versatur, iniquitas nō mutatur. Mens ægra torquetur, & ceruix dura non flectitur. Vita in dolore suspirat, & in opere se non emendat. Si expectas, non corrigimur; si vindicas non duramus. Cōfitemur in correptione quod egimus:

mus:

mus: obliuiscimur post uisitationē quod fleuimus. Si extenderis manum, facienda promittimus; si suspenderis gladium, promissa non facimus. Si ferias, clamamus ut parcas; si peperceris, iterū prouocamus ut ferias. Habes Domine confitentes reos; nouimus quod nisi peccata dimittas, rectē nos perimus. Pręsta Pater omnipotēs Deus sine merito quod rogamus, qui fecisti ex nihilo qui te rogarent. Amen.

De actu Fortitudinis qui in aggressionē consistit.

IN duobus potissimum sese exerit, atque explicat vis fortitudinis, quā sententiā breui, & neruosā complexus est, qui iactauit illud, *Agere, & pati fortia Romanum esse*: de hoc egi parte primā: de illo etiā in secundā paucis.



CAPVT VNICVM.

De fortitudine militari.

Fortitudo quæ belli pericula spectat, insigne omnino decus continet, atque eiusmodi vt Cicero cæteris omnibus præstare scripserit: nec immerito: agitur enim in eâ de summâ rerum, hoc est, non de fortunæ bonis, aliquoûe homini extrinseco: sed de re pretiosissimâ, & charissimâ, id est vitâ, quam discrimini obijcere pro honestate, pro libertate, pro patriâ gloriosum ducitur: & quia in militiâ, seu palæstra fortitudinis ea vis exercetur, atque elucet: de illâ nonnulla subnectemus: & primùm quidem, quæ eam vitia dedecorent; deinde quæ spectabilem reddant ornamenta virtutum.

§. I.

*Qua militari fortitudini sint
adversa ?*

PAulus Æmilius militi tria di- Liuius
lib. 44.
cebat esse curanda : Corpus ut
quam validissimum, & perniciosi-
mum haberet. Arma apta : animū
ad subita imperia paratū. Ad hunc
spectant etiam illa tria, quæ in mi-
lite desiderabat Brasidas. *Velle, ve-* Thu-
cyd. l. 5.
reri, Ducibus obedire, adde & con-
tinentem esse, & æqui, iusti quæ te-
nacissimum. Hæc enim omnia si
adsint, verè militem, id est fortem,
faciunt, si absint, ignauum relin-
quunt, nec militiam sapiunt, sed
malitiam, qualis est plerumque in
hac sæculorum fœce, quæ discipli-
nam militarem exuit, atq; abiecit,
de eâ ita Iustus Lipsius.

A a 4

Emunt

In Po-
litic.

Emunt duces militem, non legunt: pecuniola proponitur, tympanum strepit, & ecce coëunt aliquot ignoti inter se, ignorantelque, purgamenta vrbiū suarum, quibus ob egestatem, & maxima flagitia peccandi necessitudo est: assueti latrocinij, bellorum insolentes, quorum lingua vana, manus rapacissimæ, gula immensa, pedes fugaces, quæ honestè nominari nō possunt inhonestissima, nullam disciplinæ formam, nec extrema quidem eius lineamenta seruantes, lasciuientes certatim, inter quos omnia indisposita, temulenta, peruigilijs veneris, ac bacchanalibus, quam disciplinæ, ac castris propria. Hi nec in procinctu, nec castris habentur, sed per municipia desides, hospitibus tantum metuendi effundunt

fundunt se in luxum, epulas, & nocturnos cœtus. Ibi circumferri merum largius iubent, debellaturi super mensâ Alexandrum, suas vires extollere docti, hostium paucitatem contemnere; cœterum galeati lepores, & quibus vt ad populandos finitimorum agros, tectaque vrenda, & capienda pecora aliqua vis sit, ita in acie, & signis collatis nulla vis est: nec in victoriâ eis decus, nec in fugâ flagitiũ. Vt omnia paucis, exercitus linguâ, quàm manu promptior, prædator è socijs, & ipse hostium præda. Hactenus docto calamo Iustus Lipsius qui aculeatâ oratione pungit, ac damnat eam militiam, quæ nihil aliud esse videtur, quam impunitas quædam, & licetia quidlibet audendi per fas, nefasque; quod quàm alienum sit

378 DE FORTITVDINE
à militari fortitudine ex dicendis
patebit.

§. 2.

*Virtutes annexæ militari
fortitudini.*

Fortitudo militaris in eo potissimum eminet, quod hominem efferat ad ardua quævis pro honestate, pro focis, & aris suscipienda, ad pericula adeunda, & pulchram per vulnera mortem; de quâ piè, & magnificè D. Bernardus sermone ad milites templi.

Cap. I. *Quam gloriosi, inquiebat, reuertuntur victores de prælio? quam beati moriuntur martyres in prælio; quasi diceret vir sanctus, parum, aut nihil interessè, stentne, an cadant, viuant, an intereant: vincant, an vincantur, si enim vincunt, triūphatoris*

phatoris laureâ donantur, si vincuntur martyris aureolâ : hanc certè Machabæis, extacito quodam Ecclesiæ sensu tribuit Rupertus.

Eorum, inquit, bellicam defensionem, non minus quàm indefessam Præf. ad lib. de victoriâ verbi Dei,
martyrum patientiam in sanctâ Ecclesiâ legendo, & cantando celebramus. Quod Machabæis concessit Rupertus, hoc propè christianis militibus, qui aduersus infideles fortiter decertant, attribuit D. Bernardus, cuius melleâ capior eloquentiâ & capieris ipse nō dubito, mi Lector. Illam ergo auidâ aure, menteque excipe : ita sese in militum laudes, & præclara encomia diffundit.

Secum præliantur, nequaquam metuentes aut de hostium cæde peccatum, aut de suâ nece periculum.

Miles

Miles Christi securus interimit, securior interit: sibi prestat, cum interit, Christo, cum interimit. Cum occidit malefactorem, non homicida, sed ut ita dixerim malicida reputatur. Cum occiditur ipse, non perijisse, sed peruenisse cognoscitur. Mors ergo quam irrogat, Christi est lucrum, quam excipit, suum. Mors, inquam lucrū, si modo vita etiam cum lucro fuit, & virtutum, ac meritum incrementum, de quo cum incidit quæstio, in mentem, atque oculos venit ille scripturæ locus.

Præcepit Saül populo, & recensuit eos quasi agnos ducenta millia peditem, & decem millia virorum Iuda.

1. Reg. c.

15. v. 4.

Huius loci intelligentia, si nuda spectes verba, in aperto est; si variam Interpretum mentem, in occulto: sunt enim ex Hebræis, qui velint

velint Saulem recensuisse eos in agnis, quos singuli conferebant, eo fere modo, quo alias ille ipse Saül militem suum collegit, atque numeravit *in Bezech*, hoc est *in testulis*, quas singuli in vnum aceruum congerebāt, vt earum numero, ipse quoque militū numerus legeretur.

Quod si forte quis studiosus indagator antiquitatis cum sibi nodum solui velit, cur eo loci, ac temporis in agnis militē censi oportuit? audiet quia in seipsis sine flagitio recenseri non poterant: deinde in computatione populi in singula capita statuebatur pretium, & is agnus esse poterat. Denique tum forte imminebat solemne Pascha, quo ex Diuinæ legis præscripto agnus erat immolandus.

Atque hæ rationes petitæ sunt

ex

ex ipsâ antiquitate, legisq; normâ, ac placitis, non tamen vt quidem existimo, ex genuinâ illius loci interpretatione; è quâ nonnulla deducam ad militum mores probè efformandos.

Recensuit olim Saül milites quasi agnos, tum quia rex erat, & militiæ dux, adeoq; ex scripturæ sensu, atq; vsitatâ. appellatione etiam pastor; tum quia quisquis est miles, is agni genium debet æmulari.

Obedientia.

Est agnus imprimis obediens ad vocem, nutumq; pastoris seu in campum euocet, & læta pascua; seu reducat ad caulas; seu plana, abiectaq; vallium, seu ardua montium pedo monstret, aut proiecta gleba. Et ea quoque debet esse militis inducem obseruantia; de qua præclare Thucydides.

Hoc

Hoc ad rem in bello præclarè gerendam præcipuè pertinere iudicate, ut & pugnandi voluntas adsit, & modesta quædam erga duces obedientia. Cuius specimen, ac documentum insigne habes in eo de quo Plutarchus. Is cum in acie strictum iam enssem in hostem esset ^{In La. con.} infixurus, dato derepente signo receptui, substitit, manumque sustinuit, nec telum aduerso pectori infigendum duxit. Roganti vero cui-dam, cur hostem, cui ferro iam imminebat, non sustulisset è medio, scitè respondit: Quoniam melius est parere imperatori, quam hostem occidere.

Exemplum illustre militaris discipline, à quâ immane recesserunt plerique huius ævi milites, quibus nequicquam obsistentibus ducum manda-

mandatis prope quidlibet audendi summa est licentia. Ea nō erat, cum in oculis, in manibus essent Romane leges, & iura belli, ex quibus hostem ferire nefas nisi signum dedisset tuba, interimere crimen si receptui cecinisset.

Ex hac porro deuoti pectoris submissione natum illud axioma. *Non licet in bello bis peccare, error enim in bello, & inobedientia mors est:* atque vtinam esset, non ea foret in acie morum corruptela, non rapinæ, non latrocinia, quibus plerumque viam aperit ipsa imperatorū remissio, qui & alijs iniuriam inferunt, & sibi, suoq; nomini notam inurunt: longè absimiles illi Galbæ, adeo apud veteres nominato. Ille bellis in grauissimis adeo seuerâ disciplinâ milites continuit,

vt

vt simul atque in castra venisset, illico vulgaretur ille trochaicus. *Disce miles militare, Galba est, nō Getulicus.* Nimirum & animos ille suorum in obedientia retinebat, & manus continentiae, ac iustitiae vin- Iustitia, culis illigabat, ne in aliena bona, in rapinas ferrentur præcipites, vicinofque agros suis latrocinij infestarent; quod alterum est boni ducis officium; cui vt militia, ita & iustitia est in amoribus; & merito.

Quæsiuit olim D. Augustinus, De ci-
uit. l. 4. quid essent regna remotâ iustitiâ, atque addidit, nihil esse nisi magna latrocinia; quod si regna quæ loca tenent, sedes constituunt, ciuitates occupant, & suos municipes etiam muris, ac vallis claudunt, positâ tamen, ac profligatâ iustitiâ latrocinia sunt, quanto magis militia, quæ

Bb

nec

nec suos vallo continet, nec muro:
 sed vagos, ac palantes totis campis
 effundit: sed est illud ingens ma-
 lum, quod in ciuitatibus latrocinia
 in occulto sunt, in militiâ vero in
 aperto, quod (vt inquit Augusti-
 nus) confert addita etiam impuni-
 tas, ob quam Alexandro non mi-
 nus eleganter, quàm verè respondit
 olim Pyrata ab eodẽ comprehen-
 sus. Ei quippe sciscitanti quid sibi
 vt mare haberet infestum? liberâ,
 & expeditâ voce subiunxit. Quid
 tibi vt orbem terrarum? sed ego
 quia exiguo nauigio facio, latro
 vocor: quia tu magnâ classe, Impe-
 rator.

Appositè sanè ad coercendam
 Alexandri auaritiam, & insanam
 dominationis libidinem, sub qua
 vel ipse gemebat orbis, nec par esse
 vide-

videbatur : & tamen vt ea esset , regnabat impunè ; quia armis tuta , & ingenti imperio subnixa ; ne illa quoque in huius eui militiâ regnet ; quisquis bello præfidet , sit ille equi , iustique tenacissimus : ne miles qui sub eius stipendijs meret , aut cornu feriat , aut dente mordeat , aut vngue rapiat , inuoletque in alienas facultates ; quod certè non faciet , si vt olim à Saùle quasi agnus , hoc est miles recenseatur.

Sit deinde pacis amans , ac concordiaë , hæc enim commilitones ^{Cõcordia.} inter se nectit tanquam membra vnus magni corporis.

Existimabat Amatus vrbes (& eadem de militiâ est ratio) singulatim imbecilles mutuo seruari , tanquam illigatas publico commodo , ac quemadmodum membra

B b 2 corpo-

Plutar.
in Arat.

corporis viuientia, & conspirantia, propterea quod inuicē innata sibi hærent, si quod eorum auellatur, & à cœteris separetur, non alitur amplius, sed tabescit: ita vrbes censebat ab ijs qui Rempublicam diuellerent, perdi: augeri autem vnam ab aliâ, & omnes mutuo, cum veluti magni alicuius corporis partes communem haberent procurationem.

Quod de vrbe, hoc de militari Republicâ verius dixero, cui si pacem dederis, & concordēs animos, cohærebit illa; sin autem discordēs feceris, illico dissipabitur.

Sallust.
de bello
Iugurt.

Regnum, inquiebat Micipsa ad filios, vobis trado firmum si boni, hoc est consentientes eritis; sin mali, hoc est ab inuicem dissentientes imbecillum: nam concordia

diâ parvæ res crescunt : discordiâ
maximæ dilabuntur.

Testis erit Numantia prius inui- Brutus
l.c.4.
cta, post eversa, cui, ut ait Tiresius,
concordia victoriam, discordia exi-
tium præbuit.

Tyrhenus lapis quamvis gran-
dis innatat, comminutus fidit : ita
concordiâ sustinemur, discordiâ
pestum imus, inquit Plinius, & Plin. l.
2. c. 106.
Aristoteles purioris Philosophiæ Arist. de
natura
c. 12.
perspicax ocellus.

Hanc porro concordiam docuit
ipsa Saülis militia, in qua quot ca-
pita, tot agni, quia ut hi gregatim
pascuntur, & quo præit vnus, eo se-
quuntur alij : ita Saülis milites cō-
cordibus animis ibant, quo duce-
bantur.

Sed & alia fortitudini militari
cognata virtus ; ea porro est auda-
cia,

Auda-
cia

cia, media temeritatem inter, & ignauiam: nec enim ea censenda virtus est, quæ sine ratione, sine modo in hostem incurrit, periculum potius creatura, quam prælium motura, neque etiam ea laudi danda est; quæ adeo timori conniuet, accedit, vt vel ipsum periculi nomen fugiat, atque auerfetur: viro militari audendum aliquid in hostes, in acies, in ferrum, in mortem ipsam eundum est, cum ratio suadet, publicumque bonum: recedendum tamen etiam quandoque, & obuiio hosti cedendum, cum aduersum ferre caput Reipublicæ potius noxium videris, quàm profuturum.

Stob.
serm. 52-

Ita quondam Antigonus hostibus ingruentibus cessit, ac ne ignauix, aut timoris argui posset, adiecit illud; se non fugere, sed vtili-

tatena

tatem retro sitam persequi; & verotum stetit immotum, fuisset temeritatis: cui ex opposito habes vitium aliud alterū, quod ignauiam dicimus; à quā vt auocarentur templarij milites, docerenturq; in bel-
 liscōtra Saracenos, aut vincendum Sigerti
contrinuator.
 esse, aut moriendum: si fortè caperentur, solo cingulo, & cultello redimebantur: exiguum fane hosti lucellum, ne scilicet eo malè capti vitam donarent ignauis, & quasi vltro se dedentibus.

Ab illâ porro ignauia militem procul esse vult illud militare robur, quod à virtute, à fortitudine petitur, cuius exempla habet antiquitas, habent & nostra secula, quæ fortè primis illis nō cedunt, è multis duo producam, ne stylum longius ducam in argumento satis ob-
 uio;

uio; vnum terra sensit, alterum stupuit oceanus, ipsumque aquarum elementum.

I. 2. C. II. Aulus Gellius in noctibus atticis refert Lucium Sicinium dentatum (qui Tribunus pleb. fuit Sp. Tarquinio, & A. Thenio Cōsulibus (prout scriptum est in libris Annalium) plusquam credi debeat strenuum bellatorem fuisse; nomenque ei factum ob ingentem fortitudinem, appellatumque *Achillem Romanum*. Is pugnasse in hostem dicitur centum & viginti prælijs, cicatricem auersam nullam, aduersas quinque & quadraginta tulisse. Coronis esse donatum aureis octo: obsidionali vna: muralibus tribus: ciuicis quatuordecim: torquibus tribus, & octoginta: armillis plus centum sexaginta: hastis duodeuiginti: phaleris


leris quoque donatus est quinquies
 viciesque. Populi militaria dona
 habuit multiuga, in his prouoca-
 toria pleraque. Triumphauit cum
 Imperatoribus suis triumphos no-
 uem; è quibus quantum præstite-
 rit militari virtute in aperto est; &
 hunc in continenti bellatorem a-
 mauit, suspexitque; Roma, gentium
 domina, & Martis amantior. Alte-
 rum accipe quem stupida licet sen-
 sere tamen maria, & studiosæ mi-
 ratae sunt Athenæ. Is fuit Cynegy-
 rus Atheniensis, qui cum palantes
 Medos, Persasque ad naues compu-
 lisset, nauem hostibus onustam de-
 xtrâ tenuit, deinde hac hostium
 ferro amputatâ, læuam nauigio in-
 iecit, idque remoratus est; eâ rursus
 amputatâ, arreptâ mordicus nauim
 defixit, tenuitque, raro sane fortitu-
 dinis

394 DE FORTIT. CHRIST.
dinis exemplo: quod mirari om-
nes, imitari pauci, & forte ne vnus
omnium possit.

Quod si ea Heroibus illis insita
vis animi, vel ipsâ tantum naturâ
duce, quæ debebit esse christiano
militi, cui ad naturam ipsa quoque
gratia accesserit, ab illa quæ senserit
se cælo pugnare, non terris, nō glo-
riæ, trophæisq; breui perituris mi-
litare, sed Deo, beatæque æternitati.

F I N I S.

IN.





INDEX CAPITVM ET

PARAGRAPHORVM.

CAPVT I.

Quid sit, & quotuplex Fortitudo? pag. 3
CAPVT II. Quæ sint partes fortitudinis? 8

LIBER PRIMVS.

De Actibus Fortitudinis, qui in sustinendo positi sunt. 18

CAP. I. De morbi molestiis aquanimiter tolerandis. 20

§. 1. Quid sit morbus? & quæ illius causæ? 22

§. 2. Quæ in morbo afflictioni esse soleant? quæ etiam præsidio? 29

§. 3. Qui fructus è morbo corporis, ad animum emanare soleant? 40

§. 4. Præclara quædã singularis in morbo patientiæ exempla. 51

§. 5. Opportunæ in morbo considerationes. 56.

CAPVT II. De morte 65


§. I.

dinis exemplo: quod mirari omnes, imitari pauci, & forte ne vnus omnium possit.

Quod si ea Heroibus illis insita vis animi, vel ipsâ tantum naturâ duce, quæ debet esse christiano militi, cui ad naturam ipsa quoque gratia accesserit, ab illa quæ senserit se cælo pugnare, non terris, nō gloriæ, trophæisq; breui perituris militare, sed Deo, beatæque æternitati.

F I N I S.

IN-





INDEX CAPITVM ET
PARAGRAPHORVM.

CAPVT I.

Quid sit, & quotuplex Fortitudo? pag. 3
CAPVT II. Quæ sint partes fortitudinis? 8

LIBER PRIMVS.

De Actibus Fortitudinis, qui in sustinendo positi sunt. 18

CAP. I. De morbi molestiis æquanimiter tolerandis. 20

§. 1. Quid sit morbus? & quæ illius causa? 22

§. 2. Quæ in morbo afflictioni esse soleant? quæ etiam præsidio? 29

§. 3. Qui fructus è morbo corporis, ad animum emanare soleant? 40

§. 4. Præclara quædã singularis in morbo patientiæ exempla. 51

§. 5. Opportunæ in morbo considerationes. 56.

CAPVT II. De morte

65

§. I.

INDEX CAPITVM,

- §. 1. *Mors inenitabili Naturæ lege, ac necessitate imposita: æquo constantique animo excepta actus est fortitudinis.* 66
- §. 2. *Mors in Iuuentute alacriter obita actus est fortitudinis.* 83
- §. 3. *Mortem propinquorum tolerare fortiter excelsi est animi.* 99
- §. 4. *Mors gratiâ amicorum excepta fortem animum probat.* 116
- §. 5. *Eadem veritas declaratur heroicâ filij in parentem pietate.* 125
- §. 6. *Qui iuuandis pestiferâ lue infectis ultro se deuouet, inter christianos Heroas numerandus.* 130
- §. 7. *An qui peste laborantibus ex caritate assistit, in eoque officio moritur, inter Ecclesiæ Martyres sit accensendus?* 146
- §. 8. *Mors pro religione, pro fide excepta eximius actus fortitudinis.* 158
- §. 9. *Præclara incitamenta patientiæ, ac fortitudinis ex Tertulliano desumpta.* 173.
- §. 10. *Effusa Martyrum etiam in tormētis lætitia, atque exultatio.* 179
- §. 11. *Qui filium, ciuium suorum libertati immolat: nā ille fortis.* 191
- §. 12.

ET PARAGRAPHORVM.

- §. 12. *De ciuili morte, siue exilio æquanimiter tolerando.* 196

LIBER SECVNDVS.

PROOEMIUM.

- Quid sit, & quotuplex iniuria.* 209

CAPVT I. *Iniuriarũ tolerantia, eximius actus Fortitudinis.* 212

- §. 1. *De iniuriã quæ solis verbis infertur.*
ibid.

- §. 2. *De iniuriã quæ fortunæ bona dissipat, atque euertit.* 218

- §. 3. *Opportunæ considerationes, quæ solatio sint in amissione bonorum externorum.*
229.

- §. 4. *Altera consideratio, eaque maximi momenti, quod diuitiæ plerumque sint occasio peccandi, & abeundi à virtute, summoque bono, id est, Deo.* 240

CAP. II. §. I. *De iniuria, ac macula illata bono nomini.* 247

- §. 2. *Pia meditatio cum acrius animum extimulabunt iniuriæ.* 257

CAP. III. §. I. *De iniuriã quæ corpus malè afficit, ac lædit.* 260

- §. 2. *Exempla singularis patientiæ in iniuriã corpori illatã.* 272

INDEX CAPITVM,

- S. 3. *De iniuria quæ vitam nostram, aut propinquorum impetit.* 280
- S. 4. *Afferuntur ex Senecâ nonnullæ similitudines quæ solatio sint, cum viderimus viros bonos pro virtute, Deoque pati.* 285.
- S. 5. *Nonnulla subsidia ad patientem quarumvis iniuriarum possessionem.* 293
- S. 6. *In Sapientem non cadit iniuria.* 300

LIBER TERTIVS.

PROOEMIUM.

De fortitudine, constantiâque Christianâ in malis publicis. 312

CAP. I. S. 1. *In malis publicis remedium, ac solatium peti debet à diuinâ providentiâ, quæ ea vel facit, vel patitur.* 315

S. 2. *In publicis calamitatibus solatio est meditatio vicissitudinis, senectutis, & occasus rerum omnium.* 322.

S. 3. *Sapienti nec novas, nec miras videri debere publicas calamitates.* 331.

S. 4. *Publica mala à Deo immitti ad castigandam sepius in hac vitâ insignem hominum malitiam: ne eam grauius puniat in æternitate, & hoc viro forti, ac iusto solatium.* 337

ET PARAGRAPHORVM.

§. 5. *Quomodo publicæ calamitates Deilectos terris eripiant, ut calo reddant.*

349.

§. 6. *E malis publicis bona publica Deus elicit, & è priuatis priuata; & hoc boni menti solatio est.*

357

Oratio D. Augustini paulo ante obitum in obsidione Hipponensi composita, eius operibus non contenta, à Cardinale Soripando, olim Generali Ordinis Eremitarum S. Augustini, Patribus Concilij Tridentini exhibita.

372

De actu Fortitudinis qui in aggressionem consistit.

373

CAPVT VNICVM. *De fortitudine militari.*

374.

§. 1. *Quæ militari fortitudini sint aduersa?*

375

§. 2. *Virtutes annexæ militari fortitudini.*

378

ERRATA.

Volupte pro volupe, p. 60. l. 7. alio pro alios, p. 62. l. 10. iam pro tam, p. 65. l. 7. cum pro eam p. 100. l. 11. densatur pro densantur. p. 88. l. 3. leue pro lene, p. 124. l. 15. cogitatione pro contagione, p. 131. l. 16. terdenis pro tredennis, p. 168. l. 4. eam pro iam, p. 227. l. 18. tradant pro truant, p. 234. l. 18. Progo pro Drogo, p. 242. l. 3. martyr omitti debet p. 185. l. 4. anima pro nimia, p. 362. l. 13. nimia pro animi. p. 362. l. 14.

INDEX CAPITVM,

- §. 3. De iniuria quæ vitam nostram, aut propinquorum impetit. 280
- §. 4. Afferuntur ex Senecâ nonnullæ similitudines quæ solatio sint, cum viderimus viros bonos pro virtute, Deoque pati. 285.
- §. 5. Nonnulla subsidia ad patientem quarumvis iniuriarum possessionem. 293
- §. 6. In Sapientem non cadit iniuria. 300

LIBER TERTIVS.

P R O O E M I V M.

De fortitudine, constantiâque Christianâ in malis publicis. 312

CAP. I. §. 1. In malis publicis remediũ, ac solatium peti debet à diuinâ providentiâ, quæ ea vel facit, vel patitur. 315

§. 2. In publicis calamitatibus solatio est meditatio vicissitudinis, senectutis, & occasus rerum omnium. 322

§. 3. Sapienti nec nouas, nec miras videri debere publicas calamitates. 331

§. 4. Publica mala à Deo immitti ad castigandam sepius in hac vitâ insignem hominum malitiam: ne eam grauius puniat in æternitate, & hoc viro forti, ac iusto solatium. 337

ET PARAGRAPHORVM.

§. 5. Quomodo publicæ calamitates Deilectos terris eripiant, vt calo reddant.

349.

§. 6. E malis publicis bona publica Deus elicit, & è priuatis priuata; & hoc bonementi solatio est.

357

Oratio D. Augustini paulo ante obitum in obsidione Hipponensi composita, eius operibus non contenta, à Cardinale Soripando, olim Generali Ordinis Eremitarum S. Augustini, Patribus Concilij Tridentini exhibita.

372

De actu Fortitudinis qui in aggressione consistit.

373

CAPVT VNICVM. De fortitudine militari.

374.

§. 1. Quæ militari fortitudini sint aduersa?

375

§. 2. Virtutes annexæ militari fortitudini.

378

E R R A T A.

Volupte pro volupe, p. 60. l. 7. alio pro alios, p. 62. l. 10. iam pro tam, p. 65. l. 7. cum pro eam p. 100. l. 11. densatur pro densantur p. 88. l. 3. leue pro lene, p. 124. l. 15. cogitatione pro contagione, p. 131. l. 16. terdenis pro tredennis, p. 168. l. 4. eam pro iam, p. 227. l. 18. tradant pro truant, p. 234. l. 18. Progo pro Drogo, p. 242. l. 3. martyr omitti debet p. 185. l. 4. anima pro nimia, p. 362. l. 13. nimia pro animi. p. 362. l. 14.

APPROBATIO.

Libellus præsens R. in Christo P.
IACOBI LOBBETII Societatis
IESV, cui titulum fecit DE FORTI-
TVDINE ET CONSTANTIA
CHRISTIANA, lucem omnino me-
retur, quod testor hac 13. Iunij 1640.

IO: A CHOKIER *Vicarius*
Generalis Leodien.

FACULTAS. R. P.

PROVINCIALIS.

EGo *infrascriptus Societatis IESV in*
Gallo-belgica Prouincialis, potestate
mibi ad hoc facta à Reuerendo adm: P. N.
Generali, facultatem concedo, ut *Libri tres*
DE FORTITVDINE ET CON-
STANTIA CHRISTIANA, à P.
IACOBO LOBBETIO *dictæ Societa-*
tis conscripti, eiusdemque Societatis Patrum
iudicio approbati, typis mandetur. Datum
Leodij 25. Aprilis 1640.

FLORENTIVS DE
MONTMORENCY



